

9117

Upphaling Juppuppale

Upphaling Juppuppale

(Upphaling Juppuppale)

Upphaling

1936p.

9(47. 925)

μ - 90

9147 925

Խ-90

01, SEP 2011

AUG 2007

ՄԱՏԵՆԱՇԱՐ «ՄԱՍԻՍ» ԹԻԻ 27

ԿԻՐԵՆ ԽՐԱՅԵԱՆ

Արամիս Զ. Կր. Գրաբեկ

7 սեպտ. 1938

Կր. Գրաբեկ

ԱՐԻԻՆԻ ՃԱՆԱՊԱՐՅԻՆ

(ՊԱՏԿԵՐԱԶԱՐԴ)



PRINTED IN BULGARIA

1936
ՏՊԱԳՐՈՒԹԻՒՆ «ՄԱՍԻՍ»,
ՍՈՖԻԱ.

288.74

28

14.05.2013

9/11

Քարգմանութեան, վեհհրատարակութեան եւ ընդօրինակութեան ամեն իրաւունք հեղինակին կը պատկանի:

Ե Ր Կ Ո Ւ Խ Օ Ս Ք

Այս գործը քե՛ր նիւթով, քե՛ր ուղղութեամբ եւ քե՛ր պատկառմամբ ձեռնարկեցի հասարիս նպատակէն չի բաժնուիր: Հետէ եւ նոյնիսկ անոր շարունակութիւնը կոչել: Ասոր համար, աւելորդ չեմ համարիր յիշեալ հասարիս հրատարակման առթիւ նուիրուած բազմաթիւ գնահատական տողերէն՝ Պ. Ա. Ահարոնեանի գրախօսականը, որ երեւցաւ «Յառաջ»-ի եւ «Յուսաբեր»-ի մէջ միանգամայն, հոս դնել իբրեւ *յառաջաբան*: Նոյնպէս անոր ընկերացնել Պ. Ա. Զօպանեանի այն տողերը, զոր ինծի յղեց տարիներ առաջ, երբ ես սոյն գործիս մէկ մասը *Անահիտի* մէջ հրատարակել տալէ վերջ փորձեցի առանձին հասար մը կազմել:


Կ. ԽՐԱՅԵԱՆ



4 57475-66

մ
ն
հ
մ
թ
լ
:

ԾՈՎՔ-ԿԵՕԼՃԻԿ



Վա՛յ այժեամին գեղակ նեհողին
(Հայ ժողովրդի առած)

Սեղանիս վրայ մի գիրք կայ, «Ծովք-Կեօլճիկ» վեր-
նագրով:

Հեղինակին չեմ ճանաչում:

Անունը միայն գիտեմ, — Կիւրեղ Խրայեան, գիտեմ
նաեւ որ երիտասարդ է, 24—25 տարեկան, մէկը Մեծ Ե-
զեռնի խլեակներէց, որ ապրել է մազապուրծ, ինչպէս մեր
բոլոր որբերը:

Ծովքեցի է, Ծովաց աշխարհի այն գեղածիծաղ ան-
կիւնից, ուր ծնաւ Նիբսէս Շնորհալին և ուր մի լճակ կայ
Ծով կամ Ծովակ անունով, որ «Լերանց վրայ եւ լերան մէջ
խնկամանի կը նմանի»:

Այս լճակին վրայ գտաւ Գ. Սրուանձտեանց իր «Թո-
րոս Աղբարը, Ողորմ հաւուկը», որ արամօրէն խառնու՞մ էր
կոնակները, հին-հին յուշերի ծարաւով:

Խրայեան տղայ էր տակաւին և Ծովքի ափերի ե-
ղէգների հետ վշլշում էր Մեծ ու Շնորհալի Հայրապետի
«Զարթի՛ք, փա՛ռք իմ, գարթի՛ք»ը, երբ 1915 անիծակուս
Թուականին Հայոց աշխարհի բախտին կարմիր եղեռնը պայ-
թեց:

Եւ թրքական ճիւղի կատաղութիւնը յորձանք տուեց

նաեւ Ծովքի վրայ եւ տրորեց, փոշիացրեց եւ այդ տեղի մի բուռն սքանչելի հայութիւնը:

Տղայ էր, իր մատաղ հոգու բոլոր նրբութեամբ ուժգընորէն պարեց զուլումի բոլոր սարսափն ու կսկիծը, անմեղ այծեամի իր աչքերով տեսաւ իւրաքանչիւրի ահաւոր ջարդէն ու խողխողումը:

Տեսաւ... իր տակաւին թոյլ բազուկները անգօր եղան դահիճներին մէջքը փշրելու:

Անգօր եղաւ ու լացեց, արցունքը իր կուրծքի տակ ծովացաւ Ծովքի պէս եւ այսօր, տարիներ յետոյ, ժայթքում է ցասումի վշէժով իր այս յուզկոտ հատորի մէջ: Բոլորը ջարդուեցին, հայր, մայր, քոյր, եղբայր, ազգական, դրացի. ջարդուեցին՝ երկանաքարի տակ ինկած հատիկների պէս:

Եւ փոքրիկ կիւրեղը մնաց, այս թորոս Աղբարը, աղեկտուր յուշերու Ծովը յուզելու...

Ապրել է տղան, ինչպէս հալածական այծեամ, մերթ լեռներում ու անձաւներում թագնուած, մերթ անտառներում ու թաւուաններում կծկուած, մարդ գազանի պժգալի պատկերից խոյս տալով, հոգում ցաւի ու սարսափի տագնապ, մահը յետեւից կրնկակոխ, մեռելների սարսաղի ոտնաձայնը ականջներին:

Ապրել է այնքան դաժանօրէն, որ իր մանուկ հոգու վրայից ոճիրներով բարձուած դարերի կարաւանն է սահել ու անցել, խոր ակօսներ թողնելով:

Ապրել է երբեմն ինչպէս անվարձ իր ստրուկ ծնողները ջարդող թուրքերի տանը, նրանց մի պատառ հացը կրծելով ու թքնելով ինչպէս թոյն: «Օր մըն սլ, սովորականի պէս սնտոի պատճառով մը, ասում է կիւրեղ, փայտի 50է աւելի հարուածների տակ չդիմանալով, խոյս առի»: Այսպէս է ապրել տղան, տասներկու տարի ետք աշխարհի առջեւ իր այս գրքով հաշուի նստելու:

Հէ՛յ նամարդ ցեղ, այս ես եմ, լացող մորմոքացող տղան. երբ ջարդեցիր ծնողներս, չկարողացայ քո արիւնա-

զանգ գանկը փշրել, ահա կրակէ խօսքերով քո հոգին պիտի փռնի արեւի առաջ, որ տիեզերքը վրան թքնի:

Հարհուրանք է այս գիրքը:

Ու այս ուշիմ, զգայուն տղան ոչինչ չի մոռացել իր մանուկ օրերից: Հայրենի աշխարհի յետին ցօղն ու ցոլքը, նրա շողազարդ աւանդութիւնները, երգը, ժպիտը, վաստակը, համակ կեանքը խորունկ ու լուսազարդ մեր ազնիւ ցեղի:

Ծո՛վք... այնքան արեւ կայ, այնքան ծիծաղ բնութեան մէջ:

Հարսն ու աղջիկ խայտում են դաշտերում եղնիկների պէս՝ վառնզի « Անձուտի սարալանջերուն տեսակ տեսակ բանջարեղէններով կը լցուի գափ, խաւրժիլ, քուռաթ, դաղձ, ուռեկ, թաղթիկ, մեղրուկ, ծողալ, առուի կարոս, կոտեմ, բանջրուկ, կանկառ, երինջնակ, սիանկոտ, պեղա, զապուր, չելամ, թորթիկ, թըթըռկիչ եւն...»: Սահման չկայ մեր աշխարհի բարիքին և հարս ու աղջիկ բանջարաքաղի են ելած:

Հովն է սուլում շինականի քրտնած ձակատին, ու տկօսը հեւում է ու գոլ արձակում ամոնների փնջոցի հետ. հեռու լեռնալանջերին ոսկեգեղ հօտն է թրթռում արեւի շողերի տակ և լի՛ճը, լի՛ճը, այս յեղյեղուկ խնկամանը, ուր թորոս Աղբար հետ մէկտեղ ձկնորսն է օրօրում իր մակոյկի հետ, օրօրում ու երգում մեր հարց մեղեդիները: Ու լճի եզրին Ծովքն է թառել ձագերը պահող թխականի պէս թեւերը բացած, բոլբո կտուրներից ծուխ է բարձրանում. դրսում, պատերի տակ շարուած մեր խոհուն ծերերը հին հին օրերի զրոյցն են անում. մանուկները թրվում են լճի ջրի մէջ և արեւի վառ ցոլքերի տակ բրոնզ են կրտրում, վաղը հայրերի պէս մաճն ու մանգաղը, մուրճն ու հատոցը ձեռք առնելու համար:

Երկինք ու լեռներ, լիճ ու դաշտեր, հարս ու աղջիկ, վաստակ ու բարիք, ակօս ու քրտինք, բոլոր աստուածները միաբան են խորհել ու կերտել այս սքանչելի ներդաշնակութիւնը բնութեան ու մարդկային հոգու:

Համակ Հայոց աշխարհի պատկերն է այս:

Եւ յանկարծ տեղահանութիւն ու ջարդ... Զարդ ճըլ՛ւ
ւլացող մանուկների, հարսների, աղջիկների, ծերերի: Հըր-
դեհն ու աւար արդար յարկերի. մաճկալի բազուկն է փը-
շրուած, դաշտերն են մեռնում երեսն ի վար փոռած ար-
եան ճապարհիք մէջ. ջարդարար գազանների պարն ու ու-
նոցն է սկսում... Թուրքի յապկոյթը...

Ծովքում միայն Ծովեցին չէր, որ բարբարոսների
ոտքերի տակ աղանձուեց ու փաշխացաւ. «անլուր դառ-
նութեամբ հոն խողխողուեցան էրզրումցին ու երզնկացին,
հոն բղիկ-բղիկ եղաւ Տրապիզոնցին, աննախընթաց չար-
չարանքներու մէջ հոն մեռաւ Կիրասոնցին, գազան մար-
դոց կատաղութեան հոն զոհ եղաւ Քեմախցին, Շ. Գարա-
հիսարցին և օրերով փշուր-փշուր եղաւ Բարբրոցին, հոն
իւր շունչը փչեց Խարբերդցին», պատմում է Խրայեան:

«Իրարու ետեւէ կը հասնէին յոգնած ու պարտասած
տարագիր թափոռներ և կը ջարդուէին Կէօլճիւկի եզերքնե-
րուն վրայ— Տէվէ-Պոյնուէն սկսեալ, Սեւսաղ, Մաստառի
ետեւի փէշերը երկարող ճանապարհներու ձոր-ձորակներուն,
բլուրներու կուշտերուն, սափաստաններուն և ամէնէն շատ
ծովեզերեայ աւազներուն վրայ դիակներով բուրգեր
կազմուեցան... Յուլիսեան օրերէն մինչեւ աշունի վերջե-
րուն նեխած դիակներու բազմութենէն ամբողջ Ծովքի շըր-
ջանը գրեթէ կը հոտէր»: Բա՛ւէ, լո՛ւս, լո՛ւս, դժբախտ
տղայ, թող որ մոռնանք: Ո՛չ, անողորմ է հեղինակը, վա-
սնդի աշխարհում բնաւ գութ չտեսաւ: Եւ էջ-էջի յետեւից
այս գրքից բարձրանում է ցեղիս ապրած արհաւիրքի վիթ-
խարի սուգը, մղձաւանջ, խելազարութիւն, արիւն ու ար-
ցունք սփռուած այս սարսափաշունչ թերթերի վրայ և անա
նհատակների շջմեցուցիչ նկարագիրը. դիակներ, դիակ-
ներ, «մէկը կուրծքէն, միւսը գլուխէն, ուրիշ մը թիկուն-
քէն զարնուած, աղջիկ մը տեսայ թիկունքին վրայ շրջը-
ւած, որ չեմ կրնար ըսել, թէ որտեղէն էին զարկած հրէշ-
ները, դիակին լանջքը ցամաքին, զլուխը՝ ծովափին, արե-

ւի ճառագայթները ջուրին, ջուրը ալեակներուն, ալեակ-
ներն արձակ մագերուն եւ խարտիչագոյն չքնաղ մագերն
ալ գլուխին շուրջը պսակ կը հիւսէին»:

Ահա ջարդէն ազատուած «բախտաւորների» ճակատա-
գիրը. — մի ծերուկ թուրք աղայի ծառայ է Կիւրեղը, այն-
տեղ են և երկու առեւանգուած գեղանի հայ հարսները.
«Ամիս մը չանցած ծերուկին մեծ թոռը բռնաբարեց հարս-
ներէն մին եւ շարաթ մը վերջը յանձնեց Ալի անուն ծա-
ռայի մի, որ տարաւ Կէօլճիւկի եզերքներուն վրայ սպանեց
կաթընկեր զաւկին հետ»:

Հէ՛յ նամարդ ցեղ, հաշի՛ւ տուր:

Այսքան արիւնն ու պղծութիւնը ո՞ւր պիտի պարտը-
կես:

* * *

Ահա 12 տարի անցաւ արհաւիրքի օրերից. խոստովա-
նում եմ, ցեղիս ճակատագրի քաղաքական ուղիների վրայ
խոկալիս մենութեան մէջ, երբ դաժան առեղծուածի առջեւ
գանկս է տնքացել, յաճախ եմ փնտոել աղերսել, հայցել
մոռացումը:

Գերագոյն մոռացումը:

Հայցել եմ ինձ համար, իմ հոգու համար, որպէսզի
տանջանք հանգչի վերջապէս, ինչպէս կտրուանի ձգած
կրակն սնապատում: Հայցել եմ իմ վիրաւոր ու մղկտացող
ցեղի համար, որ մոխիրների ու տեղակների միջից նա
բարձրանայ վերստին անբիծ ճակատով, զարչանքը, զար-
հուրանքը, քէնը՝ ոխը, ատելութիւնը մոռացած:

Չէ՞ որ կեանքը զարթնում ու փթթում է ժպտի մէջ
միայն. չէ՞ որ գերեզմանների աճիւնները թոյնով չեն ու-
ճացնում իրենց ծոցից ցայտող ծաղիկները, այլ այն ստեղ-
ծագործ ու հզօր ըրթմով, որ կեանքի յաւերժական աղբիւրն
է, մոռացումների մրրկոտ խառնարանի մէջ:

Մոռացումն եմ փնտոել հոգուս ու կամքիս անհնարին
ճիգով:

Հայտ եմ նայել թուրք ժողովուրդի փորձերին ազգ դառնալ, եւ մանավանդ մարդ դառնալ հանրապետութեան և ազատութեան ծոցում:

Եւ ահա այս գիրքը, տիկին Կապտանեանի աղեկաւոր էջերից յետոյ, որ կսկիծի մրրկով մտրակում է մեր հոգիները, մեր ցեղի արդար հոգին:

Ո՛չ, թուրքը արիւնի առեղծուածն է տակաւին, և մեր ցեղի քաղաքական ճակատագրի վրայ շատ ճակատներ պիտի կռանան ծանր ու դաժան խոհերով:

Հայկական հարցը լուծուած է...: Ո՛վ թշուառ, ո՛վ սրբապիղծ մոլորութիւն:

* *

Կարդացի Խրայիանի գիրքը մէկ շունչով:

Սրուանձտեանցի հոգուց է ծնուած այս տղան, հայրենապաշտ մեծ վասպուրականցու ոսկեծղի գրիչն է շորթել Ծովքի կոհակները խառնող Թորոս Աղբօր կտուցից ու նրա սէրն ու կրակն ունի իր հայրենիքի համար, չէն թէ աւեր, հին ու նոր:

Կարդացի դժբախտ գիրքը ցաւով ու ցասումով. հոգիս այրեց ու շարտեցի սեղանիս վրայ: Ահա ընկած է նա աչքիս առջեւ լայն բացուած՝ ինչպէս մի խորունկ ու մխալցող վէրք:

Մոռնա՞լ այս բռնորդ...:

Ո՛չ, չեմ կարող մինչեւ որ...:

Ահ, թողէք, որ դաժան ու անդառնալի խօսքը չարտասանեմ:

Կեանքը միայն անէծք չէ:

Ա.Ի.ԵՏԻՍ Ա.ՀԱՐՈՆԵԱՆ



Յ Ա Ռ Ա Զ Ա Բ Ա Ն



Ճիւղադային ոճիւրը, զոր թուրք կառավարութիւններուն յոռեգոյնը, ինքղինքը շնական հեղնութեամբ մը «Միութեան և Յառաջդիմութեան Գոմիթէ» անուանող մոայլ ու աղիտաբեր խմբակցութենէն բխած կառավարութիւնը, 1915-16ի շրջանին՝ օսմանեան պետութեան ամէնէն խուժուժ տարրերուն ձեռքով՝ գործեց հայ ժողովուրդին դէմ, դեռ հետո է իր մեծաղանգուած, երկարատեւ ու բազմաձև արհաւիրքին ամբողջութեանը մէջ ծանօթ ըլլալէ օտարներուն ու նոյն իսկ մեզի: Անոր մէկ մասը միայն արձանագրուած է օտար ականատեսներու և դժոխքէն ազատած հայերու կողմէ գրուած նամակներու, տեղեկագիրներու, նկարագրութիւններու մէջ. ատոնց հաւաքածուներն ու մեկնաբանութիւնները կը գտնենք լորտ Պրայսի ղեկավարութեամբ հրատարակուած անգլիական ստուար Կապոյտ Գրքին մէջ, զուիցերիական հայասէր Գոմիթէի ֆրանսերէն գրքոյկներու շարքին, Լեփսիուսի, Էմիլ Տումերկի, Արնոլտ Թօյնպի գրքերուն և ուրիշ օտար անձնաւորութեանց կողմէ կատարուած նմանօրինակ հրատարակութեանց մէջ: Մերոնցմէ, պէտք է յիշատակել Արամ Անտոնեանի՝ Մեծ Եղեռնին մէջ թուրք կառավարութեան ուղղակի և ամբողջական պատասխանատուութիւնը վճռական փաստերով հաստատող մեծարժէք գործը, որուն ամփոփումը լոյս տեսաւ անոր լիակատար բնագրին ֆրանսերէն թարգմանութեան հրատարակու-

մէն յետոյ, և հանգուցեալ Կարապետ Գաբրիկեանի մեծածաւալ հատորը, Եղեռնապատում, ուր Սերաստիոյ և ընդհանրապէս Փոքր Հայքի կոտորածներու և տեղահանութեանց սոսկումները կը նկարագրէ, Սասուն - Մուշի շրջանի հայ ազգաբնակիւթեան կարճատե հոյակապ ինքնապաշտպանութեան ճիգէ մը յետոյ՝ ահաւոր բնաջնջումը պատմող գըրուածքի մը, ինչպէս և Շապին - Գարահիսարի հայութեան յուսահատ ու մոլեգին դիմադրութեան պատկերացումն տըւող գրուածքներու ֆրանսերէն թարգմանութիւնները, Վանի, Ճեպէլ Մուսայի, Ուրֆայի հերոսական սխրալի դրուագներուն նկարագրութիւնը պարունակող մէկէ աւելի հայերէն գոթոյկներ կամ հանդէսներու մէջ երեւցող յօդուածներ, և դեռ ասոնց նման ուրիշ հրատարակութիւններ, որոնց շարքը ցարդ կը ձօխանայ լրագրաց ու հանդէսներու մէջ լոյս տեսնող նորանոր գրուածքներով:

Այս բոլոր նկարագրութիւնները, ինչքան ալ մասնակի կերպով ներկայացնեն այդ զարհուրելի նախճիրը, շատ բան կը պարունակեն արդէն, կարելի է ըսել՝ էական գծերը կու տան այդ գեհնային շրջանին մեր ցեղին կրած անասելի մարտիրոսութեան: Ինչ որ շատ աւելի քիչ կատարուած է, մարդկային հրէշութեան այդ անօրինակ պոռթկումէն և անոր հակադրուող հայ նահատակութեան աղետարար կամ վըսեմ տեսարաններէն ու տեղ տեղ պարզուած դիմադրութեան սքանչելի ճիգերէն ներշնչուած և ատոնց ամբողջ նշանակութիւնը դուրս ցատկեցնող գրական գործերն են՝ հայ վիպասաններու կամ բանաստեղծներու կողմէ յօրինուած:

Օտար գրողներ աւելի շուտ մօտեցան այդ նիւթին, անոր մոռյլ գեղեցկութենէն հանելու համար համադրական մեծ նկարներ: Այդպէս արիւնը կ'աղաղակի գեղեցիկ վէպով (որուն ֆրանսերէն թարգմանութիւնն ալ լոյս տեսաւ և որուն ցաւալի է որ հայերէն թարգմանութիւն մը դեռ հրատարակուած չըլլայ)՝ օրիորդ Փօլ Հանրի Պորտօ Անքաուսմ Տրապիզոնցի զմայլելի վէպով, ուր ամբողջ ժողովուրդի

մը վայրագ տարագրութեան զարհուրանքը արտայայտուած է վարպետ նկարչի զգայուն վրձինով մը և որուն հայերէն աղուոր թարգմանութիւն մը՝ Հ. Յովհ. Թորոսեանի ձեռքով կատարուած՝ նոր լոյս տեսաւ. Ֆրանց Վերֆէլ՝ իր «Մուսա Լերան Քառասուն Օրերը» հօօր վէպով, ուր Սուէտիոյ գիւղացիներուն քաջ ու բարեպաշտ դիմադրութիւնը փառաբանուած է և ատոր հետ ամբողջ հայ-թուրք մենամարտմին տոամը լոյսի մէջ դրուած: (որուն ամբողջական թարգմանութիւնը կատարեց, Սոֆիայի «Մասիս» Հրատարակչականի նախաձեռնութեամբ, բազմավաստակ թարգմանիչ պ. Եր. Տ. Անդրէասեան):

Հայոցմէ դեռ ոչ մէկ ծանօթ վիպասան, ոչ մէկ յայտնի բանաստեղծ այդ մեծ նիւթը ձեռք առած և անկէց գրական մեծակառոյց բազմատարր գործ մը հանած է:

* * *

Կիւրեղ Խրայեանի ներկայ պատմուածքը ուշագրաւ էջ մըն է:

Խրայեան, Խարբերդի մօտիկ գտնուող ու պատմական յիշատակներով հարուստ Մովք գիւղի զաւակ, պատանի էր, երբ տարագրութիւնն սկսաւ: Ինք ալ քուած իր ծննդավայրէն, բաժնուած իր ծնողքէն ու ազգականներէն, որ բոլորն ալ ջարդուած են, մին եղած է անոնցմէ, որ ջարդուելու տեղ, թուրք, քուրտ կամ արաբ տուներու մէջ իբր դերի տարուելով, բռնադատուած են մահմետականութիւն ընդունելու, և կամ կեղծած են ինքնակամօրէն մահմետականութիւն ընդունելու կարենալու համար ազատիլ մահուընէ և սպասել հրաշքի մը, որ զիրենք իրենց ազգին, իրենց կրօնքին, իրենց հարազատ դէմքին ու կեանքին դարձնէր: Հրաշքը եկաւ. Դաշնակիցներու յաղթանակի ձեւին տակ, որ, եթէ մեզ զոհնօրէն յուսախաբ ըրաւ մեր դպրին հանդէպ այդ յաղթականներուն ունեցած անսիրտ վարմունքով, գէթ ազատեց թրքահայութեան մնացորդը լիակատար բնաջնջումի մը վտանգէն, փրկեց բաւական ստուար

թիւ մը մահմետական խառնադանճին մէջ դերի մնացած, ձուլման սահմանուած հայ հազարաւոր երիտասարդներ ու երիտասարդուհիներ: Զինադադարի օրէն քիչ յետոյ՝ ան թօթափելով իր կեղծ թրքացման անհանդուրժելի չարչարանքը, կու գայ Խարբերդ, և 1919-էն 22 հոն՝ Ազգ. Առաջնորդարանին մէջ համախմբուած որբերու վրայ հակիչի պաշտօն մը կը ստանձնէ, յետոյ կ'անցնի Սուրիա, յետոյ Ֆրանսա, ապա Ամերիկա: Եւ նիւ Եորքէն դժբախտ կ'ըլլայ վերադառնալով դարձեալ Ֆրանսա, ուր կը գտնուի հիմա:

Յետպատերազմեան իր այդ թափառիկ կեանքը եղած է իրեն համար՝ ուրիշ ձեւով չարչարանքի շրջան մը: Զերմ ու զգայուն հոգիով երիտասարդ, գրականութեան համար բնածին ձիրքերով օժտուած, մտաւոր գործունէութեամբ իր ազգին և անոր մշակոյթին ծառայելու ցանկութեամբ սուշորուող, ան անձկագին փափաքած է հերոսական վարժարան մը մտնել և կանոնաւոր ուսում ստանալ, իր մտքին տալ հիմնաւոր զարգացում մը: Դիմումներ ըրած է, և չէ յաջողած գտնել օգնութիւնը: Որ իր երազին իրականացումը հնարաւոր պիտի դարձնէր: Ունեցած է անստոյգ կեանք մը, ճանչցած է բոլոր նեղութիւնները:

1927ին, Մարտէյլի մէջ, Խրայեան հրատարակեց «Ծովք-Կէօլճիւկ» տիտղոսով գիրք մը, որուն առաջին մասը իր ծընընդավայրի մասին տեղագրական, ազգագրական, պատմական, բարացուցական մենագրութիւն մըն էր և երկրորդ մասը՝ Ծովքի հայութեան տարագրման նկարագրութիւնը: Ծահկան ու յուզիչ գործ, որ ուշադրութիւն գրաւեց ու գընահատուեցաւ, հակառակ որ հեղինակը՝ քանի մը հայերէն գրքերու ընթերցմամբ միայն իր աշխարհայեացքն ու ոճը կազմած, շարադրութեան ու լեզուի որոշ թերութիւններ երեւան կը բերէր հոն՝ հետաքրքիր ու խուզարկու մտքի մը և հայրենասիրական վառ զգայնութեան մը հետ: Այդ գիրքը եղաւ առաջը այն շատ գովելի աշխատութեանց, զոր թըրքահայաստանի զանազան շրջաններու ժողովուրդէն ողջ մընացած հայորդիներ նուիրեցին իրենց աւերուած ու ամա-

յացած ծննդավայրին պատմութիւնը, աւանդութիւնները, բարբառը, ֆօլքլօրը հատորի մը մէջ սեւեռելով կորուստէ փրկելու համար: աշխատութիւններ. որոնց շարքը դեռ հեռու է վերջացած ըլլալէ և որ ցանկալի է կատարուին Հայաստանի այդ տարաբախտ կէսին բոլոր շրջաններուն համար:

Յետոյ, Խրայեան մէկ քանի թերթերու և մասնաւորապէս Անահիթի մէջ հրատարակեց իր ծննդավայրին աւանդութիւնները, յիշատակները, բարքերն ու պատմութիւնը ոգոզ կամ տարագրութեան օրերէն տեսիլներ սեւեռող պատկերներ ու պատմուածքներ:

Ներկայ պատմուածքը ամէնէն կարեւորն է իր ցարդարտադրած գրական էջերուն, և տարագրութեան տարտարուէն քաղուած հայերէն պատմուածքներու ամէնէն սպաւորիչներէն մին: Այս գրուածքը ուրիշ մասնաւոր արժէք եւս ունի անոր համար որ ցարդ անձանօթ մնացած մանրամասնութիւնները ի յայտ կը բերէ Խարբերդի պատուական հայ ուսուցչագետներէն մէկուն և անզուգական գրագէտ թլկատինցիին քստմնելի չարչարանքներով մահացման վըրայ: Այդ անիծեալ տարուան ընթացքին, մենք հայ մտքի ամէնէն թանկագին ներկայացուցիչներէն ամբողջ հոյլ մը կորսնցուցինք՝ ահաւոր պայմաններու մէջ, զոր կ'երեւակայենք բայց որոնց վրայ՝ ընդհանրապէս՝ որոշ ոչինչ գիտենք:

Խրայեան այս պատմուածքին մէջ մեզի կը ներկայացնէ բազմադիւն ուսուցիչ Պուճիքանեանի ու պ շտելի թլկատինցիին կոչկոճամահ չքացման պատկերը, զոր ակահատես մը իրեն հաղորդած է՝ Եղեռնին տիրապետման շըրջանին իսկ: Հայ Դատի այդ մեծ նահատակներուն մահուան մանրամասնութիւնները նուիրական են մեզի համար: Պէտք է շնորհակալ ըլլանք Խրայեանին, որ հայ մտքի հերոսներէն ոմանց խաչելութեան ճշգրիտ ու կենդանի արհաւրանկարը կու տայ մեզի: Իր պատմուածքին առաջին մասին մէջ, նկարագրութիւնը այն սոսկումներուն զոր ինքն իսկ

տեսած կամ որոնց ենթարկուած է անձամբ, կատարուած է
անոյ ու կատարութեամբ սողորուն ոճով մը, որ, յուզ-
մունքով բարխուն, ինքնայատուկ գոյն մը և շեշտ մը
ունի: Իսկ Սա բերդի մտաւորականներուն Գողգոթային
պատկերացումը սարսուռ սուռող էջերու շարք մըն է: Իր
այս գրուածքը ապագայ լաւագոյն գործերու յոյսը կը ներ-
շնչէ:

Պէտք է կարգալ ու տարածել այս հատորը: Մեր մէկ
միլիոնէ աւելի եղբայրներու և քոյրերու անողորմ սպա-
նումը կամ թշնամիին հարեմներուն մէջ ողջ ողջ թաղումը,
մեր ամէնէն սիրելի մտաւորականներուն վատագի խողխո-
ղումը, հսկայ ողջակէզ՝ հայ ազգային դատի սեղանին վը-
րայ կատարուած, միշտ մեր մտքին ու սրտին առջև պէտք
է մնան կանգուն, իբր տիրական յուշարար և անդիմադ-
րելի թելադրիչ այն մեծ ու բազմապատիկ պարտականու-
թեանց, զոր ունինք հաւաքական աննախընթաց մարտի-
րոսութեամբ մը սրբազործուած, մեծարանքի ու սիրոյ դառն
սուգը աւելի արժանի դարձած մեր ալեւոր ու անմահ ազ-
գին հանդէպ:

Փարիզ, 31 մայիս 1934

ԱՐՇԱԿ ՉՊԱՆԵԱՆ



99-575-6
57575

Ն Ա Խ Ա Ռ Ա Ն



Մեր ազգային վերջին Մեծ Աղէտէն վերապրող սերունդ
մ'ունիմք, որ երկար ու բնդարձակ արեան նանապարհ մը
կտրելուն համար աւելի շատ հաւասարուց քէ կրնայ մեր վաղ-
ուան յոյսերն ու ակնկալութիւնները ոգեւորել:

Գիտեմ որ շատեր եղան որոնք ինձմէ աւելի չարչարանք
ու խաչելութիւն տեսան, ինձմէ աւելի սոսկում ու սարսափ
հաւեցին, բայց ինձի չափ խորունկ լացողներ եւ յուզուած
մնացող շատ եղան:

Չեմ գիտեր:

Տիեզերական պատմութիւն մը սարսափեցնող այս սնրա-
գործութեան դիմանալու անգորութեան ցաւէն, արհաւ սակ
լացք ծովացաւ, եւ յուզումը բանձր մառախուղի մը պէս
բարձրացաւ: Մեկը վկայութեան մը խօսուն զգացումներով
ցամեցնելու, իսկ միւսը բողոքի մը արդար աղաղակներով
ցրելու յոյսին սակ, քանի մը սարիներ առաջ փորձեցի հրա-
սարակել առանձին հասոք մը: Սակայն, սարիներուս երկայնքն
ի վեր բնկերացող ցասումը մեղմացա՞ւ, քէ ոչ արմատութիւնս
նորոգուեցաւ:

Չեմ գիտեր:

«Քանի որ ամէն գիտեր հալածանքներու երազներով կը
սանջուի», ու ցնցումներ կ'ունենաս դեռ, հարկաւոր է գերա-
գոյն մոռացումին մէկ ճիգը շնորհող գրութիւն մը գտնել»:

ԱՐԻԻՆԻ ՃԱՆԱՊԱՐԶԻՆ



կյրսեր ինձ բարեկամ բժիշկ մը, բայց այդ գրութեան գոնէ մէկ
 տառաւիղը կրցա՞յ տեսնել այս աշխարհի վրայ:

Չեմ գիտեր:


Սակայն գիտեմ որ կեանքի անհնարին լարումով մը կը
 վերադառնամ այսօր այն սոսկալի եջերուն՝ որոնց վերջի-
 շումներով իմ ցաւասանջ սրտիս խշխիշք կը բորբոքի ու կը
 բարձրանայ:

Անողոք կոչու՞մ մըն է որ կը հարկադրէ գիտ, քէ ոչ
 ուրիշ անգուր բան է որ կը ստիպէ հոգիս:

Չեմ գիտեր:

Կ. Խ.





ԿԻՒՐԵՂ ԽՐԱՅԵԱՆ

«Երանի թէ կարելիութիւն ըլլար այս ապրելու անար-
ժան հայուն պարագուիւները բանի մը ժամ վերակենդա-
նացնել եւ այս կաղաքին դրան առջեւ բարձրացնել՝ որ-
պէսզի տեսնէին թէ ինչպէս բանդուած ու մոխիր դարձած
են իրենց ամբողջ աշխատանքներն ու նիւթերը մեր արդար ու
նիզոր բազուկներով»:

ԹՈՒՐԻԻ ԽՕՍԳ

Ա. ԳԼՈՒԽ

ՔԱՂԱՔԻՆ ԴՐԱՆ ԱՌՋԵԻ

Ախոռը, հինցած ու անպէտ դարձած շորերու մէջ, անճար տղու մը ուժերով կը չափչփէի հոգեկան մղձաւանջներու երկայնքն ու լայնքը:

Կենդանիները կը շնչէին արագ արագ, տաքը կ'ուռէր, ու գոլը կը բարձրանար ախոռին ամէն կողմը, սակայն կծկուող մարմնոյս մտւոյն չէր վերջանար, հեծեծող սրտիս դողը չէր դադարեր:

Երէկ, աւելի մանուկ օրերուս, իմ գիւղիս մէջ, ոսկի շղթաներով կախուած աշխարհ մը երեւակայեր էի քաղաքը: Կարծեր էի թէ հոն ամէն բան գեղեցիկ է, փողոցները լուսաւոր, տուները պայծառ եւ ամէնէն ցած պատն անգամ ճառագայթ ունի: Կարծեր էի թէ քաղաքը բնակող մարդիկ կազմով մեզի պէս են, բայց սրտով շատ աւելի խորունկ ու ազնիւ, մտքով շատ աւելի բարձր ու զօրեղ: Կարծեր էի թէ հոն մարդիկ չեն պժգար, որովհետեւ տգեղութիւն չկայ, չեն վախնար, որովհետեւ գորութիւն չկայ, չեն յուզուիր, որովհետեւ տգիտութիւն չկայ, չեն բարկանար, որովհետեւ ամէնէն թեթեւ յանցաւորն անգամ պատիժ ունի: Համակ լոյս մը երեւակայեր էի քաղաքը, ուր ծնող ու ապրող մարդիկ սահմանուած են որքան գիտուն նոյնքան մաքուր, նոյնքան գեղեցիկ ըլլալ եւ մեր կեանքի ուղիները գծել:

Ո՛րքան նախանձեր էի այն մէկ ընկերոջս, որ քաղաք տես-
 նելու բախտ ունեցած էր: Ո՛րքան մեծ հիացումով նայեր
 էի գիւղ եկող այն մէկին՝ որուն համար վկայեր էին թէ
 քաղաքացի է: Կոտորածներու և արիւններու սարսափելի
 արհաւիրքները, սակայն, ուժգնօրէն յեղաշրջած էին տղա-
 յական մտածումներս, ու համոզումներս դարձուցած էին
 բոլորովին հակառակ կողմի վրայ: Նորէն չէի տեսած քա-
 ղաքը, բայց այլեւս ո՛չ միայն չէի ուզեր տեսնել զայն, այլ՝
 ի խոր սրտէ կը բողբոջայի հասնիլ ու ապրիլ տեղ մը՝ ուր
 քաղաքի անուն բնաւ չէր լսուեր: Որովհետեւ քաղաքը հի-
 մա կը ճանչնայի դժոխք մը որ կը կենար չար դեւերուն
 գլուխներուն վրայ, և այնքան սարսափելի, որ աշխարհ մը
 հրդեհելու չափ կրակ կրնար վառել, և ուր ապրող մարդիկ-
 ներ զազանացած՝ ամէն ժամ նոր գազաններ կը ծնին: Հա-
 ւատացած էի թէ անկէ եկող ոեւէ մարդ, պաշտօնեայ կամ
 գինուոր, գթութեան սիրտ չի կրնար ունենալ, որովհետեւ
 քաղաքը կը սպաննէ մարդկային գթութեան ամէնէն տար-
 րական խիղճն ու բարութեան ամէնէն թեթեւ զգացումն
 անգամ:

Քաղաք գացող ոեւէ Հայ մը կրնա՞ր պրծիլ մահուան
 հնոցէն, կրնա՞ր վերադառնալ իր կեանքին ու տեղին, ան-
 հնար էր հաւատալ, եթէ հրաչքի մը շնորհքը չըլլար: Ատա՞ր
 համար առաւօտեան բարութիւնը զգալու տեղ՝ կուրծքս մահ-
 ուան վախի ծանրութեան տակ կը ճնշուէր և սիրտս կը
 չարչարուէր:

Այնտեղ, ուր ոճիրը սանձարձակ խրախճանք կ'ընէ,
 ուր համատարած մահը մինչեւ երկինք բարձրանալու թեւեր
 ունի, այնտեղ ո՞վ կրնայ բարի բան երեւակայել, ո՞վ
 կրնայ չարժամ մը տեսնել կամ լսել ու չտոկալ: Ախտօին
 դուռը ճռաց՝ սիրտս ճչաց: Առտուան մթնշաղիին, չարութիւն
 որոնող չարագործ մը ստուեր ըրաւ ու ներս անցաւ: Պէքոյն
 էր, Օսման աղային քիւրտ ծառան, որ մութ դէմքը վտան-
 գաւոր նայուածքներու հետ կը թաղէր սեւ ու խոլը ըն-
 չացքի մը մէջ:

— Վա՛յ կեաւուրի զաւակ, վա՛յ շուն շան որդի, տա-
 կաւին չե՞ս պատրաստուեր գործի:

Ո՞վ կը համաշճակի դէմ խօսիլ: Թուրքի ծառայի ծա-
 ռան անգամ ամբողջ Հայութենէն աւելի թանգ է, և անոր
 սպառնալիքը արժէք ունի: Անոր ճիւղաղային ձայնի ար-
 ձագանգն անգամ Հայը մահացնող թոյն ունի:

Չարագործը, որ կարող էր իր մէկ հարուածով ջարդ
 ու փշուր ընել մեր գլուխն ու դէմքը, մեր սիրտն ու կեան-
 քը առանց վախի ու պատասխանատուութեան, բաժին մը
 հացի հետ առջեւս շուրճնեց երկու սոխ ու կտոր մը աւրուած
 պանիր:

Շուրճնելը աճապարեցնելու անգութ նշանն էր:
 Չգիտցայ թէ ի՞նչպէս կերայ ու մէկ սոխն ալ զաղտնի
 ծոցս թաղելով, կենդանիները պատրաստելու գործին սկսայ
 իրեն հետ:

Ինչքա՛ն կ'ուզէի որ այդ անգամ գոնէ մոռցուէր չա-
 րունակ կրկնուած հետեւեալ խօսքը.

«Այխատանքներուդ արժէքը կերած հացիդ զինը չի
 վճարեր»:

* * *

Եւ հիմա ճամբորդ ենք դժոխքին մէջ: Դժոխքէն
 դուրս: Խարբերդի հին քաղաքէն գիւղ կը վերադառնանք:
 Կրնա՞մ ազատուիլ կրակէն ու անոր շուրջը թեւ առնող գա-
 ղաններէն, բախտը գիտէ, որ անծանօթ է, ու զայն քա-
 չելու, ճանչնալու սիրտ չկայ:

Օսման աղան էջ մը ունի, յոգնութեան ատեն հեծնե-
 լու համար: Անոր քոյրը, որ իմ հանրմս է, կարմիր ձիու
 վրայ նստած է: Այս վերջինը, զինք ծածկող կանանչ չար-
 ջաֆին մէջէն ձեռքի մէկ մատն անգամ ցոյց չի տար, կը
 խօսի բայց շատ սակաւ և խօսակցութեան ձայնը հազիւ լը-
 սելի կը դարձնէ: Որովհետեւ քաղաք ապրող հրաւագործ ու
 մարգարէ Մեծ Իմամէն օրհնութիւն առած էր:

Ես հանրմիտ ձիուն սանձը կը քաշէի: Պէջոչը՝ ուրիշ երեք գիւղացիներու հետ, բեռնաւորուած մէկ մէկ էշ կը քշեն:

Քաղաքի արեւմտեան ներքին դռնէն դուրս կ'ելլենք ու կը կենանք արտաքին դրան սեմին վրայ: Բարձունք մըն է այս սեմը, որ նոր քաղաքին հետ ընդարձակ գիւղեր ու տեսարաններ իր ոտքերուն տակ առնելու հօգորութիւն ունի: Բնութիւնը հոն ծով մը կ'ընէ որ վերջ չունի: Պատմութեան տարածութիւնը կը թուի թէ բազմաձեւ ուղղութիւններու վրայ կը հասնի, ու այս սեմին առջեւ անոր հունը կ'իյնայ, ուժը կ'ուրուագծուի: շեշտը կը ճանկատուի, դիմագիծը տանջանքի ձեւեր կ'առնէ:

Մարտիրոս պատմութիւն:

Մեր սպասելը երկու խարխլած բեռներ կարգաւորելու չափ տեւեց, որ ատեն մեզի միացաւ ոստիկան տասնապետ մը:

Այս վերջինը, որ ձիու դիմագիծ մը ունէր և կը ցուցնէր թէ իր ճակտին կնճիռ վը կը պղծէ ամէն ձիգ, Օսման աղային անցուցած զինուորական կեանքի մէկ ընկերն էր: Անիկա, անմիտ մարդու հաճոյք պատճառող եղանակով չափազանցեց իր բարեւը, վաւաչոտ դարձուածքի եղանակով մը երկարեց այդ հանդիպումէն իր զգացած ուրախութեան արտայայտութիւնը, յետոյ, դարձաւ, նայեցաւ ինծի ու լայնցած իր դեղնած բիծերով վարակուած աչքերը, որպէս թէ զոհի մը խարոյկը վառելու հաճելի պատրաստակամութիւնն ունենար:

Կասկած չկար որ տասնապետը իր առաջին նայուածքով կռահեց հայ տղայ մը ըլլալս: Որովհետեւ ոչ միայն հագուստիս ողբալի վիճակը կը մատնէր զիս, այլ և անոր չարաշուք ներկայութեան մէկ բիրտ նայուածքը միայն բաւ էր որ դէմքս այլափոխուէր, տոգունէր, աչքերս յոգնէին, կախուէին, ու յայտնութիւնը կատարեալ ըլլար: Անիկա, զիս ճանչնալու պէս իր տափակ ու աղտոտ ակոսները բացաւ, շարժեց ու նորէն իրարու սեղմելով՝ խեղդեց այլանդակ մուտուք մը:

— Ո՞ր տեղացի է այս տղան, Օսման աղա:

— Ծովեցի է:

— Ծովեցի՞...

Ու այլայլող ստուեր մը հեծկլտաց:

Տասնապետի կոկորդին մէջ քաշկռտուք մը կար: Կըրակի երեւակայութիւն մը կը բորբոքէր, կայծ կայծի կը զարնուէր: Պիտի փակէ՞ր, պիտի վառէ՞ր: Փորձը գիտէ:

— Ուրեմն կը ճանչնա՞յ Ծովեցի մեծահամբաւ յեղափոխականը, որ առաջնութիւն շահելու յիմարութեամբ էկինէն լուր դրկեց, քարոզ կարգաց թէ «Բեռին (ոռուը) շուտով Սարբերդ պիտի հասնի»: Ուրեմն գիտէ՞ թէ ինչ եղան համբաւաւոր ու անհամբաւ յեղափոխականները, մեծ ու պղտիկ քարոզիչները ծափող ու հետեւող ունկնդիրները:

Վերջին խօսքը ծաղրող ծիծաղէ մը կախեց, և հարցականը արհամարհանքի մը հեզնութեան մէջ նետեց:

Ձանացի սեղմել ոռուգներս, խածնել յուզումս, որ զիս իր կողմը դարձնելու ուժ չունենայ, որպէս թէ չէի լսեր, չէի հասկնար, չէի ճանչնար, չէի գիտեր: Մինչդեռ կարելի չէր որ երբեք չիմանայի ծնունդով իմ գիւղացի Շահպազ Գազըռեանի այնքան մեծ աղմուկ յարուցանող պարագան:

Յիշեալը, շատ կանուխէն զրկուած էր իր ծնողքէն: Ձինքը տարած էին Մեղրէի գերման որբանոցը, ուր մեծնալով յաջողապէս լրացուցած էր նոյն հաստատութեան վարժարանին շրջանը: 1914ին, առաջին անգամ ըլլալով ուսուցչական պաշտօն ստանձնած էր Էկինի մէջ, ուրկէ, Սարբերդ քնակող իր բարեկամին զրկած մէկ նամակը Քեռին (ոռուին) շուտ գալու ցանկութիւնը յայտնող մէկ երկու նախադասութիւն կը պարունակէր, և ինչ որ, դժբախտաբար, այս նամակն ալ վերջինին անհոգութեան պատճառաւ կառավարութեան ձեռքը կ'անցնէր:

Նամակին բռնուած օրն իսկ, Շահպազ Գազըռեան իր տեղին վրայ կը ձերբակալուէր, Մէզրէ կը փոխադրուէր ու կը յանձնուէր պատերազմական ատեանին:

Երբ անոր կեանքին վրայ կատարուած խիստ քննութիւնը կը հաստատէր Մովքի մէջ ծնած բլլալը, կը խուզարկուէր նաեւ Մովքը, դեռ հայոց զէնքերը հաւաքելու գործին պաշտօնապէս չսկսած:

— Ո՛չ, անիկա այլեւս չի ճանչնար հայ անուն, հայ միտք ու յեղափոխութիւն: Այդ ցնորքները գիտցաւ մոռնալ այն ատեն՝ երբ ձեւալ անունին մտաւ Հիմա թուրք օղլու թուրք է ան, — պատասխանեց Օսման աղան:

Անկերպարան մտածումներէ քիչ մը թեթեւցայ, երբ տեսայ որ տասնապետը իր հարցումներուն ետեւ անցնելու տեղ, ընչաքաղցութիւն մը ցոյց տուաւ: Անշուշտ ոչ թէ ինձ կը մեղքնար, այլ կը հասկնայի որ չէր կրնար Օսման աղային հանգէպ իր ունեցած չափանիշը խզտել: Որքան ալ որ օւզէր կեղծել:

* * *

Մեր ձախ կողմը՝ քարաժայռերու երկարութեան վրայ բարձրացող տուններ անխորտակելի ամբարտակներու երեւոյթն ունի, այնքան որ հաստատուն ու ձեւաւոր շինուած են: Ժայռաբլուրին գազաթը, քարերու մէջ ձուլուած, քարերու վրայ բարձրացած, հնացած, նորոգուած, զօրացած պատեր, անկիւններ, կատարներ քաղաքին թիկունքը կ'ահաւորեն և անոր վճռական կոիւններու պատմութիւնը կ'ոգեկոչեն: Իսկ աջ կողմը՝ քաղաքին արեւմտեան թաթն է: Շէնքերը հոն արեւմտեան շնորհքով հարաւին կը նային և այնքան համանման գոյն ունին, այնքան ներդաշնակ ագուցուած, իրարու ետեւ բարձրացած, գեղեցկացած ու լայնցած են, որ քով քովի շարուած այլազան ուլունքներու գունավառ պատկերի մը գունագեղ ձակատը կը ներկայացնեն:

Մինչ ես կը մտածեմ թէ այսքան պերճ տուններու վրայ սեւ հոգիները ի՞նչպէս կրնան թեւ առնել ու ձախրել, այնքան հարուստ շինութիւններու մէջ գազանները ի՞նչպէս

կրնան թափանցել ու աւերածի պար բռնել, տասնապետը ոչինչ կը զգայ: Անիկա, ծանօթութիւններ տալու գոռոզութիւնն ունի ու կը շարունակէ շարժել իր լպիրշ լեզուն:

— «Ամերիկացիներն են շինած այս գոյնզգոյն չէնքերը, որոնք իրենց արտաքին փայլունութեամբ դեռ կը յամառին կանգուն մնալ: Բայց պիտի փլչին բոլորն ալ, ու քար քարի վրայ պիտի չմնայ. քանի որ կեալուրներու ամբարտաւանութեան միայն ծառայեցին: Օսմանեան վեհապանձ կառավարութիւնը փճացնելու ձգտող գարշելի Եփրատը այս չէնքերուն մէջն է:

«Անոր կողքին այլեւս կը խարխլայ Հայերու ազատութեան երազէն զինովցող ուրիշ վարժարան մը, որ իր տնօրէն Թոլգասիւնի անունով կը կոչուէր: Այս անօրէնը, որ իրապէս մէկ քեմալ (ծոյլ) գասիւն (կին) մըն էր, յիմար ժողովուրդէն կը պաշտուէր, որովհետեւ շատ կը բաղձար թուրքերու կորուստը տեսնել:

«Մենք ներսէն ամայացուցինք ամէնը, սակայն այդ բաւական չէ, պէտք է քանդել, հիմնայատակ մոխրի վերածել այն բոլորը, ինչ որ կեալուրներու շունչէն պատկեր ունի, ինչ որ անոնց մտածումներէն դբում կը կրէ»:

Ես, այս ամէնը լսելով՝ կը շարունակէի գաղտագողի նայիլ տասնապետին ցուցուցած կողմը: Իմ նայուածքներս անհամարձակութեան սը վախին մէջ կը շեղէին դժբախտաբար, և կը ճեղքուէին ամէն անգամին որ կը ջանայի Եփրատի ու Թլկասիւնի չէնքերը ճանչնալ, որոնց անունները հմայքոտ քաղցրութեամբ լսած էի գիւղիս մէջ: Սակայն, անոնց տեղ ինձի հնար եղաւ նշմարել շարժուած զմբէթ մը, գլխիվար շրջուած իր խաչով: Մտածեցի թէ եկեղեցիի մը գազաթն էր որ տեսայ, բայց չկրցի նայիլ անոր անգամ մըն ալ, որովհետեւ մեր ձամբան արեւելեան զառիթափին դարձաւ:

Կը քալենք, կ'իջնենք վար, բայց հոգիիս մրմուռը կը փակէր, կը բարձրանար վեր, որպէս թէ վերստին ձապաղիքներուն մէջ թաւալէի: Աչքերս նոր բաներ կը տեսնէին

«Մենք տան ամբողջ անկիւններն ու կարասիներ վերիվայր շրջեցինք: Պատերուն, գետնին, առաստաղներուն վրայ ունէ կասկածի տեղի տուող ամէնէն պզտիկ շերտն անգամ խուզարկեցինք, սակայն ոչինչ գտանք:

«Պատուհանէն դուրս նայեցայ:

«Կինը սեւ շաքարափին մէջ դեռ անկիւնն էր, ու զիս տեսնելուն պէս, մեր ձախ կողմի սենեակը մատնանիչ ըրաւ:

«Մենք մտանք հոն, վերստին քննեցինք, ու վերըստին ոչինչ գտանք կասկածելի: Բայց անծանօթ կնոջ նշանացի պնդումներուն վրայ անդրադարձում մը կատարեցի: Ղէնքս ձեռք առի և անոր կոթին հարուածներովը սկսայ չորս պատերը վերէն վար ծեծել: Քննութեան այս եղանակը լուծեց գաղանիքը, գտայ որ ներքին պատը իր յատակէն թրթռացող արձագանգ մը կուտայ: Մենք փլցուցինք թրթռացող մասը և երեսան հանեցինք շատ վարպետութեամբ գոցուած ծակ մը, որ պատէն վար կ'երկարէր:

«Ընկերներս վարանեցան, աւելի ճիշտը չհամարձակեցան վա իջնել, խորհելով թէ գաղանիքը լարուած զսպանակ մը ունի, որ կրնայ փորձանք մը յարուցանել: Բայց որովհետեւ ես խորէն ըմբռնած էի Հայերուն դաւադրական նըպատակներուն վաս իմաստը, և ատոր համար հոգեով սրտով նուիրուած էի զանոնք փճացնելու սուրբ գործին, շիտթելու պատճառ մը չուզեցի տեսնել: Ծակը լայնցուցի ու ներս անցայ: Իմ այս յանդգնութիւնս քայալերութիւն մը եղաւ ընկերներուս, որոնք իրարու ետեւէ հետեւեցան ինծի: Ուրբուն սանդուղի մը խորտուրտ մատերը, շուտով նեղ միջոց մը տարին մեզ, որ թուեցաւ թէ տան գետնայարկէն քիչ մը վեր կը մնար: Հոն իրարու քով շարուած գտանք փամփուշտներու և ումբերու քանի մը սնտուկներ, հաստ թիթեղներով պատուած: Անոնց կարգին գտանք սնտուկ մը, որուն կէսը պատին մէջ թաղուած էր, եւ որ զանազան ճոխմաններով լեցուն էր: Անոնք ամէնքն ալ անմիջապէս կառավարատուն փոխադրուեցան ու քննութեան տակ ինկան: Քննութիւնը այդ ումբերէն և ճոխմաններէն ճշտեց

դժոխային դաւադրութիւն մը, ու պարզեց անոր գործադրութեան համար պատրաստուած փլանը: Ըստ այդ սղագիր և սեւագիր փլանին, կարգ մը յիմար վեթերաններ, առաջնորդութեամբ ընկեր կարոյին, — որ Մէլրէէն չհեռանալու պատրուակ մը ունենալու համար գրատուն մը բացած էր — քսանըջորս ժամուան մէջ պիտի կրնային օղը հանել զինատան և զօրանոցներուն հետ կառավարութեան բոլոր կարեւոր պաշտօնատուները, երբ յեղափոխութիւնը սկսելու որոշում արուէր:

Հանրման անուղղակի նայուածքներով ինծի հասկցուց որ առաջ քաշեմ իր ձին և անջատեմ զինք միւսներէն: Ատիկա նշան էր թէ ախորժելու տեղ կը զզուէր տասնապետին շատախօսութենէն:

Անոր այդ պատմութիւնը բոլորովին ճիշտ էր: Անկասկած ոչ, և ինչ որ կրնար թուրքի մը գրգիռը հրահրել, կրնար ներքին առելութիւն մը զօրացնել, բայց նամեհեմ կնոջ մը եսասիրութեան մէջ չափազանց անձնական ու ցուցամով հանրմի մը հոգեկան ախորժակը չէր կրնար պարտուել:

Ես կատարեցի հանրմիս կամքը անմիջապէս, մինչ տասնապետը կատղեցուցեր էր իր վայրագ զգացումները, մտիկ ընել չախորժող ունէ տրամադրութիւն չէր նկատեր ու կը շարունակէր իր պատմութիւնը, որուն շատ քիչ իրական եղող բաժնին մէջ ալ թերեւս ինքը բնաւ գործ չէր ունեցած:

Օսման աղան կոչտ գիւղացիի մը տափակացած համարութեամբ մը զիմաւորեց տասնապետին ախորժակը: Ոչանկեղծ եղանակ մը, որ ունէ տհաճութիւն չպատճառեց: Թերեւս իրեն լաւ ծանօթ ըլլալուն համար:

— Այս լալային ազգը, այսպէս, զինքը ի սրտանց սիրող և իրեն ամէն կարգի ազատութիւն շնորհող տէրութեան մը հանդէպ յեղափոխելու այսքան ստորին նպատակներ հետապնդեց: Սակայն պէտք է մտածել որ բարեկամին հորը փորողը ինքը մէջը կ'իյնայ»:

Օսման աղան իր մտքերուն կերպարանքը խեղդող
խնդուք մը փրցուց ու իրաւունք տուաւ տասնապետին այս
վերջին խօսքերուն:

Պէտքը կոնակ առաւ և բացագանչեց.

— Խընգը բեափիրլէր...

* * *

Քաղաքէն դեռ չատ չէինք հեռացած: Տասնապետը
մեզմէ պիտի բաժնուի: Սակայն, որովհետեւ իր պատմու-
թիւնը ամէնէն աւելի զինքն է գրգռեր, իր գաղանացած
սրտի կիրքն է հրահրեր, չի զսպուիր: Արեան հոտէն վերա-
դարձած գինովութիւն մը կարծես բռներ է իր գլուխը:

Բաժնուելէ առաջ կ'ուզէ իր պատմութիւնը վերջացնել,
սա անսահման աղտոտութեան մէջ, զոր վրէժխնդրական
մտքի ամէնէն խաթարուած բնազդն անգամ հազիւ կրնայ
երեւակայել:

— Երանի՛ թէ կարելիութիւն ըլլար այս ապրելու
անարժան Հայերուն պարազլուխները քանի մը ժամ վերա-
կենդանացնել և այս քաղաքին դրան առջեւ բարձրացնել՝
որպէսզի տեսնէին թէ ի՛նչպէս քանդուած ու մոխիր դար-
ձած են իրենց ազգին ամբողջ աշխատանքներն ու ճիւղերը,
մեր արդար ու հօր բազուկներով:



“Հայերը մեր ոչիլներն են: Անոնց խայրոցներէն ազատելու համար անհնար է անմեղը գտնել, ընտրութիւն ընել”:

ԹՈՒՐԻՒ ԽՕՍԿ

Բ. Գ Լ ՈՒ Խ

ԽԻՂՃԷՆ ԶԱՐՆՈՒԱԾ ՈՃՐԱԳՈՐԾԸ

Երբ մեր զառիթափի ճամբան դէպի արեւմուտք դարձաւ, նորէն կարճ ոլոր մը ըրաւ, կոխկոտուած աղբիւր մը դատաւ, և բռնեց անոր աւրուած ջրուղին:

Տասնապետը, հարկադրուած իմաստակ մը յիշեցնող ձեւ առաւ, ժպտեցաւ, այլ ձեռքը կնճիռներով գօտայած ճակատին տարաւ, բարեւ բռնեց, անհաճոյ զաւեշտի մը արտայայտութիւններ կատարեց ու բաժնուեցաւ: Անիկա, ինքզինքը ընդունակ ու վարժ զինուոր մը ցուցնելու մոլութեամբ՝ քանի մը քայլ դնաց, կեցաւ, ետ նայեցաւ, նորէն ժպտեցաւ, նոր ցտեսութիւններ, նոր ողջերթներ մաղթեց և ապա հեռացաւ արեւմուտք տանող արահետի մը երկայնքին:

Օսման աղան, որ իմացական ընդունակութեան մէջ նուազ մեռեալ մը չըլլալով մէկտեղ պակաս պոռոտախօս մը չէր, այս երկրորդ բարեւին հանգէպ տարօրինակ դիրք մը բռնեց, ժպտեցաւ, եւ մինչեւ գետին խոնարհելով քիմեքնա մը ըրաւ:

Սակայն տասնապետը չկորսուած, Օսման աղան կրկին նայեցաւ անոր կողմը, երկարեց իր նայուածքը և երկու ժանիք դուրս տուաւ իր աչքերէն, որոնք շուտով կրցան ժպտի յետին շողն անգամ սպաննել իր դէմքին վրայ: Ա-

նիկա մեզի ցոյց տուաւ, յիշեալ արահետին ուղղութեամբ, քիչ մը հեռուն կանգնած մոխրագոյն մեծ շէնք մը:

— Նայեցէք, ըսաւ, այդ շէնքը որ կը բարձրանայ նոր քաղաքէն դէպի հարաւ կէս ժամ հեռաւորութեան վրայ, պետական ամենամեծ հիւանդանոցն է: Ատոր հիմը պատե-
րազմի նախօրեակին դրուեցաւ, և մեծ մասը աւարտեցաւ առաջին երկու տարին: Երբ թուրք զինուորները կռուի կատաղի ճակատներուն վրայ անխնայ կերպով կը հնձուէին, հոս, հարիւրաւոր հայ զինուորներ, որպէս արհեստաւորներ այդ շէնքի շինութեան համար՝ իրենց կեանքը կ'ապահովէին: Բայց անոնք, շնորհուած այս բարիքի փոխարէն՝ փոխանակ երախտագէտ մնալու, դաւաճանութիւն մը կազմակերպել ուղեցին: Այն ժամանակ, երբ այդ հիւանդանոցին շինութիւնը գրեթէ լրանալու վրայ էր, յանկարծ երեւան հանուեցաւ ծայր աստիճան ստորին ապերախտութեան մը գաղտնիքը: Այդ գաղտնիքը փլան մըն էր, որով կը ճշտուէր որ բոլոր աշխատաւոր հայերը առանձին ծրագրով մը որոշում կայացուցեր էին՝ հաստատութեան շինութիւնը աւարտելուն պէս, պայթուցիկ նիւթով հիմնայատակ կործանել զայն: Ատիկա մէկ պարզ վկայութիւնն էր թէ Հայերը, իրենց արմատական ատելութիւնը այնքան մեծցուցած ու զորացուցած էին մեր կառավարութեան հանդէպ, որ անոր վնասելու համար ո՛չ իրենց աշխատանքներուն կորուստին ցաւը կը զգային և ոչ ալ մարդասիրական լայն բարիքի մը ծառայող այսպիսի հաստատութեան մը փճացման սխալը նըկատի կ'առնէին, ո՛չ մեղքը կը տեսնէին և ոչ ալ խիղճը կը ճանչնային: Աւելի անաւորը, սակայն, որ այդ հաստատութիւնը իր յիշատակներուն արձանագրութեանց մէջ պիտի պահէ սե լէջերով, այն նենգամիտ դաւաճանութիւնն է, զոր Տոքթ. Նշան անուն ուխտուած թշնամի Հայ մը կատարեց: Այն ատեն, երբ ես Սուլթանիէի գորանոցին մէջ պահակ տասնապետի պաշտօնիս վրայ էի, ջղային ցնցումով մը լսեցի այս ոճրագործին կատարած անգթութիւնները: Այս հրէշը, այդ նորաշէն հիւանդանոցին մէջ իբրև հարիւրապետ

բժիշկ, իր պաշտօնավարութեան ընթացքին, գիտակցաբար, դեղերու սխալ կիրարկումներով, մեր հազարաւոր զինուորները թունաւորեց և գերեզման իջեցուց:

Ամբարիշտ Պէքոչին սիրտը կանչեց: Խօսելու հաճոյքներուն ճամբայ մը բացուեցաւ: Գայլի աչքերը բլրղցուց: Հեղնութիւն մը...

— Վերջը ի՞նչ եղաւ այդ Տոքթոր էֆէնտին, աղա՛:

— Ոճրագործներուն է՛ն վատը կոչուելիք այս շունը, իր արդար պատիժը գտնելու համար միացաւ իր ընկերներուն, որոնք բանտային արգելափակման խիստ հսկողութեան տակ ալ միեւնոյն դաւադրական նպատակները հետապնդելով, ինքզինքնին այրեցին:

— Ինքզինքնին այրեցին:

— Այո՛, եւ քիչ մնաց որ ամբողջ բանտն ու անոր յարակից կառավարական միւս հաստատութիւնները եւս հրոյ ճարակ դառնային:

Ի՛նչ մը կեցաւ, եւ շարունակեց:

— Օր մը, երբ այլեւս բանտարկուած հայ երիտասարդութիւնը գրեթէ փճացած էր ու բանտին ներքնախուցին մէջ կը մնային հայ յեղափոխականներու քանի մը երեւելիներ, տնօրէն քիւրտ Հասան էֆէնտի անձամբ կ'երթայ այս վերջիններուն իմացնելու թէ յաջորդ գիշեր ջարդուելու կարգը իրենցն է: Անոնք ո՛չ միայն կը յանդիմանեն տնօրէնը, ո՛չ միայն կը հայհոյեն անոր մեծապատուութեանը, այլեւ, երեկոյեան, զիրենք դուրս բերելու և տարագրելու համար ներս մտնող սուլթանաւոր ոստիկանները կը հալածեն, ու կէս գիշերէն վերջ, նախապէս պատրաստուած կազային նիւթերով կրակի կու տան բանտը և ինքզինքնին, թուրքին ձեռքով չիյնալու համար: Անշուշտ անոր համար որ իրենց ծրագրներուն ճախողանքէն կատարած էին, թշնամութիւնը հաստատող մեծ չարիք մը կ'ուզէին ընել վերջին անգամ: (*)

(*) Այն ժամանակ բանտը եղողներէն մեկը՝ պ. Վարդան Պաղասաւաբեան, որ հրաժարուած մեկ դիպուածովը փրկուե-

Յետոյ դառնալով ինծի:

— Հասկցա՞ր, ձէ՛մալ, հասկցա՞ր թէ աշխարհի վրայ ի՛նչ է Հայը, եւ ո՛ր աստիճան նախատինքի արժանի է այդ անունը: Գիտցա՞ր թէ այլեւս ի՛նչ կարգի վատ իմաստ ունի մեզի համար ձեր Հայ ապրելու միտքն ու ձգտումը: Համոզուեցա՞ր թէ պիտի տապալենք անխնայ և պիտի բըզկտենք անգթաբար, եթէ կռահենք որ դուն տակաւին քեզ հայութենէն չբաժնող բան մը կը պահես քու սրտիդ մէջ:

Ինծի համար, դժոխացած երկու քաղաքներուն մերձակայ այդ վայրերուն մէջ մանաւանդ, երբեք հնարաւոր չէր հաւանութիւն չտալ, կամ ուրիշ երեւոյթով ժխտելու կասկածը արթնցնել, սակայն, մահուան երկիւղէն աւելի զօրաւոր զգացում մը կայ մարդուս մէջ, հոգիի անմահութեան զգացումը, որ մէկէն կ'արթննար ներսս, կը փըրփրէր, կը բարձրանար և անզսպելի կը դառնար:

ցաւ, ու հիմա կ'ապրի Ֆրանսայի մեջ, մեր մօտերը, հետեւեալ ձեւով կը պատկէ ակնարկուած դեպքը.—

«Կեսօրէն փչ վերջ, բանսին սօրէնը՝ Մորենկցի փլւս Հասան էֆէնին անձամբ բանս եկաւ, յառաջացաւ ներքին մէկ խովուէին առջեւ եւ հոն կանչեց արգելափակուածները: Պասապխան չտուեցաւ: Տնօրէնը երկրորդեց, այս անգամ անուանապէս: Ընկեր Կարօ, սրաբկիրցի երիտասարդի մը հետ երեւան եկաւ: Հասան էֆէնին նայեցաւ անոնց աչքերուն եւ րսաւ.

— «Այն հազարաւոր հայերը, որոնք այս բանսը հաւաքեցին ու խուսք խուսք գիշերներով դուրս հանեցին, արդէն փնջացուցին: Հիմա կարգը ձերն է: Յաջորդ գիշեր դուք ալ պիտի զրկուիք: Բայց ձեզ անոնց պէս շուտով մը պիտի չփնջացնեն, այլ պիտի կտրեն ձեր զգայարանները, ու յետոյ փողափին հրապարակները պիտի հանեն, որպէսզի ձեր փառքիւններուն եւ յաղթութիւններուն փառաբանութիւնը կտրուի»:

«Ընկեր Կարօ չհամբերեց. նոյնպէս ինքզինքը չկրցաւ զրպեւ անոր ընկերը.

Բողոքելու թեւ տուող հայ արի՞ւնն էր թէ ոչ ուրիշ բան, չեմ դիտեր: Բայց գիտեմ որ տեղի ունեցողը չփոթութիւն մը կոչուելէ աւելի՛ հայ հոգիիս բոլոր ուժն էր, որ չէր դիմանար, չէր համբերեր այդ աստիճան սանձարձակ զրպարտութեանց հանդէպ, այդ աստիճան բարոյական լըկուհներու կսկիծին առջեւ:

— Ո՛վ գիտէ, կրնայ ըլլալ որ այդ ամէնը ճշմարտութիւններ չըլլան, աղա՛: Ես, իմ գիւղացիներէս դատ ուրիշ ուրիշ Հայ չեմ ճանչնար, սակայն, գիտեմ որ հայրս դէմ էր ամենապզտիկ չարութեան մը: Անիկա, զիս կրթելու և բարի մեծցնելու համար, յաճախ իր անձը օրինակ կը հանդիսացնէր: Կը պատմէր թէ իր կեանքի աշխատութեան մեծագոյն մասը թուրքերուն և փիւրտերուն մէջ անցուցած էր: Շատ հեղ իր աշխատանքի իրաւունքներուն տիրանալու համար զանազան դժուարութիւններու հանդիպած էր, սա-

— «Իրաւունք ունիք, պարոն սօրէն: Կ'ընդունիմ որ մեր սֆանջլի ազգին մեծագոյն մասը այս անգամ աւելի անխաբեմ մնաց, չբաւ այն՝ ինչ որ պէտք էր ընել, ինչ որ իր արժանիքին գեղեցիկ կոչումն էր, ու բզկուեցաւ շան ցեղի մը ներաններուն մէջ»:

— «Ո՞ր ցեղն է շան ցեղը»:

— «Ինք էք, բուրք ցեղը ամբողջ: Որովհետեւ դուք գործադրեցիք այնպիսի անգրոնքիւններ, որոնք կը գլեն ու կ'անցնին ոնրային ամեն գաղափար. գազանային ամեն կասաղութիւն: Ես նախապէս գիտէի արդէն քե դուք մարդկութեան մեծ ոնրագործն էք, գիտէի որ այսպէս պիտի ընէք: Շունը որքան խաճեք, այնքան կը կասաղի: Եւ այս յալիսեանկան իրողութեան առջեւ չգարմացայ, երբ դուք դաւով մը զիս բանս առաջնորդեցիք: Միայն, աւա՛ղ որ բանսէն յղած կանչերս արձագանգ չունեցան»:

— «Այո՛, գիտեմ որ բանսին մէջ ալ հանդարտ չկեցաք: Գիտեմ որ անդադար լուրեր զրկեցիք դուրսը, հրամաններ տուիք հոս ու հոն, յեղափոխութիւնը սկսելու համար»:

«Ըսաւ եւ յառաջացաւ ապսպելու իր դէմ խօսող ըն-

կայն իր քառասունևհինգ տարեկանին երբեք չէր գիտեր ժամանակ մը, ուր ոեւէ մէկը վշտացուցած ըլլար: Նոյն իսկ թեթեւ հայօնութիւն մը ընելը չէր յիշեր: Եւ եթէ ուրիշներ, մեր գիւղին մէջ, հօրմէս քիչ մը աւելի ջերմ պաշտպան կ'ըլլային իրենց իրաւունքներուն, նոյնպէս կը հասկնայի որ խորապէս կ'արհամարհէին դիմացինը վնասող ոեւէ միտք մը: Չեմ կարծեր թէ բոլոր Հայերուն մէջ մինակ մեր գիւղացիները այսքան արդար ըլլան:

— Վա՛յ, օւա՛ն խընղըը քեօֆի՛ր, ուրեմն տակաւին թուրք ըլլալու նպատակ չունի՞ս, գոռաց աղան և իր գոռոցը իջաւ թիկունքիս՝ բռունցքի թանձր ու ծանր հարուածի մը հետ: Տարակոյս չկար որ այդ հարուածը զիս երեսի վրայ չըջած պիտի ըլլար, եթէ հանրմիտ ձիուն սանձը թեւէս անցուցած չըլլայի: Բայց թոյլ ու անտէր ծոցէս վար ինկաւ սոխը, զոր առաւօտեան նախաճաշէս խնայած էի, ճանապարհի երկարութեան մէջ անթութեան ծանր վիճակ մը երեւակայելով:

Կերած հարուածիս պատճառաւ, ուժգին քաշուեցաւ աջ բազուկիս անցուցած սանձը, ցնցուեցաւ ձին և նոյնպէս

կեր Կարօն, բայց ան իր ընկերոջ հետ ընդդիմացաւ: Միասնաբար նախասեցին ճօրէնը եւ զայն փակոծելով կանչեցին.

— Գոնէ շուն թուրքին ձեռքով չմեռնիրը մեծ նուիրականութիւն մըն է: Եւ մեր այս կամքը թող կրակէ կըտակ մը ըլլայ երկնքին առջեւ:

«Տօրէնը փութով դուրս ելաւ: Անոր ետեւ երկարող մեր աչքերը վերսին ճեսան արտաքին բակին մէջ ցամքած արիւնը, որ օր մը առաջ վազեր էր բանսին մէջ բզկտուող ու մարտնչող փահանայէն:

«Երեկոյեան, ու՛ ա՛սե՛ն, նոր տասնապէս մը, ֆանի մը սուրհակուր գինուորներու հետ ներս մտան ընկեր Կարօն իր խուճկովը դուրս բերելու համար: Սակայն անհնար եղաւ: Որովհետեւ խովուրին գրեթէ բոլոր բանտարկեալները միասնաբար փակոծեցին զանոնք, նախապէս պատրաս-

անոր վրայ նստող հանրմտ, որ թոյլ չտուաւ իր եղբորը երկրորդելու հաշուածը:

Հանրմտ, առանց դէմքը բանալու, ձեռքով նշան մը ըրաւ, իր մօտ կանչեց իրմէ փոքր եղբայրը և ցած ձայնով մը ըրաւ.

— Ճէմալը տակաւին փոքր է: Ատոր համար երբեմն կը սխալի իր ըսած խօսքերուն մէջ: Անիկա մեր տունը գալէն ի վեր ցուցուցած է այնպիսի երեւոյթներ, որոնք իր թուրք, իր իսլամ ըլլալու հաստատամտութիւնը կը բնորոշեն:

Հագլի լսելի եղող հանրմիտ այդ խօսքերը ոչ իրական ըլլալու և ոչ տեւական մնալու ուժ ունէին: Անոնք բարկութիւնը կասեցնող սոսկ ժամանակաւոր խօսքեր էին, որոնք ինչքան ալ լարծուն արտասանուեցան, նորէն ինձի համար բարերար դեր մը կատարեցին:

Բայց ես աւելի խորունկ ցաւ մը ունեցայ: Սոխը ինկաւ անտիրական դարձած ծոցէս, գլտորուելով ճանապարհէն դուրս ելաւ ու գնաց կորսուեցաւ:

Արցունքներէ խառնուող աչքերս այդ կորուստին ետեւէն չարչարուեցան: Կը մտածէի՝ ա՛խ, որքան լաւ էր հանրմիտ խօսքերը քիչ մը ուշ արտասանուէին, հարուած մը եւս իջնէր, ցաւ ցաւի բռնէր, քան սոխը կորսուէր: Որովհետեւ

սուած փութով եւ երկաթի կտորներով: Ձիուորները ետ փառուեցան: Բանսին մէջ իրարանցում մը եղաւ: Բանտարկուած բուրբ ու փլուրջ շարագործներուն հրաման տուեցաւ որպէսզի յարձակին յիշեալ խովուրին վրայ եւ շղթայեն ներսինները: Նորէն դիմադրուրիւն: Ու կէս գիշերէն վերջ, ժամը 2էն ֆիչ անցած, յանկարծ բոցերը բարձրացան: Խովուրը կ'այրէր, կ'այրէին ե՛ւ հոն բանտարկուածները: Երկու հոգի չդիմացան, բոցերէն դուրս ցատկեցին խելագարներու պէս: Անոնցմէ մէկը տոբ. Նեանն էր, որ մոլեգնօրէն սեղմեց իր վրայ յարձակող շարագործ փլուրջի մը վիզը եւ խեղդեց զայն ու խեղդուեցաւ ինքն ալ՝

կը խորհէի թէ այդ սոխը պիտի կրնար դիմանալու ճիգ մը շնորհել ինձի, երբ ես ողջ մնայի ճանապարհին և դաժան անօթութիւնը իմ գլխուն կախուէր:

* *

Նորէն ճանապարհի դարձ մը կատարեցինք. այս անգամ աւելի կարճ, և կեցանք պերճաշուք բերդ մը յիշեցնող փայլուն շէնքի մը առջեւ: Հին և նոր քաղաքներուն ճիշտ մէջտեղը բարձրացող այդ հաստատութիւնը նախկին Սուլթանիէն է, պետական բարձր դպրոցը, որ պատերազմի առաջին օրէն սկսեալ մեծ մասամբ զօրանոցի էր վերածուել, իսկ մնացեալը որբերու պաշտպանութեան էր յատկացուել:

Սուլթանիի առջեւ մայր ճամբան իր ձագերն ունի, Հանըմս փափաք կը յայտնէ մօրմէն չբաժնուիլ, ուղղակի շարունակել Մէզրէէն անցնելու համար:

Կիւնը շատ աւելի հաճոյք ունի գեղեցկութիւններ տեսնելու, բայց նոյնքան քիչ կարողութիւն անոնցմէ ներշնչուելու համար:

Պոռոտախօսութեան և փոփոխամտութեան մէջ հզօր մրցանիչ մը կոտորող Օսման աղան էր, որ քիչ առաջուան իր անարդար ցասումը մոռցած ներկայացաւ, դէմ կեցաւ Մէզրէ իջնելու:

— Երէկ լսեցի նոր հասած պաշտօնական տեղեկութիւններ, որոնք պատճառ եղած են որ խստութիւնը վերստին սաստկանայ մինչև հիմա ազատուած «տղա»ներու (*) հանդէպ: Տերսիմի շրջանին մէջ բռնուած են շատ մը կեանքներ, որոնք միացած ֆիւրտերու՝ կարգ մը դիւղեր ասպատակած և բնակիչները ջարդած են: Անոնք շուտով հոս պիտի բերուին ու գնդակահարուին:

Կը հաւատեն թէ այդ դէպքը տեղի պիտի տայ նոր

(*) «Տղայ» բառը նոյնութեամբ կը գործածուէր իբրև նախասական բառ:

Կ. Խ.

ու խիստ հրամանի մը՝ Թուրքերուն և ֆիւրտերուն տուները ապաստանած բոլոր կեալուները հաւաքելու համար: Հետեւաբար շատ կը վախցուի որ Մէզրէէն անցնելու ատեն ձէմալը ձեռք տանք: Եւ անգամ մը որ բռնուի, այլեւս փրկել կարելի չէ:

Զգուշութեան համար, աղային տուած այս տեղեկութեան հակառակ՝ Մէզրէէն անցնելու մասին հանրմիտ նորէն յայտնած մեծ փափաքը զիս ձգեց շփոթութեան մէջ: Արիւնի և աւերի եղելութեանց անհաշուելի պատկերները հրեղէն վաղք մը բռնեցին մտածումներուս կարմիր հորիզոնին վրայ: Խաւար հողի կարմիր հորիզոն՝ ուր այլակերպ դեւերու սարսափելի իշխանութիւնը այդ վաղքերուն կը հսկէր: Տա՛յ Աստուած որ հանրմիտ միտքը փլչի կամ այլ կերպ դառնայ:

Պիտի դառնա՞յ:

Անձանօթ բան մը կը համբմ մտովին, կը շուարիմ: Բախտի գիծեր կը քայտմ ես ինձի, կը կապուիմ: Ինքիմ մէջս փոթորիկի դէմ փոթորիկ կը բանամ, կը յաղթուիմ: Անձայն աղաղակով երեւակայութիւնս կը ձեղքեմ, կը յուսահատիմ: Կը դառնամ նոր յոյսի մէջ նոր հաւատք մը փրկատու, կ'օրօրուիմ: Անդիի աշխարհը կ'երազեմ, կը շուարիմ, ու դարձեւ կ'աղօթեմ անպիտակցօրէն:

Օսման աղան դէմ չէ իր մեծ քրոջ: Բայց նոր թելադրանք մը կ'ընէ և վտանգի մը կասկածին դէմ կ'ապահովէ:

— Շատ աղէկ, եւ դուք ո՞րքան ժամանակէն կրնաք զինուորութեան արձակուրդնիդ նորելու ձեր գործը լրացնել, կը զիջանի հարցնել հանրմս:

— Ճանապարհին ռեւէ տեղ ինձի մի՛ սպասէք: Որովհետեւ այդ ժամանակի տեղութիւնը մեր կամքէն կախեալ չէ:

Հանըմս շատ խօսելու հեշտասէր կին մըն էր, սակայն աւելի հեշտասէր էր ցուցնելու իր կրօնամոլութիւնը: Ան առասպելական իսլամուհիի մը պէս կը հաւատար թէ եր-

կինքը, կանանչ վրաններու մէջ, իրեն յատկացուած առանձին տեղ մը ունի, ուր փայլուն սպասաւորներ պիտի ծառայեն: Անիկա կը հաւատար և այդ հաւատքին մէջ այնքան խորացած էր որ կ'ընդունէր թէ դատաստանին օրը իր անունով պիտի կրնայ դժօխքէն փրկել ունէ մէկը և զայն իր մօտ առնել, եթէ ինք ուղէ: Եւ այս անիմաստ հաւատքը անսասան պահելու համար, տարին երկու անգամ քաղաք կու գար իմամներու մեծ իմամէն օրհնութիւն առնելու:

Օրհնութիւն առնող «նամէհրեմ» մը անձանօթին առջեւ պէտք չէր երբեք խօսէր, իսկ ծանօթին առջեւ ալ շատ քիչ խօսէր, մինչեւ որ իր տան շէմքը կոխէր:

Այս հաւատքը որքան անպաշտական նախապաշարուած մըն էր, նոյնքան և ճշմարիտ էր որ անզսպելի լեզու մը լռեցնելու կարող ուժն ունէր:

Ատոր համար էր անշուշտ որ իր եղբօր դէմ լեզուն բռնեց, կարճ կապեց:

* *

Օսման ազան լայն ճամբան շարունակեց իր էջով, իսկ ես ու հանրմս երկու գիւղացիներուն և Պէքոչին հետ բացուեցանք ուղղակի դէպի հարաւ իջնող նեղ ճանապարհի մը երկայնքին: Մեր ճամբան շուտով մտաւ ուժասպառ թթենիներու ծառուղիի մը մէջ, որուն մերթ խտացող և մերթ նօսրացող երկար շարքը խոպանացած ընդարձակ դաշտերու եզերք մը կը բռնէր: Այդ տարածութեան մէջ ցանցաօրէն կ'երեւային կարգ մը սուռնկեր, որոնք զարնըւած և երեսի վրայ ինկած էին:

Այդ անտէր սուռնկերը, պարզ էր որ իրենց աղէտաւոր վիճակներով կ'ողբային մօտիկ անցեալի մը ճոխութեան տխուր ամայութիւնը:

Վայրենի բնազդներով ճօխացած Պէքոչն էր դարձեալ որ հանրմիս ներկայութենէն չսեղմուեցաւ, մրթմրթրաց բեր-

նին մէջ. լեզուն բացաւ և պարզեց սուռնկերու վկայութիւնը:

— Հանրմ, կը յիշե՞ս, պատերազմէն առաջ այս դաշտերը մէկ կողմէն մինչեւ Մէզրէ, իսկ միւս կողմէն մինչև գիմացի լեռան կատարը անանցանելի այգիներով և պարտէզներով ծածկուած էին: Բայց հիմա... հը... իրենց տէրերուն հետ ամէնքն ալ ջարդուեցան, փտեցան ու հատան:

Թթենիներու ծառուղին անցանք, աւերակ գիւղի մը առջեւ հասանք: Այդ գիւղը Մորենիկ կոչեցին, որուն կողքին հանգչող բլրակի մը կուշտին ինծի ցուցուցին հին աւերակ մը, յայտնելով թէ անցած օրերու, անցած ժողովուրդներու կողմէ պաշտուած կուռքի տեղ մըն է, որ կեանքովուր Հայերը միամտօրէն կը հաւատային թէ իրենց պաշտպան զօրաւոր սուրբի մը սրբարանն է: (*)

Չնայեցա՞յ երբեք և ոչ ալ հետաքրքրութեան ջիղ մը արթնցուցի: Ոչ միայն անոր համար որ տղայամտական կարողութեան մը առջեւ այդ կէտը հետաքրքրական դառնալու կենդանութիւն չունէր, այլ՝ որովհետեւ իմ մտածումիս հանդամանքները իրապէս կը նմանէին ովկիանոսներու վրայ թանձր մութով ծածկուած կղզիներու: Սրտիս խորը նետուած խորաշափը, օր բացարձակ տիրական էր,

(*) Քրիստոս մօտաւորապէս 900 արիներ առաջ, այժմու հարբերդ քաղաքի Բըք-Ահմէս աւերակին տեղ, Հիքիքները կանգնեցին Խալքի, Խաքքի, Հասսի անուն ծանօթ շասուածիկ մեհեանր: Բայց Ասորեստանցիները սիրելով կործանեցին զայն, եւ իրենց կանգնեցին նորանոր մեհեաններ: Հարիւր արիներ վերջ, Հիքիքները վերսին սիրանալով, այս անգամ Բըք-Ահմէսէն քիչ հեռու, այժմեան Ուլու ձաւիին տեղը կանգնեցին նախկին մեհեանր աւելի փառաւոր, որուն պատշաճաւորեանը համար շինեցին համանուն բերդը: Դարձեալ Ասորեստանցիները, յետոյ Պարսիկները, Մակեդոնացիներ եւ ուրիշներ յաջորդաբար սիրելով Խաքքերդի բերդին ու մեհեաններուն,

մահն էր, և այդ մահը ամէն կասկածէ վեր է որ փոխն ի փոխ հզօր կերպով կը հրաժարեցնէր իրականութեանս անիւր դարձնող ուրիշ սեւէ միտք: Կրկնութիւն մը, որ այս խորունկ տրտմութեան մէջ կը շեշտուէր, մէ'կ բան կը խօսէր — արդեօք դժոխքներէն դեռ չհեռացա՞յ, դեռ վախ կա՞յ բռնութիւն, և եթէ պատահաբար ճանապարհին բռնըւիմ յանկարծ, պիտի կրնա՞մ ազատիլ, ի՞նչպէս, ո՞ր միջոցներով: Եւ յոյսը կը բացուէր, կը թառամէր ու հաւատքը կը ծագէր սու խոյս կու տար և անոր ետեւ մտայլ մահուան մը հանգրուանին ունայնութիւնը կը ցցուէր:

* * *

Հագիւ թէ ետեւնիս թողուցինք Մորենիկն ու անոր աւերակը, բռնեցինք փէշերը շարք մը պարտէզներուն: Անոնք կը ներկայացնէին մէկ պատկերը կատարուած այն բարբարոսութիւններուն, զոր արդի քաղաքակրթութիւնը ստակունենորով կը յիշէ վայրենի բնազդներով տիրապետուած նախամարդոց մէջ:

Անոնք կը պատկանէին Բեսրիկ գիւղին և կը տարածուէին Մէզրէէն դէպի հարաւ արեւելքի վրայ: Անոնց մէջ ես չսեսայ տունկ մը որ զարնուած չըլլար, բոյս մը

սանաւները զանազան փոփոխութեանց ենթարկեցին, միտք նորեք աւելցնելով հին սանաւներուն վրայ:

Քրիստոսէ մօտաւորապէս երեք քառորդ դար առաջ, Զարեհ անուն Հայկազուն իշխան մը տիրեց Խարբերդի: Աս ալ նոյնպէս կարգ մը սանաւներու անուններուն փոփոխութիւն մտնուց: Հայ համայնք մը՝ Զարեհի օրերէն զօրացած, յաջորդաբար բուլո՛ր ազգերու տիրապետութեան տակ ալ կրցաւ իր գոյութիւնը պահել, եւ շատ մը յիշատակներու կարգին պահել նաեւ Բարշաւ անուն ասորահայկական մեհեանի մը այս աւերակին յիշատակն ալ, Սուրբ Բարշաւ:

Խ. Կ.

որ հողին հաւասար կտրուած չըլլար: Ամէնքն ալ ջարդուած էին իրարմէ բռնորովին տարբեր ձեւերով և մնացեր էին մէկը քիչ մը բարձր, մէկը մերկ, ուրիշ մը ճղատուած, չորրորդ մը քերթուած, հինգերորդ մը կէսէն ինկած, վեցերորդ մը ցից դարձած:

Այդ խուժանաւեր պարտէզները արեւելքէն սնար մը կ'ընեն, աղեղնածեւ գիծ մը կը քաշեն, ուրկէ մեր ճամբան, կարճ դարձքով մը, ձորակ մը կոչուելու չափ խորունկ փոսի մը եզերքը բռնեց:

Հասան, որ մեզ ընկերացող գիւղացիներէն մէկն է, չուչացաւ: Այդ փոսին ծայրը ինկած մարդկային կմախք մը ցուցուց, որմէ տակաւին բաժնուած չէին մաս մը մորթին հետ ընչացքին կուռ մագերը: Հասան, նախ հակակրութեան զզուելի դէմք մը ներկայացուց, անոր յաջորդեց անբնական կոչուելու չափ այլանդակ ծիծաղ մը: Վերջիշում մըն էր անշուշտ, տարակոյս չկար, որ իրեն համար հաճոյք մը կոչուելէ դեռ չէր դադար:

Պէջոչ հետաքրքրութիւն մը արթնցուց, նոյնքան զօրեղ հաճոյք մը ունեցաւ: Մինչ Հասան դառնալով ինծի.

— Հը՛... ձէմալ, նայէ՛ այդ երկնցողին: Փափաղ է՝ ֆէնտին է որ պառկեր՝ Հայոց ազատութիւնը կ'երազէ: Ու նորէն սիկարէթի ծուխէն դեղնած պելսին տակէն ցոյց տուաւ սեւցած կոշտ աղանները:

Հանրմս, ինչպէս ըսի, անձնասիրութեան մեծ ժառանգութիւն մը ունէր: Շատ ամբարտաւան էր. երբեք չէր սիրեր պարզ գիւղացիի մը խօսքերուն մտիկ ընելու անձնատուր ըլլալ, հոգ չէր թէ իր զգացումներուն որքան մօտ ըլլային անոնք: Անիկա նշան ըրաւ Հասանին և երկու բառով յայտնեց իր զժկամակութիւնը: Չէ՞ր ուզեր որ այդ կերպ արտայայտութիւններ իր ծառային ուղղելու համարձակութիւնը զօրանայ:

Հանրմիս ցոյց տուած դժկամակութիւնը տրամադրական թեթեւ կշտամբանք մըն էր, որով յաջողեցաւ սաստել վայրենաբարոյ Հասանը:

Քիչ մը լուսթիւն տիրեց: Ու նորէն հաճոյացուց խորթացուած դիմազիծը: Բարբարոսային զգացումներով սոսքորուած սրտի մը մէջ վերյիշում մը կը զօրանար, կասկած չմնաց որ կը նեղէր զինք: Քիչ մըն ալ, ա՛նա պիտի խեղօղուէր իր համբարութիւնը:

Պէքոշը գոհացուցիչ հարց ըրաւ: Հասան աւելի զօրացաւ վերյիշում մը պատմելու իր հեշտանքին մէջ: Վաւաշոտ լեզու մը վաւաշոտ բերնի մէջ ծայր տուաւ և շարունակեց.

— Երկուց մը, տակաւին մահիճ չմտած, մէկէն պատրաստուելու հրաման մը առինք: Մեր տասնապետը տեղեկացուց մեզ թէ կէս գիշերին վրայ բանտարկեալները փոխադրելու կարգը նորէն մերն էր: Որոշեալ ժամանակին 12 սուինաւոր զինուորներու մեր խմբակը պատրաստ ներկայացաւ Մէզրէի կեդր. բանտին առջեւ: Մենք նախ հսկեցինք քանի մը հարիւր բանտարկեալներու, որոնք իրարու հաս կապուելով, ուրիշ սուինաւոր զինուորներով ճամբու դրուեցան: Անոնցմէ 50 հոգինոց բանտարկեալներու ուրիշ խումբ մը նոյնպէս կապեցինք իրարու ետե թեւ թեւի: Քաղաքին խաղաղութիւնը չխանգարելու համար, այս խումբն ալ միւսներուն պէս ծունկի վրայ քալեցնելով տարբեր ուղղութեամբ զուրս հանեցինք: Առաւօտեան մօտ, խումբը Քեսրիկ գիւղի դիմացի ճոխ թթենիներուն տակ հասցուցինք և հանգստացուցինք: Նոյն պարագային, մեզ ընկերացող ոստիկանապետը մեր երկու տասնապետները կանչեց, առանձին հրահանգներ տուաւ և վերադարձաւ:

Մեր կալանաւորած կեալուորներուն այս խումբին մէջ երիտասարդ փափազ մը կար, որ իր կեցուածքներովն ու նայուածքներովը կործես սպանուիլը երբեք մտքէն չէր անցըներ: Անիկա վախնալու աչք չունէր և շարունակ մեզի անհասկնալի բաներ մը կը խօսէր իր ընկերներուն: Մեր տասնապետներէն մէկը, ոստիկանապետը լսելէ վերջ՝ այնքան խիստ եղաւ որ խումբը քչելու շարժման ատեն, յիշեալ փափազը լեցնելու համար ապտակ մը իջեցուց անոր երեսին: Փափազը ցնցուեցաւ: Չգիտցանք թէ ի՞նչպէս

իր կապերը կտրեց և նոյնքան զօրաւոր ապտակ մը փոխարինելով գետին ձգեց տասնապետը: Ամէնքս աճապարեցինք, բայց փափազը խոյս տուաւ. կարգէն, երկու զինուորներ եւս գետին ձգեց, երրորդի մը վրայ յարձակեցաւ անոր դէնքը առնելու: չյաջողեցաւ, դուրս փախաւ: Հալածեցինք զինքը մինչեւ հոս, ուր գնդակ մը զայն շանսատակ ըրաւ: Եւ իյնալէ վերջ քանի՜ սուինի հարուածներ կերաւ, Աստուած գիտէ:

— «Փո՛խ կեալուր», օսմանցի զինուորին գնդակէն ի՞նչպէս կրնաս ազատիլ, վրայ բերաւ Պէքոշը:

Հին առած մը կայ որ կ'ըսէ թէ ամէնէն ծանրագագ կենդանին անգամ կը տրամի հեշտութենէ մը ետք: Հասան ո՛չ միայն դեռ չէր զգացած այդ տրամութիւնը, այլ Պէքոշին հետ կը ցուցնէր թէ իր հեշտութիւններու խանգալառութիւնը ոչ մէկ բան պիտի կրնայ տեղէն շարժել:

Ճակատագիրն է որ կը ստեղծէ մտածումը մարդուն, թէ բոլորովին ընդհակառակը՝ մտածումն է որ ինքն իսկ կը ստեղծէ արտաքին ճակատագիրը: Չեմ գիտեր: Սակայն զիտեմ, կը յիշեմ որ նոյն պարագային յանկարծ բոլորովին տարբեր ուղղութեամբ տարբեր լեզու մը երեւան եկաւ և հզօր եղաւ կործանելու գաղանային ամէն խանդավառութիւն, ոճրային կիրքերու ամէն խանդաղատանք Հասանին ու Պէքոշին մէջ:

Մահուան հնչուածի ցաւերուս մէջ իսկ կարելի էր որոշապէս զգալ որ Հասան եւ Պէքոշ այդ լեզուին առջեւ ներհակ ուղղութեան մը ճամբան ինկան, հետզհետէ դառնալու համար կորովազուրկ գաղաններ: Եւ վե՛րջը... ոչ մէկ տարակոյս որ ժամանակը զանոնք տարաւ կործանելու վայրատուգումի ճանապարհին մէկ խորութեան մէջ, հաստատելու համար թէ խիղճէն աւելի հզօր խայթ չկայ մարդու ներսիդին:

* *

Մեզ ընկերացող երրորդ գիւղացիին անունը Սիւլեման էր:

Սիւլեման սովորական մարդու հասակի մէջ ունէր լանջքի տոկուն կազմ և դէմքի արտաոց ձեւ:

Ունէ փափկութիւն մերժող մորթով մը ծածկուած վիզը ծռած էր ձախ բեճին: Անոր ընկերացած էին իր բերանը, քիթը, այտերը և աչքերը: Ինչպէս կզակի թեթեւ շարժուածք մը կը բաւէր որ կէսը նեղցած և միւս կէսը լայնցած բերանը լորձուքներով լեցնէր, նոյնպէս շիտակ նայուածք մը հերիք էր որ մէկը շատ բացուած իսկ միւսը նոյնքան գոցուած իր աչքերը արցունքներով տանջէր: Գիշահաւի մը նողկալի պատկերը յիշեցնող կերպարանք մը ունէր Սիւլեմանին դէմքը, որուն հալած մէկ երեսը ամբողջ դիմագծին պարտուած ամայութիւնը կ'աւարտէր:

Այսքան այլափոխուած ու այլանդակ դարձած դէմք մը, որ դիտողի մը սրտին մէջ կրնար արհամարհանքի սարսուռ մը արթնցնել, ո՞ր չարչարանքի արդիւնքն էր:

Սիւլեման, ճամբայ ելլելէն ի վեր մնացեր էր ամէնէն սակաւախօսը: Անիկա լռեր էր, մտմտուք մը ունէր որ յայտնի էր թէ ճնշող էր, և ամէն անգամին կը զօրանար երբ կատարուած բարբարոսութիւններու յիշատակներն արթնցնող պատմութիւն մը կը լսէր: Ես տեսայ քանի հեղ որ Սիւլեման այդ պատմութիւնները չլսելու համար գլուխը կը կախէր, իր իշուն հետ առաջ կ'անցնէր կամ ետ կը մընար և անհաճոյ ակնարկներ կը նետէր պատմողին:

Ի՞նչ էր Սիւլեմանին մտմտուքը, զգացո՞ւմ թէ բանականութիւն, ֆիզիքական ցա՞ւ թէ այլ դժբախտութիւն, իր ընկճուած լեզուն միայն պիտի կրնար ատիկա պարզել:

Երբ Հասան դիւալին ախորժակով լրացուց անձանօթ քահանային մարտիրոսութեան ծանօթ վէպը և Պէքոչին հետ բարձրացուց ցնորուած քրքիջի մը թունաւոր մայթքումը, Սիւլեման չհամբերեց այլեւս:

— Ուրեմն այդ կոտորածներու բոլոր եղանակները անգթութիւններ չէի՞ն: Ուրեմն չէ՞ք զղջացած անոնց ունէ մէկին համար:

— Ընդհակառակը, մենք բոլորը կոտորեցինք, որովհետեւ որոշ պատճառներ ունէինք, որոնք իրաւունք տուին մեզի: Միւսիւլեմանի մը համար դայիկ կեալուրները ջարդելու ունէ մէկ կերպի մէջ անգթութիւն չկայ: Անոր համար, ազգային ամէնէն սուրբ գործը դաւադիրները տարբեր տարբեր շարչարանքներով փճացնելն է:

— Ուրեմն մարդասպանութիւնը սրբութի՞ւն է, Հասան:

— Այո՛, չարագործները սատկեցնելէ աւելի մեծ արդարութիւն չկայ մեր կրօնքին մէջ: Եւ ինչպէս քիչ առաջ լսեցիր, Հայերը բոլորն ալ չարագործ կեալուրներ էին:

— Բայց ամբողջ ազգ մը ի՞նչպէս չարագործ կրնայ կոչուել: Հարս մը, աղջիկ մը, մանուկ մը ի՞նչպէս դաւադիր կրնան համարուել:

— Ո՞չիւր ո՞չիւ է, մեծ թէ պզտիկ: Անոնց խայթոցներէն ազատելու համար անհնար է անմեղ զատել, ընտրութիւն ընել: Սիւլեման Չաուչ:

— Մեր կրօնքին մէջ չենք լսած տակաւին կէտ մը, որ հնարաւորութիւն տայ Աստուծոյ ստեղծած մարդոց մէկ մասը ո՞չիւ կոչել: Մեր կրօնաւորները երբեք չեն գիտեր ժամանակ մը, ուր Աստուծոյ հաւատացեալ իսլամը ազգ մը, ցեղ մը այս կերպ բնաջնջելու ազատութիւն ունեցած ըլլայ: Այսքան անմարդկային չարութիւններ կատարելու համար մարդ մը անասուած և անկրօն ըլլալով մէկտեղ, երբեք խիզճ ունենալու չէ:

— Դուն աւելի՞ գիտես կամ կը զգաս քան անոնք, որ այսպէս կատարելու հրամաններ արձակեցին և անոնք որ հետեւեցան անոնց գործադրութեան:

— Սակայն ո՞վ իր մարդկային զգացումները չալկած եկաւ կոտորածներու անաւոր տեսարանները դիտեց և չհա-

ուսչեց: Սիրտ ունեցող ո՞ր մարդը պիտի դիմանայ և զիղջի չգայ օր մը, եթէ ջարդերուն մասնակցած է: Այսքան ահաւոր չարութիւն գործող սիրտ մը կրնա՞յ անպատիժ մընալ աշխարհի վրայ:

— Եւ դուն աւելի մեծ ետանդով կը մասնակցէիր այդ ջարդերուն:

— Այո՛, մարդկային խիղճս ուրացայ, սիրտս յիմարութեան մէջ թաղելով անոր տեղ բարձրացուցի անասնական եռանդ մը: Փոխարէ՞նը: Նոյնքան ահաւոր պատիժ մը մինչեւ աչքերուս է բարձրացեր: Սակայն դուք երբ ձեր տուներէն ներս կը մտնէք ու կը տեսնէք ձեր ընտանիքին կամ սեւէ մէկ զաւկին տխրութիւնը, կը լսէք անոնց մէկին մզմզուկը, սարսուռ մը չէ՞ք զգար: Այդ սարսուռին մէջ չէ՞ք յիշեր այն հազարաւոր անմեղները, այո՛, անմեղները՝ կ'ըսեմ, որոնց ամէն մէկին սպանութեան համար առանձին վայրագութիւն մը գործադրուեցաւ: Չէ՞ք մտաբերեր երկինքը ձեզքոց այն բազմազան ճիշերը, աղիտղորմ աղաղակները, որոնք ոճրագործ մարդոցմէ չլսուեցան երբեք: Չէ՞ք հաւատար թէ Աստուած վրէժխնդիր է, կրնայ ահարկու հարուածով փշրել բոլոր այն սիրտերը՝ որոնք աշխարհի ամենամեծ մեղքերու առջեւ սոսկում չզգալու չափ թանձր վատութիւն մը ամբարած են: Չէ՞ք ընդունիր թէ այսպէս պատժուեցան շատեր և թողուցին սր կեանքերնին քօռ դառնայ:

Հանրմտ անհանդստութիւն մը յայտնեց: Ուղեց որ անջատուինք քիչ մը և դանդաղեցնեմ ձիուն գնացքը: Անիկա կու լար անձայն իր չարեափին տակ և կը սրբէր աչքերը: Յիշեր էր իր ամուսինը և երեք տղայ զաւակները, զոր Սիւլեմանին ցուցուցած հատուցումը պատժեր և կործաներ էր իրարու ետեւէ քառասուն օրուան մէջ:

* *

Ա՛լ շատ պարզ էր որ Սիւլեման Չաւուշը իր ցանկացած և ճաշակած հրճուանքներուն յաճախանքն ունէր: Մտքին մէջ գծուած տեսիլքները պատկերացումներն էին

իրմէ նախ ըղձացուած յետոյ ուրացուած կեանքի մը բոլոր անկարգութիւններուն, որոնք հետզհետէ իր ներքին էութիւնը առեր, սարեր անքակտելի հանգոյցի մը մէջ ոլորեր էին: Անհուն ցաւի մղձաւանջի մը երկիւղն ունէր, կը տանջուէր: Եւ այդ շարչարանքը արհամարհելու անկարող էր, կը հառաչէր:

Հասան և Պէքոշ զեռ ի զուր կը ջանային դէմ կենալ և չվարանիլ իրենց յանցանքներուն առջեւ:

Սիւլեման ա՛լ չխօսեցաւ: Յայտնի էր որ նորէն թաղուեցաւ իր դարնուած երեւակայութեան մէջ, ինկաւ արիւններով խեղդուած պատկերներու խորը, կպաւ այն ցաւին որ ժամանակէ մը ի վեր հրդեհող բոցերու պէս վխտացեր էր իր չրթանց վրայ, և քունի մէջ անգամ դժոխքի վախն էր բորբոքեր իր ներսիդին:

Յաւիտենական շարչարանքի բնոյթն ունէր այդ երկիւղը:

Տարի մը վերջ, իր մահուան անկողնին մէջ, Սիւլեման զեռ այդ երկիւղն է որ կը ճչար:



“ . . . Աւստի ո՛ր կողմի վրայ ալ դառնայ, Հայերը մեր քեանմի քուտականներն են միշտ, որոնց կաթնկերին անգամ պէտք չէ գթալ, պէտք չէ խնայել »:

ՋԱՐԳԱՐԱՐ ԹՈՒՐԻԻ ԽՕՍԲ

Գ. ԳԼՈՒԽ

ԴԺՈՒՔԻՆ ՄԻՒՍ ԵՐԵՍԸ

Հասան և Պէքոչ քանի մը անգամ փորձեցին որ Սուլիման իր լուսթիւնը խզէ, բայց չյաջողեցան ու մենք անցանք չարչարուած պարտէզներէն և դարձեալ բռնեցինք մայր ճանապարհը:

Քեսրիկ անուն գիւղէն քիչ վարը, մայր ճանապարհի ձախ եզրին վրայ կլոր ու ցած բլուր մը կը բարձրանայ: Այդ Անցորդի բլուրը իր ոտքերուն տակ ունի հասարակաց աղբիւր մը, որուն ջուրը քիչ չէ, սակայն աղբիւրի մը աշխուժութենէն զրկուած է: Անտիրութեան հետեւանքով լեցուեր է իր ակը կիտովին և թոյլ է տրուեր որ երկու կողմերէն անօգուտ ու աննպատակ ջրմուղներ բացուին: Ատոր համար, աղբիւրը ցայտելու տեղ կը բխի, հոսելու տեղ ինքն իր վրայ կը թափի անձայն ու անժպտաւ Միւսնոյն լուսթեամբ կը լինայ նիհար ու կարճ առուակ մը, կը թափի աւերակ աւազանի մը մէջ, կը թրջէ անոր դեղնած յատակին լայն մասը և կ'անցնի կ'երթայ ու արցունք կը դառնայ ճանապարհին միւս կողմը, ուր թթենիներու բզկտուած պարտէզ մը կու լայ:

Հիմա, հեշտ է երեւակայել որ այդ պարտէզը թերեւս շատոնց արդէն խեղդած է ամէն արցունք աղբիւրին հետ, և կործանած է ամէն յիշատակ ու տեսիլք: Սակայն տեղը ունի անուն մը, որ մահ չունի մեր տարագրութեան պատ-

մութեան մէջ: Ատիկա մէկը եղաւ այն սարսափելի կայաններէն, ուր մեր հազարաւոր զօները իրենց վերջին իրիկունը տեսան ու լացին, առաւօտը տեսան ու չ'ողջունեցին, ուր մեր բազմաթիւ դահիճները իրենց վայրագ ոճիրները որոճացին ու հրճուեցան, զանոնք գործադրելու եզանակները երեւակայեցին ու կատղեցան:

Քիչ մըն ալ յառաջացանք և կեցանք: Մայր ճանապարհը խարխլած թեւ մը կը բռնէ: Սիւլեման հազիւ երկու խօսք ծամծմեց, բաժանումի բարեւ մը կակաղեց և այդ թեւը բռնեց: Անոր հետեւեցաւ նաեւ Հասանը: Իսկ մենք հանրմիտ և Պէքոչին հետ, շարունակեցինք յառաջանալ ուղղակի մայր ճանապարհի երկայնքն ի վար:

* * *

Պէքոչ միշտ բեռնաւորուած իշուս կը հսկէ, ես ալ հանրմիտ հեծած ձիուն սանձը թեւէս չեմ բաժներ:

Պէքոչ և հանրմիտ շատ չեն խօսիր, ինչ որ կը խօսին, կարճ կերպով կը վերջացնեն: Հապա ուրեմն ի՞նչ կը մտածեն: Չեմ գիտեր: Ես ներքին ցաւ մը ունիմ որ արմատացած է, անիկա սարսափելի ելեւէջներ ունի, ու հիմա նորէն կը բորբոքի, նորէն զգացումներու ճոխութիւնը կ'աղնէ:

Անոր գիմադրելու համար կը ջանամ մտածումներուս միւթարանքի թեւեր տալ, զանոնք որոշել, գալիք տեսիլքներով անվեհիր դարձնել: Բայց ի՞նչ հնար... տղայամտութեան ուժիս տակ բախտ մը երեւակայելու աշխատանքս անզօր կը դառնայ ինքնին, կը փլչի ինքն իր վրայ, կը մարի ինքն իր մէջ՝ դեռ յղացումը գոյնի մը չմտած, դեռ միտքը կերպարանք մը չհաղած: Որովհետեւ տեսարան տեսաբանի կը յաջորդէ մեր ճանապարհին վրայ, և ամէնքն ալ մէկգմէկու ետեւ, մէկգմէկէ ահաւոր, մէկգմէկէ զարհուրելի կը բարձրացնեն իրենց պատկերները, կը հարուածեն զիս և իրար կ'անցընեն սիրտ ու կեցուածք: Անոնք իրենց տար-

բերութիւններով այնքան առատ են, այնքան այլազան արագութեամբ իրարու կը հետեւին որ կը զգաս թէ բոլորն ալ առանձին առանձին անգթութիւններով կը ձգտին, բոլորն ալ շարութեան սարսուցեցիչ յաղթանակներով կը վարձատրուին:

Ահա՛ գիւղ մը կ'երեւայ մեր մօտը, ուր տուն տունի կողքին փլեր, կործաներ ու իրար խառնուեր են: Երբեմնի չէն, զուարթ ու ժպտուն գիւղը այժմ աւերակի մենաստան մըն է դարձեր, մոխիր կը մաղէ, և գոնէ երգ մըն ալ չկայ որ անոր յիշատակը չթաղուի:

Ահա՛ գորշագոյն զգեստներ հագած խուժը մը ստիկաններ մեր քովէն կ'անցնին: Ես կը ճանչնամ զանոնք, բոլորն ալ հայկական շարդերու գործին յատկացուած անիծեալ զինուորներն են վատթար կառավարութեան մը: Զարդէ՞ն կու գան անոնք թէ կ'երթան նոր շարդի մը պատրաստուելու: Չեմ գիտեր: Միայն գիտեմ ու արդէն կը տեսնեմ որ բոլորն ալ միեւնոյն արիւնհարբու շարժումներն ունին, միեւնոյն գէշ աչքերով կը նային, միեւնոյն կատաղութեան տիպը կ'ապրեցնեն, ինչ որ ես տեսած եմ նախապէս, բազմաթիւ սեւ ու խելացնոր առիթներու, երբ անոնք լեռնէ լեռ կը քշէին ու կը փճացնէին մեր հազարաւորները:

Ահա՛ ոճրագործ աղա մը մեզ կը բարեւէ, ան ծանօթ է մեզի, կը ժպտի, բայց իր դէմքին վրայ բնաւ չի մարեցներ գազանային պոքստուքը: Կատաղութեան ծով մը կը բարձրացնէ աչքերուն մէջ, նայուածքը տուն կու տայ ալիքի մը, որ կործանարար է: «Աղէ՛կ ազատեցար, կեավորի ձագ»... կը մոլտայ ինձի հերստա հեզնութեամբ մը:

Ահա՛ քանի մը նոր դահիճներ, որոնք անզօր ու անխօս դարձած թշուառներու խուժը մը առջեւին խառներ կը քշեն շարունակ: Ո՞ւր կը տանին անոնք, ջարդելու թէ փրկելու... Աշխարհի վրայ ամէնէն սրտաճմլիկ կոչուող ողբը ո՞րն է, որուն համար կ'ըսեն թէ ոչ մէկ մարդկային միտք ու խիղճ կրնայ զիմանալ: Ահա՛ անոնք, այդ թշուառ-

ները, բոլորի, գլխերաց, մերկ, անօթի ու ծարաւ կ'աղաղակեն: Իրենց աղաղակներու ուժէն թռքերնին կը մաշի, ստամոքսնին կը կծկուի, լեզուներնին կը ցամքի, բերաննին կը չորնայ, օգնութիւն մը սպասելէն աչքերնին կը քաշուի, ուժերնին կը հատնի, կ'իյնան, անողոք հարուածները ոտքի կը հանեն գիրենք, չեն դիմանար, նորէն կ'իյնան ու գէմքերնին մահուան սարսուռներուն մէջ կը կախեն: Անոնց հալած նայուածքներուն և բղքտուած կամքերուն առջև ի՞նչ աստիճանի անգլխութիւն է: որ տակաւին հրճուանք ունի և մոլեղնօրէն կը բարձրանայ...

Ահա՛ հարս մը, որ դեռ քանի մը ամիսներ առաջ կը ձգտէր գեղեցկութեան մրցանիշ մը կոտրել, իսկ հիմա այլակերպ է դարձեր, խորտակուեր են իր բոլոր նրբութիւնները, իր գլխուն վրայ խառնուած մազերէն մինչև բոլոր ոտքերը աղտոտութեան մէջ կը ծորի: Մարդկային չորացած կմախքն անգամ ձեւ մը ունի որ ճաշակ մը կ'արթնցնէ, կերպարանք մը ունի, որ աչք մը կը հետաքրքրէ, սակայն, այս երէկի գեղեցիկ հարսը որքան չարչարուեր է, Աստուած իմ, որ կեցուածք չունի, որ գոյն չունի, որ մաքրութիւն չունի, որ ուժ չունի, և ինչո՞ւ դեռ չեն լսուի որ անոր աղիտորմ պաղատանքները՝ աղատելու համար զինքը հալածող երկու սրիկաններուն ձեռքէն:

Ահա՛ 10 տարեկանի մօտ տղայ մը, որ կապած են իրեն հասակակից քրոջը հետ: Զիրենք գերի վարող աղային յանձնարարութիւնն է, կը տանին զանոնք կա՛մ ապառաժէ մը վար նետելու և կամ վայրի չալըներու կրակին զոհ տալու: Ինչո՞ւ համար: Երկու մարդակերպ չուներ կ'ապտակեն ու կը լացնեն զանոնք անզաղար, անէծքի շուքին սակ կը կը լացնեն զանոնք անզաղար, անէծքի շուքին սակ կը կը լացնեն զանոնք անմեղութիւնը՝ յայտարարելով անոնց հրճուիւն, կը ծաղրեն անմեղութիւնը՝ յայտարարելով անոնց դատապարտութեան յանցանքը. «Բանի որ Հայերէն կոչուող ձեր կեավուրի լեզուն իօսեցաք, պէտք է մեռնիք...»:

Մարդկութեան ծանօթ ո՞ր լոյսն է որ անէծք ունի, ո՞ր երկինքն է որ կարող է արդարութեան պատիժ մը տեղացնել:

Ես տրտում եմ ու վշտի հարուածներէն կը գալարուիմ: Հանրմիտ հետ Պէքոչն ալ կը տեսնէ այս ամէնը, բայց երբեք բան մը չի խօսիր, երբեք չի ցուցներ թէ զանոնք տեսնելով հաճոյք կը զգայ: Արդեօք Սիւլեման իր ըսածներով կրցե՞ր էր անոր ինկած ու անկարգ դարձած կեանքին մէջ արթնցնել բարոյական զգացումը և զայն կըսկիծի վերածել: Կ'ուզեմ համոզուիլ այո՛ ըսելու: Այդ համոզումը ես ինծի հաստատական դարձնելու համար, սակայն, ի զուր կը վերադառնամ անոր երեւոյթին բոլոր կողմերը քննելու: Ահա՛ հինցած ու մաշած խռիկներուս մէկուն յասակը կը փրթի բոլորովին, իսկ միւսն ալ կարտելէն անօգուտ կը դառնայ:

Կը ծոխիմ, երեսները ձեռքս կ'առնեմ: Անոնք բանի մը պիտի ծառայե՞ն այլևս: Հանրմիտ կը նայիմ, խօսք մը չըներ, նշան մը չի ցուցներ: Կը խոնարհիմ ու ճանապարհէն զուրս կը նետեմ զանոնք:

Հիմա բոլորովին բոլորի եմ, օտքերուս ասղնտումը երթալով աւելի կը գօրանայ, չեմ կրնար քալել, բայց չեմ ալ կրնար կանգ առնել: Ի՞նչ ընեմ ուրեմն:

Կ'ուզեմ լալ, բայց արցունք չունիմ: Այն ի՞նչ ահուկի նեղութիւն է, ըսէք, որ կրկնապատկուելով կը գոցէ մարդուս մէջ նոյն իսկ լացի ճամբան:

* * *

Արեւը կախուեր էր հորիզոնին վրայ, երբ մենք կօխեցինք ցեխոտ կամուրջի մը յետնամասը, բաժնուեցանք մայր ճանապարհէն և անցանք ե, կու ճոխ պարտէզներու միջոցէն: Անոնց ետեւ մենք շուտով հասանք շէն գիւղի մը արեւմտեան ծայրը, ուր արարական ոճով կոկիկցած մզկիթ մը իր շքեղ մինարէն կը բարձրացնէր:

Հանրմտ զայն տեսնելուն պէս գէմքին քօղը կիսովին մէկդի տարաւ, նայեցաւ լոյս մը տեսնողի պէս, բերանը բացաւ հաճոյք զգացողի պէս, խլրտուն մրմունջ մը արձա-

կեց իր հոգին ախորժեցնողի մը պէս: Մզկիթին կողքին շը-
քեղ գմբէթով մը հարստացած դամբան մը ցուցուց ինծի
և իրողութիւնը անտրամաբանական դարձնելու չափ չափա-
դանցելու լայն տրամադրութիւն ունեցող կնոջ մը պէս
պատմեց անոր կնիթակային պատմութիւնը:

Այդ դամբանը կը պատկանէր երանելի դարձած հոչա-
կաւոր շէյխի մը, որուն մարդարէական կոչումը, հանրմս
կը ջանար հաւաստել թէ տարածուն համբաւ ունեցած էր,
և մահէն յետոյ, իր անունը յիշող բոլոր հաւատացեալները
կ'աղատէ ամէն տեսակ փորձանքներէ:

Հանրմս, իր կրօնական հաւատքի մոլեռանդութեան
մէջ ինչ կարգի ծայրայեղութեամբ որ ըրաւ պատմութիւնը
դամբանի տիրոջ մասին, միեւնոյն սրտով խոնարհեցաւ ա-
նոր առջեւ: Իրեն հետեւեցաւ նաեւ Պէքոշը:

Անոնք անձայն ու կարճ աղօթք մը ըրին, և դարձ-
եալ յառաջացանք:

Մզկիթին գիւղը կը կոչուէր Մուլլի գիւղ, որուն ե-
տեւ տարածուող նոր պարտէզներու շարք մը մեր ճամ-
բան քիչ մը եւս նեղցուց, բայց չ'երկարեց:

Երբ մենք դուրս եկանք վերջին պարտէզներէն ալ,
անմիջապէս բռնեցինք բաց ու ընդարձակ դաշտագետնի մը
լայնքը, որ իր բոլոր կողմերով ծավածոցի մը պատկերը կը
յիշեցնէր:

Մուլլի գիւղը ծանօթ է աշխարհագրութեան պատմու-
թեան մէջ՝ նշանաւոր սեխ արտադրող իր արտերով: Այդ
արտերէն մաս մը կը տարածուէր յիշեալ դաշտագետնի աջ
փէշին վրայ, ուր կարճ դարձ մը կատարեցինք, մարդագե-
տին մը բռնեցինք և գտանք մաքուր ու առատ ջուրի սի-
րուն աղբիւր մը:

Հանրմս իր ձիէն իջաւ, անցաւ աղբիւրին գլուխը և
հանգչելու համար նստաւ թեթեւ բարձի մը վրայ: Մենք
ալ, Պէքոշին հետ իշուէն բեռը վար առինք, զոյգ կենդա-
նինքը ջրեցինք, կերով լեցուն տոպրակները անոնց դուն-
չերէն կախեցինք: Եւ պա նստանք մէկ կողմի վրայ լուռ ու
մունջ:

Քաղաքէն ճամբայ ելլելէ ի վեր մէկ անգամ միայն
հանգստացեր էինք քանի մը վայրկեան՝ Վարդադոյլ անուն
գիւղի մը մօտ, ուր նոյնպէս գեղեցիկ աղբիւր մը կար:
Հոն, պատառ մը հաց կերեր էի կուլ տալով զայն առատ
ջուրի պուկերուն շնորհիւ, բայց այդ պատառը ինծի համար
այնքան սակաւ էր եկեր որ հազիւ անօթութիւնս մեղմա-
ցուցեր էր քիչ մը, ու հիմա՝ ա՛լ արեւը իջեր գրեթէ հորի-
զոնին կը դպէր և տակաւին բան մը չկար ուտելու համար:
Իրենք կուշտ ու կուռ կերած էին առաւօտուն, ատոր վըս-
տան էի, այնպէս որ եթէ Վարդադոյլի աղբիւրին մօտ ալ
քիչ մը կերան՝ անօթի չէին: Իսկ ե՞ս... այդքան դաժան
տեսիլքներով լեցուն այդքան երկար ճանապարհին ի՞նչպէս
դիմացայ քալելու և ի՞նչպէս դեռ պիտի դիմանամ շարու-
նակելու կտրել անձանօթ հեռաւորութեան միջոց մը: Ստա-
մօքս դատարկ է, աղիքներս պաշար կ'ուզեն, չեն դտներ,
կը գալարուին: Ա՛խ, երանի՜ թէ գոնէ առաւօտեան հացէս
խնայած սոխս պահել կրցած ըլլայի...

Հանրմս կը տեսնէ գունատ դէմքս, կը զգայ տան-
ջանքս, գիտէ որ անօթութենէն տառապանքս կ'աւելնայ
հանգստի պահուն և կը հարցնէ.

— Անօթի՞ ես, ընչմալ:

Ի՞նչ պատասխանեմ երբ գիտեմ թէ հաց չկայ և չեմ
գիտեր թէ իր հետաքրքրութեան նպատակը սի՞րտ տալ է
թէ ոչ դուարձանալ:

Գլուխս դարձուցի, մէկ անգամ միայն նայեցայ և
չուտով աչքերս վար առի:

Անոնք յոգնած են, բարձրանալու տեղ քաջուիլ կ'ու-
զեն:

Հանրմս դէմքին խորութեան մէջ դարչելի ծիծաղ մը
կայ որ չեմ տեսներ, սակայն իր կոշտ ձայնին եղանակը կը
մատնէ զայն, որովհետեւ անոր պլլուելով դուրս կու գայ
կոկորդէն:

— Կ'երեւի թէ շատ է անօթեցեր իմ մէկ հատիկ
ծառաս:

Հեգնութեան ո՞ր ձեւն է այս...:

Ա՛լ չեմ համբերեր, կը խօսիմ, կը պատասխանեմ ինչ որ ըսել ուզեր եմ շատոնց, բայց կապկպուներ եմ եւ տակաւին չեմ կրցեր արտասանել:

— Այո՛, հանրմ էֆէնտի, անօթի եմ, սակայն բոպիկութիւնը աւելի կը տանջէ զիս ու անկարող կը դարձնէ քալելու:

— Վնաս չունի, շատ ճամբայ չմնաց: Ես վստահ եմ թէ դուն քաջ ես քալելու համար ու կը զիմանաս մինչեւ որ սա մեր զիմացը երեւցող գիւղը հասնինք:

— Հո՞ն պիտի մնանք այս գիշեր:

— Այո՛, այս գիշեր հիւր պիտի ըլլանք այդ գիւղին մէջ բնակող մեր բարեկամին, որ մեծ աղա մըն է:

Հանրմիս ցուցուցած գիւղը շատ հեռու չէր, ժամէ մը գիւրաւ կարելի էր հասնիլ: Անիկա ամենամեծ գիւղն էր տասնեակ մը գիւղերէ և գիւղակներէ բաղկացած գիւղախումբի մը, որ Բիւրաւ Եմլիկ կը կոչուէր:

Բիւրաւ Եմլիկի գիւղերն ու գիւղակները իրենց առատ պարտէզներով և արաբերով կը գեղեցկացնեն հնոց օրերէն ի վեր անուանի լեռ մը: Այդ լեռը միանալով Տեվէ-Պօյնիին ու Մաստառին, կը դառնայ լեռնաշղթայ մը և կը կապէ սիրուն Խարբերդը մեր սքանչելի Ծովքին, թիկունք կու տայ անոր բլրերդացած լճին ու կը խորացնէ խոհուն յուշերը:

Եթէ Խարբերդի դաշտերը ծով մը սեպնք, Բիւրաւ Եմլիկի լեռը նոճիազարդ Լիբանանին կրնանք նմանցնել: Նոյնքան գեղեցիկ և նոյնքան ներշնչող է:

Լիբանանը, իր բնական և արուեստական գեղեցկութիւններէն զատ պատմութիւններ ունի, որոնք հին Սիրոնի մեծութիւնը կ'ոգեն և մարդկային ըղձանքներուն թըռիչք կու տան: Բիւրաւ Եմլիկն ալ աւերակներ ունի, որոնց անուանները ցանկալի Ծովքին կը կապուին և մեր պատմութեան յիշատակները կը գորացնեն: Ծովքի անգիր դըպ-

րութեան ճոխ շունչը դեռ խորունկ նրբութեամբ կը պահէ Բիւրաւ Եմլիկի հին անունը, որ էր Արգելանաց կուչա:

Եւ ի՛նչ դիւցազներգական աւանդութիւն...: Արգելանաց կուչաը իրապէս անխորտակելի ճակատ մըն էր զարձեռ երկար ժամանակ, արգելք էր եղեր անվեհեր կերպով և Ծովքի անկախութիւնը պահեր էր հիւսիսէն արշաւող կարգ մը թշնամիներու դէմ:

Դեռ ԺԱ. դարուն էր որ անունը անծանօթ դարձած հայ դիւցազն մը Արգելանաց կուչաէն վար սլանալով յարձակեր էր այլակրօն թշնամիներու ահաւոր բանակի մը վըրայ և ջախջախեր էր զայն յաղթականօրէն: Անիկա հալածեք էր նաեւ մնացեալները, և մինչեւ հեռաւոր սահմաններ շողապուցեր էր իր այն երկայրի սուրը, զոր մերձակայ Զանդառիճի վանուց սուրբերն էին տուեր իրեն, գիշերուան լուսնի լուսուն Ծովքի լիճէն հանուած ու բերուած հրեղէն ձիու մը հետ:

Սակայն ժամանակի ընթացքին իրարու յաջորդող քաղաքական աննպաստ պարագաներուն առջեւ, Բիւրաւ Եմլիկի հայ բնակիչները հետզհետէ ցրուեր էին և մնացեալներն ալ խառնուելով եկուորներու հետ՝ փոխուեր ու դարձեր էին խզրլ - պաւ քիւրտեր: Աւելի վերջը՝ կրօնական հաւատքի ի՛նչ ուղղութեան մտած էին, իրենք ալ չէին գիտեր: Բայ ես գիտէի որ հին օրերուն հայ ազատութեան սուրբ յաղթանակին մէջ այդքան հռչակ ունեցող Բիւրաւ Եմլիկը այժմ նորէն հռչակաւոր էր դարձեր, թէեւ այս անգամ բոլորովին այլ ձեւով, բոլորովին հակառակ կողմի վըրայ: Արգելանաց կուչաը դարձեր էր իրական Բիւրաւերու Եմլիկներ, ուր ազատութեան յաղթանակի գեղեցիկ գաղափարը ոճիրներ գործելու մտադրութեան տակ խեղդուելով՝ սրբութիւնը փոխուած էր անզգամութեան և հերոսութիւնը՝ հրէշութեան:

Այո՛, Բիւրաւ Եմլիկցիները հռչակ ունէին Հայերը կոտորելու գործին մէջ: Անոնք էին որ ջարդելու, բզբտելու անգթութեանց առաջնութիւնը շահած էին և իբրեւ ամէ-

նէն անխիղճ մորթող ոճրագործներ, ամէնէն արագ կոտորող հրէշներ հրապարակ անցած էին:

Ես տեսեր էի հազիւ տասնընէնգ տարեկան տղայ մը, որ կարճ դանակ մը ունէր ձեռքին, և անով այնքան վարժ կը մորթէր, այնքան ճարպիկ կը կոտորէր որ միւս ոճրագործները փէյլվանի տիտղոսներով կը գովէին ու կը հրահրէին զայն: Այդ զարչելի իժի ծնունդը Քիւրտ Եմլիկցի էր:

Ինծի պատմեր էին շատ անգամներ, որ Քիւրտ Եմլիկցի կիներն անգամ գիշերները քուն չունին, ու գայլերու պէս անդադար կը թափառին՝ հայ սպաններու գինջուլութեամբ:

Ամբողջ օրուան ճանապարհին՝ սարսափելի տեսարաններու ականատես եղած էի, վերյիշած էի նմանօրինակ անթիւ պատմութիւններու շարք մը ու շարչարուած էի: Մտային այս տխուր վիճակիս յաջորդած էր անօթութեան գալարումը, որ բոլորութեան ցաւերու տաքնապի մը եւս միանալով՝ ֆիզիքական տանջանքս կը կրկնապատկէր:

Առաւօտուն՝ դժոխքէն ելանք, ուրիշ դժոխքի մը մօտէն անցանք: Ամբողջ ցերեկը չար դեւերու ճանապարհէ մը քալեցինք, ու հիմա, իրիկուան մութին հետ պիտի մտնենք նոր դժոխք մը, ուր բնակող մարդիկ ճիւղներ են, արեւին կ'ելլեն ու մինչեւ միւս արեւածագին ոճիրներ գործելէ, մարդ սպաններէ չեն յոգնիր:

Ինչո՞ւ իմ տրամութիւնս բազմապատկելու հաճոյք մը կը հրամցնէ հանրմս: Ո՞վ կայ որ օգնութեան պիտի գայ և թոյլ պիտի չտայ որ վերջապէս զիս Քիւրտ Եմլիկ առաջնորդելու չափ ալ անգութ չըլլան:

Հարցումը ունայն աղաղակի մը մենաւոր կանչն էր դարձեր որ ինչքան ի սրտանց կ'արձրկուէր, նոյնքան զըժբախտ կ'երեւար, և իյնալով մութին խորը կը գալարուէր, աւերակներէ անցնող հին գետի մը պէս:

Բնութեան մէջ ստեղծուած շատ գեղեցկութիւններ կան, որոնց շնորհքները կը մնծնան երբ գիշերը մօտենայ: Անոնք մութի թանձրութեան մէջ իյնալու և թաղուելու տեղ, կարծես թէ բացուելիք առաւօտը կանուխէն կը զգան ու կ'ողջունեն: Իրենց ողջոյնի համերգը աստղերուն կը կապեն, կը կտրեն ամբողջ գիշերը և լուսաստղին հետ զօրացնելով զայն՝ փառքի շուքով կը դիմաւորեն արեւելքի շառաւիղները:

Աղբիւրը է՛ն սքանչելի երգն ունի այս բոլորին մէջ: Սակայն մենք հազիւ քառորդ ժամ դադար ունեցանք, և տակաւին անոր երգը չլսած, օրհնութիւնը չզգացած՝ ճամբայ ելանք վերստին:

Մեր ճամբան այս անգամ աւելի փութով շեղեցաւ ձախի վրայ, անցաւ դաշտագետնին արեւելեան ափը և մտաւ երկու բլրակներու մէջ: Անոնց ետև կը տարածուէր կողմնակի բլուրներով պաշարուած կլոր դաշտածոց մը, որ փոքրիկ սարաւանդի մը ձեւն ունէր: Երբ մենք հասանք հին ու մեծ ուռնիի մը մօտ, — որ իր խիտ ու տարածուն ճիւղերով կ'հզերէր այդ դաշտածոցին արեւմտեան մէկ մասը — հանրմս փակեց իր ռուսգերը, նոյնը ըրաւ նաև Պէքսը: Նեխած դիակներու հոտը զօրացաւ շուտով և առաջնորդ եզաւ մեր աչքերուն: Մենք տեսանք որ դաշտածոցին գրեթէ ամբողջ տարածութիւնը ծածկուած էր դիակներով: Անոնք ի՞նչպէս չըջուած էին իրարու վրայ, այդ մարդիկ էին թէ կիներու, աղջիկներու և փոքրիկներու բազմութիւն մը: Կ'արժէր տեսնել և ստուգել մօտէն, բայց հանրմս նշանեց ու մենք հեռացանք տարբեր ուղղութեամբ:

— Այս սիրուն լեռան ստորտը փոխանակ անուշ օդ մը առնելու, գէշ հոտ մը ծծեցինք, ըսաւ Պէքս ինքնիրեն: Մինչ ես դիակներուն նեխումի հոտէն բռնուելու տեղ՝ ուրիշ ազդեցութիւն մը կրեցի: Անոնց արտասովոր չազմութեան տեսարանը վերստին չար յիշողութիւններուս ճամբան բա-

ցաւ ու ես երեւակայեցի զանոնք կոտորելու, բզբտելու կերպերը, ինչ որ տեսած էի այլ տեղի վրայ, օր ցերեկով, լոյս աշխարհի առջև:

Վերջիշուններս թարմ են և սահման չունին: Անտնց սոսկումին հետ՝ անօթութեան տագնապը կը կրծէ զիս, բուսկութեան ցաւը ուրիշ կարիճ մըն է, որ զիս կը խայթէ: Եւ ի՞նչ է մերկութիւնս ծածկողը, զգե՞սա թէ արիւնաքամ մարմինիս շարկող սև օձ: Չեմ գիտեր: Բայց գիտեմ որ լիոնէն վար եկող անուշ գեփիւտը ինձի համար սառնաշունչ հոսանք մըն է և կը փչէ ուժգին, որուն առջև ես կը դողամ ներսէս և աչքերս դուրս կու գան դէմքիս վրայ:

Հանրմս միեւնոյն հանդարտութիւնը ունի. կը ցուցնէ թէ բնաւ չաղդուրի դադար չունեցող մեր չարչարանքի ծանրութեան: Անհողի՞ է, անսիրտ է: Ոչ ոք գիտէ, թերեւս իր բովանդակ խիղճը պաշարուած է կրօնական հաւատքի մտատեսիլքներով, և երկնքի մէջ իրեն յատկացուելիք կանանչ վրանի շքեղութիւնն ու ճօխ սպասուորներու գեղեցկութիւնները երեւակայելէն տարբեր բան չի մտածեր:

Բայց Պէքոչը առտուան գարշելի Պէքոչը չէ, անոր մէջ քնացած ու թաղուած շատ բան է արթնցուցեր Սիւլիմանը: Նորէն կը հետաքրքրուի, նորէն կը հարցնէ.

— Ինչո՞ւ կը դողաս, ձէ՛մա՛լ:

Չայն չեմ հաներ, պատասխանելու ո՛չ ուժ ունիմ և ոչ ալ տրամադրութիւն:

— Կը մտի՞ս, վախցա՞ր, թէ ոչ դիակներու տեսարանէն ազդուեցար:

Նորէն լուռ եմ:

Հանրմս դեռ նոր կ'անդրադառնայ կարծես և միեւնոյն հարցումով կ'ընդմիջէ:

Պէքոչ կը շարունակէ.

— ... Իսկ եթէ դիակներու տեսարանէն էր որ դողալու չափ զգածուեցաւ ձէ՛մալ, շատ կը սխալի, որովհետեւ անոնք իրեն ծանօթ մարդոց դիակները չեն և ոչ ալ Ոարբերդցի են: Անոնք ամէնն ալ Սվազի և Տրապիզոնի կողմերէն բերած ու ջարդած են:

Կ'ուզեմ այս անգամ ալ գոնէ բան մը ըսել իբրեւ արդար սրտի պատասխան աս նոր կերպ չար խօսքին դէմ: Անպիտա՛ն Պէքոչ, գազանացա՞ւ նորէն, թէ ոչ պարզամտութեամբ կը հաւատայ թէ զիս մխիթարելու փորձ կ'ընէ զո՞ւռողները ինձի անծանօթ դարձնելով և անոնց բնականվայրերը իմ գաւառէս հեռու տանելով: Բայց լեզուս կը կապուի ու չոր հեւք մը ցամքած բերնէս դուրս կ'իջնայ միայն:

Հուրթիւն նորէն:

Կը քալեմ: Ապրելու հաւատքը կ'աղօտի, կեանքը խափանումի կ'երթայ, բայց տենչանք մը կայ որ դեռ ուժ ունի, դեռ յոյս մը կայ ներսիդիս:

Կրնայի՞ այն ժամանակ մտքէս անցընել թէ այդտեղ՝ ուր մէկզմէկու վրայ ինկած բազմաթիւ մեռելներ տեսանք, ժամանակ մը վերջ անոնց վրայ պիտի աւելնային նաեւ ութը հազարի մօտ նոր զոհերու դիակներ՝ իթթիհատական միւսիւր Շիլ Հասանի ճարպիկութեամբ:

* * *

Իրիկուան մութը թանձրացեր էր երբ մենք հասանք Քիւրտ Եմլիկ ու կեցանք երկու յարկանի տունի մը առջև, որ մեր մտնելիք գիւղին լաւագոյն տեղը բռնած էր: Անիկա թէև մասնաւոր նրբութիւն մը չունէր, գեղեցկութիւն մը չէր ներկայացներ, բայց մեծ էր և աջ թեւին կցուած պարտէզ մը ունէր, որուն վայելչութիւնը կը ձրգտէր համոզել թէ Քիւրտ Եմլիկը այդ տունէն աւելի չէն ու ընդարձակ տուն մը չունէր: Հետեւաբար զայն տեսնելէ վերջ այլեւս հեշտ էր հաւատալ թէ իրապէս հոն կը բնակէր ազդեցիկ աղա մը:

Երկու ծառաներ արտաքին դուռը բացին, մէկը ներս հրամցուց մեզ, իսկ միւսը անմիջապէս անկիւնը շղթայուած հսկայ շուն մը զսպեց և անոր հաջելը դադրեցուց:

Տան բակին մէջ հանրմս ձիէն վար իջաւ, ընկերացաւ

զինք զիմաւորող տիկնոջ մը, որ չգիտցայ թէ ով էր և բարձրացաւ հարէմնոցը տանող քարէ սանդուխէն վեր:

Ծառաներէն մէկը հանրմիս ձին ախոռ քաշեց, միւսն ալ շունը թողուց և Պէքոչին օգնեց՝ ինծի հետ անոր իշունը բեռը վար առնելու: Ու երբ բեռը անկիւն մը տեղաւորեցինք և մեզ օգնող ծառան իշունը գլուխը դէպի ախոռ դարձուց, տեսայ որ հարէմնոցէն վար իջաւ նիհար դէմքով, սրածայր քիթով եւ մանր աչքերով երիտասարդ մը:

Անիկա իր գլուխը դրած ունէր ասեղնագործուած զըղակ մը, որուն վրայ փաթթած էր ճոխ ուլունքներով զարդարուած գոյնզգոյն չիթեր, որոնց մէկ ծայրը կը կախուէր աջ կողմէն վար՝ հասնելով մինչեւ ուսը: Մետաքսէ ծիրանեգոյն շապիկի մը վրայ հագած էր նաչխուն բանուածքներով հարստացած բաճկոն մը, որուն ազատ փէշերը հովանի կ'ընէին իր բարակ մէջքին, ուր փաթթուած վայելուչ գօտիի մը վրայ կապած էր փոքրիկ ատրճանակ մը և անոր քով կը փայլեցնէր կեռ դանակի մը սաստիկ կոթն ու արծաթազօծ պահարանը:

Այդ երիտասարդը, որ անտարակոյս տան զաւակն էր, համակրելի կեցուածքով մը մօտեցաւ մեզի, փպտուն դէմք մը ներկայացուց, վայելուչ բարեւ մը տուաւ թէ՛ Պէքոչին, թէ՛ ինծի և առաջնորդեց մեզ հարէմնոցին ձախ կողմը բարձրացող ուրիշ աստիճանէ մը, որ հիւրանոց կը տանէր:

Պէքոչը Քիւրտ Եմլիկցի էր, շատ լաւ կը ճանչնար այդ տունը և մեզ առաջնորդող երիտասարդը, որ Սլօ պէյ կը կոչուէր: Սլօ պէյին հայրը սովորական աղքատ քիւրտ մը ծնած էր, սակայն, վերջէն կատարած իր ձարպիկ խաղերուն և անգութ վերաբերումներուն շնորհիւ, աւագակային կեանքէն աղայական վիճակին էր հասեր, անորոշ ու անկարեւոր կարգէն որոշ ու ազդեցիկ դիրքին էր բարձրացեր, այնպէս որ տեսած էր օր մը թէ այլեւս ոչ ոք կրնայ իր հրամանէն դուրս ելլել Քիւրտ Եմլիկի մէջ:

Պէքոչը իր բերանը բացեր էր ու որքան ցած ձայնով այնքան խոր ախորժակով կը պատմէր ինծի այդ տան մա-

սին ինչ որ գիտէր: Անիկա, անշուշտ տեսնելով որ դեռ վարանումներու նշաններ ցոյց կու տամ, կը ջանար ապահով տան մը մէջ գտնուելնիս զգացնել ինծի: Այսպէս կ'ուզէի հասկնալ իր նպատակը իր պատմելու եղանակէն: Պէքոչ դեռ կը շարունակէր պատմել, երբ մենք մտանք հիւրանոցին արտաքին սենեակը:

Սենեակին աջ անկիւնը գունազեղ բազմոցի մը վրայ գեղազարդ բարձ մը կար: Սլօ պէյ տեղ առաւ հոն ու կըրթնեցաւ բարձին: Անոր մօտ համարձակ շարժումներով նըստաւ Պէքոչը: Ես ալ ուզեցի վարանումի ոնէէ նշան ցոյց չտալ: Մօտեցայ միւլենոյն կարգի բազմոցին վարի ծայրը, և սակայն, նստելէ առաջ նախ մէկ անգամ նայեցայ ոտքերուս, որոնց քերթուածքներէն դուրս եկող արիւնը դեռ չէր դադարեր հոսելէ:

Սլօ պէյ հետեւեցաւ ինծի, ինքն ալ տեսաւ արիւնը ոտքերուս և սկսաւ չար նայուածքով մը քննել զիս վերէն վար:

Կէս շապիկի և կտրտած վարաիքի մը մէջ իմ երեւոյթըս ինքնին արդէն չափազանց խեղճ էր: Անոր ախոր գիծերը աւելցնող ոտքերուս անտէրութիւնը բացարձակ լըքուած ընդհանուր վիճակ մը կը յայտարարէր:

Հայու, անարդուած ու ապրելու անարժան համարուած Հայու զաւակ մըն էի:

Ինծի թուեցաւ թէ Սլօ պէյ իմ Հայ ըլլալս հասկնալէ յետոյ զանազան դատումներ կ'ընէր մտովին: Անիկա անշուշտ երբ կը տեսնէր իմ ողբալի կացութիւնս, չէր ուզեր հաւատալ թէ իմ կեանքս նկատելի նշանակութիւն մը ունի տիրուհիիս քով: Եւ ատոր համար, հակառակ քիչ առաջ ցոյց տուած իր քիչ շատ համակրական վարմունքին՝ սրտին մէջ պահած գազանը ցոյց տուաւ շնամիջապէս:

— Այս կեանքի ձագը ո՞ր տեղացի է, Պէքոչ:

— Ծովեցի է:

— Ծովեցի՞... զարմանալի բան. մեր բարեկամ հանրմիսն կը ծառայէ այս լակոտը:

— Այո՛, և լաւ կը ծառայէ:

— Բայց ի՞նչպէս եղեր է որ ազատուեր է, և ի՞նչպէ՞ս պաշտպանուած է՝ մինչև հիմա ողջ մնալու համար:

— Իր հանրմը ուէ յանձնարարութիւն չըրա՞ւ ձեզի: Չյայտնե՞ց թէ ինքը շատ պէտք ունի իր այս ծառային ու կը սիրէ զայն:

— Ի՞նչ կ'ըսես, Պէքոչ, այն որ Ծովեցի է՝ ի՞նչպէս կարելի կ'ըլլայ ողջ պահել: Ծովեցի չէի՞ն այն խումբ մը քեանքիները, որոնք ամիսներով կղզին ապաստանեցան և այնքան ասպատակութիւններ կատարեցին շրջակայ գիւղերուն վրայ: Անոնք չէի՞ն որ մեր կառավարութեան գինուորներուն դիմադրեցին քանի հեղ, և վերջին պահուն ալ մէկ երկու ոստիկան սպաննելէ զատ՝ գէշ կերպով մեղացուն մեր ամէնուս սիրելի Մահմէտ աղան: (*)

Պէքոչ լռեց, մինչ Սլօ պէյ չղաղարեցաւ: Այս անգամ ինծի դարձաւ, պիչ պիչ նայեցաւ և հարցուց.

— Ինչո՞ւ կը դողաս, կեավուրի ձագ: Կը վախնա՞ս այս տան մէջ:

Աչքերս ցամքած էին թէ ուռած: Չեմ գիտեր: Բայց գիտեմ որ անոնք Սլօ պէյին նայելու կարկամեցան և ինկան կախուեցան մզմզացող ոտքերուս վրայ:

— Պէյ իմ, անիկա նոր չէ որ կը դողայ: Իր այդ դո-

(*) Ակնարկուած Մահմէտ աղան Նաւթասարի բոլոր Գիւրսերուն պէտն եր ուրագործութեան մէջ մեծագոյն հրեաներէն մէկը կը նախնուէր: Անիկա որոշած եր Ծովեցի մէկ օտարեկան երախայ մը իսկ ողջ չըրողը: Եւ այս որոշման աշխատանքին մէջ ալ՝ երբ մասնակցեցաւ Ս. Նեան կղզին գրաւելու յաջողուած բանակին, արժանաւոր կերպով սպաննուեցաւ հոն ապաստանող Ծովեցի քաջերէն մէկուն կողմէ:

Մանրամասնութիւնները այս մասին կարդալ «Ծովի — Կեօլնիւկ» անուն գրքիս Բ. մասին մէջ:

ղէն բռնուեցաւ կէս ժամ առաջ, երբ վարը դիակներու բազմութեան մը մօտէն կ'անցնէինք:

Պէքոչն էր որ Սլօ պէյին ժանիքը ցցուած տեսնելով, նորէն սիրտ հաւաքեր էր և կը պատասխանէր: Կը հասկնայի որ ինչ ձեւով ալ խօսէր Պէքոչ, իր միտքով գէշ չէր այլեւս: Անիկա ի սրտանց կ'ուզէր իմ կեանքը ազատելու ճիգ մը կատարել:

Սլօ պէյ, անձոռնի խնդուք մը բարձրացնելով, աչքերը մուկի աչքերու պէս նեղցուց և քիթն ու բերանը տգեղ գիշակերի մը պոստուած դիմագիծը դարձուց:

— Այո՛, ճիշտ է որ կեավուրը մեծ թէ պզտիկ՝ միշտ կեավուր է: Անիկա երբ իրեններէն մէկուն դիակը տեսնէ, հոտ կ'առնէ, կը բարկանայ, կը նեղանայ, կը տխրի, կը դողայ, կամ աւելի ճիշտը՝ ա՛խ կը քայէ ու վրէժ լուծելու միջոց մը չգտնելուն համար ինքզինքը կ'ուռէ: Այնպէս չէ՞, Պէքոչ:

— Թերեւս...

— Այո՛, այո՛, ինչ որ կ'ըսեմ, վստահ եղիր թէ ճիշտ է և անա ասոր դողն ալ այդ կը հաստատէ: Ես գիտեմ թէ աշխարհ ո՛ր կողմի վրայ ալ դառնայ, հայերը այլեւս թըշուառականներ են միշտ, որոնց կաթնկերին անգամ պէտք չէ գթալ, պէտք չէ խնայել:

— Բայց ներողութիւն, հազար ներողութիւն, պէյ իմ, անիկա արդէն շատոնց իսլամ եղած է և ազատած է կեավուրի պէս մտածելէ: Իր կրօնական նոր հաւատքին մէջ ցոյց տուած ջերմեանդ սրտովն է որ իր հանրմին շատ սիրելի է դարձեր:

— Այն որ սատկած կեավուր մը տեսնելով այս աստիճան կը տխրի ու դող կ'ելլէ, այնքան ալ դիւրին չէ հաւատալ թէ իսլամ եղած է: Այս անշնորհ խրնգըրը կը կեղծէ անշուշտ: Եւ ինծի համար շատ զարմանալի պարագայ մը կը թուի եթէ իսկապէս իր հանրմը կը հաւատայ թէ ասիկա սրտով իսլամ եղած է:

— Զարմանալու չէ, պէյ իմ, քանի որ անոր շնորհ-

քին կարգ մը գիծերը ամէն տեղ գտնուած է հանրմս ու կը գտնուէ։ Ան որ այդքան ընտիր իսլամուհի մըն է, չեմ կարծեր թէ իր ծառային կեղծիքները չկարողանայ գիտնալ, և կամ զանոնք գիտնալով ջանայ պարտկել։ Ասոր հետ մէկտեղ, ինչ որ ես ալ գիտեմ ու չեմ կրնար ուրանալ, ճշմարիտ է որ այս ծառան ճարպիկ ծառայ մը կոչուելու և աշխատանքներէ բնաւ չյոգնելու արժանիքն ունի։ Հանրմ էֆէնտիին ամուսինը և երեք զաւակները մեռնելէն վերջ՝ տունը շարժման մէջ պահողն ու այր մարդու ամէն կարգի գործ կատարողը այս ծառան է։

Նորէն անմեղութիւն մը պաշտպանող շնորհքը ծաղրելու վատ խնդուք մը փրցուց Սլօ պէյ։ Նորէն իր նիհար դէմքին վրայ մանր աչքերը սեղմեց և քիթն ու բերանը նեղ թուշին հետ շնագայլի դունչ դարձուց։

— Կը հաւատամ, ատոր ալ կը հաւատամ։ Շատ ճիշտ է որ այս շունքը աշխատելէ բնաւ չեն յոգնիր, բայց մտքերնին ալ դիւրաւ չեն փոխեր և վաստակնին հարամ կը դարձնեն։ Ասոր համար է որ ըսուած ու գրուած է թէ՛ բոլոր կեավուրները սատկեցնելու գործը ո՛չ միայն մեծ հաճոյք մըն է, այլ և թէ՛ այս աշխարհի վրայ, թէ՛ հանդերձեալին մէջ վարձատրուելու արժանի աշխատանք մըն է։

Պէքոշ զգաց որ իր աէրը նորէն կատաղութեան նշաններ ցոյց կու տայ, և ատոր համար լռեց վերստին։

Սլօ պէյ, Հայու մսի կարօտ իր մոլորութիւնները շարունակելու տեղ՝ վիզը երկարեց, գլուխը շարժեց քանի մը անգամ և աչքերը կարմրելու աստիճան խորնեց։

Չգիտցայ թէ կը ժպտէ՞ր, թէ ոչ կատաղութիւնը կ'աւելցնէր իր անձայն արտայայտութիւններով։

Քիչ մը ևս լռութիւն տիրեց, բայց հանդարտութիւն մը չգոյացաւ, խաղաղութիւնը աւելի նիհարցաւ։

.

— Է՛հ, Պէքոշ, հասկնանք, այս նոր սուտ իսլամին անունը ի՞նչ է, հարցուց վերջապէս։

— Ճէմա՛լ։

— Կ'երեւի թէ շատ բախտաւոր է, քանի որ ինքը աղուոր չեղած տակաւին՝ աղուոր անունի մը տիրացած է։

Մաղրելու յատուկ կոպիտ խնդուքը տակաւին ամբողջովին չէր անհետացուցած իր բարակ շրթունքներուն վրայ. դարձաւ ուղղակի ինծի այս անգամ։

— Լօ՛, ճէմալ, իրա՞ւ է թէ դուն ի սրտանց իսլամ ես դարձեր։ Շիտակը շատ իմ խելքիս չի հասնիր այս բանը. սակայն ի՛նչ ալ ըլլայ, գիտցիր որ եթէ մինակդ ձեռքս հասնէիր, այս գիշեր լաւ ուրախութիւն մը կար մեզ համար։ Բայց հիմա, քանի որ մեր մօտիկ բարեկամ հանրմ էֆէնտիին ծառան ես ու անոր հետ մեր տունը եկած ես, վախնալու պէտք չունիս երբեք։ Դուն իմ գլխուս ու երեսիս վրայ տեղ ունիս այս տան մէջ։

Ու նորէն նոյն յիմարի խնդուքը բարձրացուց։

Յետոյ ան դարձաւ պատուհանը, իր մէկ ծառան կանչեց, շորի մաքուր կտոր մը ուղեց ոտքերուս վէրքերը կապելու համար։

Տրամադրութիւնները փոխուեցան քիչ մը։

Թեթե հանդարտութեան պահէն օգտուած՝ Պէքոշ նոր հարց ըրաւ, Սլօ պէյին հայրը տեսնելու զօրաւոր բաղձանք մը յայտնեց։ Մեծ պէյը սակայն բացակայ էր տունէն, ան գացած էր հեռու գիւղ մը անձնական գործով և յայտնի չէր թէ քանի օրէն պիտի վերադառնար։

Սլօ պէյին տուած տեղեկութեան վրայ Պէքոշ ցաւ յայտնեց և ինքզինքը դժբախտ սեպեց, որ անձամբ չէր կրնար իր յարգանքները մատուցանել այս այցելութեան առթիւ։

Նոյն րոպէին դուռը բացուեցաւ, ծառաներէն մէկն էր որ ներս մտաւ, շորի կտոր մը բերաւ։

— Փիլս (աղտոտ) կեավուր, այս տղեկն ալ քու ազգէդ է, իսլամ է դարձեր հիմա, բայց ի սրտանց չդառնալուն

համար, ոտքերն է արիւններ ու վախի մէջ է ընկեր: Լաւ մը կապէ՛ անոր վիրաւորուած տեղերը, որպէսզի արիւնը դադրի և վախն ալ անցնի:

Երեսուներ անցած տարիքի մէջ երեւցող ծառան, որ միջահասակ կազմ մը ունէր, պատրաստուեցաւ կատարել իր տիրոջ հրամանը: Սուկայն ես չթոյլատրեցի, աչքերով հարցում մը ընելու չափ սուր նայուածք մը նետեցի և յետոյ շնորհակալութեան խոնարհումով խնդրեցի որ բերած շորը ինձի սայ:

Սլօ պէյ նոր հրաման մը խառնեց իր բերնին մէջ: Ես բան մը չհասկցայ, բայց ծառան հասկցաւ, ատոր համար իմ խնդրանքիս դէմ կենալու նոյնիսկ տարրական փորձ մը չկատարեց, շորը ինձի յանձնեց ու դուրս ելաւ փութով:

Ես պատուեցի զայն, երկու մասի բաժնեցի և ոտքերս փաթթելու սկսայ:

Պէքոչը ձեռք երկարեց, օգնեց ինձի ու յետոյ, երբ ոտքերս կապելու գործը լրացաւ, դուրս ելաւ Սլօ պէյին հետ միասին:

Պէքոչը իր տունը գնաց, Սլօ պէյն ալ հարէմնոցը անցաւ: Հապա ծառա՞ն... ո՞վ էր այդ մարդը, որ իմ ազգէս կը կոչուէր, ո՞ր տեղացի էր և ո՞ւսկից ուր ազատուած էր այդքան չափահաս տարիքի մէջ:

Մարմնոյս ամբողջական դողը հազիւ թէ քիչ մը մարած էր, ուղեղի դող մը կը ծնէր հիմա: Մտածումներուս առանցքը ինքն իր վրայ կը թաւալէր կարծես: Բազմազան խորհուրդներ, նոր թէ հին, սկսան գալ ու անցնիլ որքան նոսր այնքան արագ և ուժգին:

* * *

Կը յիշեմ թէ վերջիններու մեկնումէն քիչ յետոյ՝ կեպովուր կոչուած ծառան նորէն եկաւ, վառուած ճրագ մը բերաւ, տեղաւորեց զայն բարձր ճրագտեղի մը վրայ, յետոյ նախկին ճրագն առաւ և լոկ նայուածք մը նետելով դուրս գնաց:

Աչքերս իրենց յոգնութեան մէջ ճիգ մը ըրին, հետեւեցան անոր մինչև դուռը, ապա դարձան պատուհանը ու նայեցան վար, մինչեւ որ կորուսին զայն բակին մէկ անկիւնը:

Դարձեալ մինակ մնացի:

Դարձեալ խորհուրդ մը ծայր սուաւ, որ կարծեցի թէ ուռեցաւ ու պայթեցաւ գանկիս մէջ: Ուրիշ մը յայտնուեցաւ, ան ալ նուաղելով ինկաւ, մարեցաւ սրտիս վրայ: Երրորդ մը գոյացաւ և ան ալ բարձրանալով հով մը եղաւ ու անցաւ:

Չարչարուած սրտի եւ յոգնած մտքի երկունքին մէջ հետզհետէ ես զգացի կարօտ մը՝ որ գերագոյն սէր մըն էր և գալարուհիներով փրփուր կը դառնար: Կուրծքս կը թափոտար, արիւն մը երակներէս ներս կը խուժէր և սրտիս սեմին զարնուելով եւս առաւել կը զօրացնէր այդ փըրփուրը:

Լեռներու ազատութեան նուիրուած եղնիկները իրենց ուժգին վազքերով և սրտաբաց մագլցումներով զիրար կը քաջալերեն ու ամենադժուարին սրահետներէն կը սլանան հովի պէս: Անոնք կ'երթան երջանկանալ լեռներու ազատութեան մէջ և պարարտանալ բարձունքներու սրբութեան մէջ: Որովհետեւ անմատչելի կատարները զանոնք գրկելու բաց թեւեր ունին միշտ: Իսկ մեր լեռները փուլ էին եկեր իրենց զազաթներով և ամէն ազատութիւն, ամէն սրբութիւն նահատակուեր էր հրէջներու ճանկերով:

Անմեղութիւնը դժոխք չի ճանչնար: Անիկա արդարութեան երգիչն է և մինչեւ երկինքը հասնելու թեւեր ունի: Մենք ալ անմեղներ էինք, բայց մեր երկինքը կործաներ էր մեր գլխուն վրայ, և ա՛լ աստղ մը չկար որ առաջնորդ ըլլար ու Աստուած մը չկար որ մեզի նոր երկինք մը ըստեղծելու օգնութեան հասնէր:

Այդ երթեւեկող ծառան իսկապէս Հա՞յ մըն էր, թէ ոչ Սլօ պէյ իր գազան սրտի հեղնական մէկ մոլորուքն էր որ արձակեց:

Քիւրտ Եմլիկ, երես մը այս աշխարհի դժոխքին, ուր բնակող մարդիկ մարդ են կազմով, դիմագծերով և ամէն երեւոյթներով, բայց մարդ չեն զգացումներով և մտածումներով: Այո՛, ուրիշ միաք կայ անոնց ներսիղին, որ կը մղէ զիրենք բարի գործ չընել, բարի բան չմտածել:

Ոչ ոք ճանչցած պիտի ըլլար այս աշխարհի վրայ սարսափելի դժոխք մը և անոր հակառակ երանաւէտ արքայութիւնը, եթէ ժամանակը իր յարաշարժ ընթացքին մէջ կարող չըլլար դուրս բերելու և սարգելու մարդոց ներքին կեանքը, հոն աճող զգացումներու հարազատ պատկերները:

Ճշմարիտ իրողութիւններու մէջ է որ ամէն օր մենք կը տեսնենք թէ ի՞նչպիսի գեղեցիկ դիմակներ կան, որոնք վար կ'իյնան այլեւայլ պարագաներու ազդեցութեան տակ և երեւան կ'ելլեն արտասովոր կերպով նողկալի տգեղութիւններ, այդ ստուերին ետե կեցած ու զորացած:

Անմեղութիւնը չարերուն համար խաբէութեան դիմակ մըն է, որուն ետե զաւաճանութեան անոնցի զգացումները թե կ'առնեն օր մը գործի լծուելու:

Սլօ պէյն ալ իր մարդկային կերպարանքով, արտաքինապէս, որքան որ մէկ երկու տգեղութիւններ ունէր, գեղեցիկ էր նորէն: Իր կազմին ու շարժումներին վայելչութեան շուքը աւելի ճոխացած էր իր հագուստով ու կապուստով: Սակայն ներքին կեանքը, անհատական արժէքին իրական կողմը, իսկական կեցումը՝ բոլորովին հակառակն էր: Անոր ներսիղին ամբարիշտ զգացումներու տափաստան մըն էր, ուր ամէն ցանկութիւն, ամէն բաղձանք՝ չքեզ ու առինքնող հովուերգութիւն մը կամ դիւցազներգութիւն մը զառնալու տեղ՝ աւերումի, կատաղութեան եւ ուրիշները դժբախտացնելու ձգտումներով կը բարձրանար, գեղեցկութեան դաւող եւ անոր լոյսը սպաննող շարութեան գանազան գոյներով կը ներկայանար:

«Եթէ մինակդ ձեռքս հասնէիր, լաւ ուրախութիւն մը կ'ընէինք այս գիշեր», ըսաւ ինձի քիչ առաջ: Այդ խօսքը՝ Սլօ պէյին ներքին մարդէն, անոր խաթարուած հոգիին

իրական ու բնական ցանկութիւններուն մէկ հարազատ արտայայտութիւնն էր անտարակոյս: Եւ ինք մինակ չէր այդ մարդին վրայ, Քիւրտ Եմլիկցիներէն և ոչ մէկը կ'ուզէր բարի բան մտածել: Անոնք հին Սողոմի բնակիչներուն չարութիւնները գլած ու անցած էին արդէն ճիշտ այն ատեն, երբ աշխարհի ամէնէն նուրբ ու քնքուշ հրաշալիքներն եղող երախաները իրենց մայրերուն ձեռքէն կը քաշէին, քարերուն կը զարնէին կամ կարծր գետինը կը չափէին և անոնց այս ձեւով մահացման վրայ կը զուարճանային:

Այս կարգի ոճրագործներով լեցուն վայրի մը մէջ ի՞նչպէս եղած է որ դեռ այսքան չափահաս Հայ մը ողջ կը մնայ ու կ'ապրի:

Հաւատալը շատ դժուար է:

Հիմա մոռցած էի ամէն դող, ամէն սարսուռ: Անօթութեան տաքնապը ստքերուս մզմզուկներուն հետ կը չըքանայ կարծես: Անոնց տեղ, նոր, բոլորովին նոր ու անհամբեր մտածում մը պաշարած է գէս, որ յարաճուն ելեւէջ ունի և վճիռի մը չի յանգիր բնաւ:

Եթէ իրօք Հայ մըն էր Սլօ պէյին «կեավուր» կոչած ծառան, ի՞նչպէս կրցաւ մինչեւ հիմա համբերել առանց ունէ նշան մը ցոյց տալու: Իսկ եթէ Հայ չէր, ինչո՞ւ «կեավուր» կոչուեցաւ, քանի որ այդ օրերուն մասնաւորապէս, ամէն թուրք, Քիւրտ, Սղուպաշ ու Եգիպտի իսլամ ներկայանալու և զիրար իսլամական հաւատքով եղբայր կոչելու սովորութիւնը ծայր աստիճան մոլեռանդութեան մը հասցուցած էին, և մահացու մեղք մը գործած կը սեպուէր, եթէ ունէ մէկը փճացուելու արժանի պիղծ կեավուրի մը անուսով կանչէր իր իսլամ կրօնի եղբայրը:

Այդ չէր մինակ: Դեռ ուրիշ պարագայ մըն ալ կար, որ Սլօ պէյի անձին հետ կը կապուէր: Անիկա, եթէ յիշեալ մեղքն ալ նկատի չառնէր, սնափառ երիտասարդ մըն էր իր հպարտ դիրքին մէջ, ուր ինքզինքին անշուշտ թոյլ պիտի չտար «կեավուր» կոչելու իր ծառան: Ու ասոր հետ մէկտեղ, այս վերջինն ալ այդ աստիճան լուռ մնալու համ-

բերութիւնը երբեք պիտի չունենար, եթէ իրապէս ամէն անարգանքի առջեւ խոնարհելու ստիպուող Հայ մը չըլլար: Սակայն, ինչո՞ւ չխօսեցաւ ինծի հետ: Ինչո՞ւ բան մը չըսաւ գոնէ վերջին անգամ, նոր ճրագ մը բերելու ասին, ուր ես և ինք առանձին էինք:

Ինչո՞ւ իմ անհամբերութիւնս սրտի սեւէ նշանով չղիմաւորեց:

* *

Թախծոտ պահերու մէջ ես անձկանօք սպասեցի յիշեալ ծառային դարձը տեսնել:

Սիրտս տրտմութիւն կը մաղէր, ճակատս կը յոգնէր և մարմնող աչքերս ի զուր մխիթարութեան յոյս մը կ'որոնէին մուլմուլացող ճրագի լոյսին մէջ:

Նախորդին տեղ միւս ծառան եկաւ: Երկու հացի հետ երկու աման լեցուն կերակուր բերաւ, տեղաւորեց առջեւս փայտէ ցած սեղանի մը վրայ և սովորական հիւրասիրութեան փաղաքշանքով մը հրամցուց որ ուտեմ:

Ինքը տակաւին դուրս չելած, ես վերցուցի դգալը և սկսայ ուտել: Հիմա անկուշտ եմ, կը շարունակեմ ուտել անյագաբար, կուլ կու տամ կերակուրը հացի խոշոր պատաներու հետ՝ հազիւ մէկ երկու անգամ ծամելով:

Նախապէս խորհեցայ թէ կերակուրը ամբողջ հացին հետ ուտելով՝ տակաւին անօթութիւնս պիտի չլինջանայ, բայց երբ տասներորդ պատանին հասայ, կոկորդս գոցուեցաւ, ու ա՛լ չկրցայ շարունակել ուտել: Պատճա՞ռը Այդ կիանուքին ենթակայ եղողը գիտէ միայն. ան գիտէ միայն թէ տրտմութիւնը ի՞նչ ահաւոր ելեւէջներ ունի և ի՞նչպէս կը ծանրացնէ մարդու գանկը, կը ճնշէ ջղային դրութիւնը, կը կծկէ ստամոքսը ու կը փակէ ախորժակի ամէն ճամբայ:

Կարօտի անօթութիւն մը կը մեծնար ներսս և յաղթական կը դառնար: Ան էր որ նորէն զիս անմխիթար կը դարձնէր, վիշտերս կ'աւելցնէր, կամքս կը փլցնէր հիմնայատակ:

Ծանր հառաչանք մը լռութեան մէջ կը մորմոքէր: Ա՛խ, երանի՛ թէ անգամ մըն ալ Հայ կոչուած այդ ծառան գար իմ մօտս, հարցում մը ընէի իրեն, պատասխան տար և խափանէր վիշտերուս վերելքի ճամբան:

Այդ փափաքս այս անգամ ալ չկատարուեցաւ: Նորէն Բիւրտ ծառան եկաւ, կոշտ թուրքերէնով հարցում ըրաւ կերակուրը քիչ ուտելուս մասին: Պատասխան չտուի, ինքն ալ առանց երկրորդելու, վերցուց ամաններն ու գնաց:

* *

Հազիւ Բիւրտ ծառան դուրս ելած էր, Սլօ պէյ ներս մտաւ նոր ու հսկայ Բիւրտի մը հետ: Անոնք ժիր մը նայեցան ինծի, աչքերնին արիւնտեցին ու սկսան քիւրսերէն խօսիլ իրարու հետ ոտքի վրայ:

Բիւրտերէն չէի գիտեր, բայց անցողակի կը հասկնայի որ անոնք «Ֆլայի ձագ» կը կոչէին զիս և ուրիշ «Ֆլայ» է մըն ալ ակնարկներ ընելով կը հրճուէին:

Գրեթէ հինգ վայրկեանի չափ անոնք նայեցան, խօսեցան, զլուխնին երեքուցին ու ելան գացին:

Սլօ պէյ ինչո՞ւ այդ գծով մաղերով ու բոլորովին մութ գոյնով հսկայ Բիւրտը բերած էր: Ինչո՞ւ անոր յայտնած էր իմ Հայ ըլլաս: Ի՞նչ կ'ընէին անոնք իմ մասին: Ո՞վ էր այս միւս «Ֆլայ»ն: Զիս սպաննելու քծրագի՞ր կը կազմէին, թէ ոչ ինձ անծանօթ Հայը մեռցնելու սրոշումով կը զուարճանային:

Այն սկզբունքները որ մարդկային քաղաքակրթութեան աչքին բարի կը նկատուին, ոճրագործութեան սիրահարներուն քով նշանակութիւն չունին: Ոճրագործին զգացումը հեգնութիւնն է մարդկութիւնը սիրող գիտութեան և անոր բարեբարութիւնը յառաջաւորող քաղաքակրթութեան, Ոճրագործին խիղճը քանդումի և աւերումի հաճոյքէն արբեցող յիմարութիւնն է, գեղեցկութիւնը պղծելու սիրահար ազիտութիւնն է:

Քիւրտ Եմլիկի ոճրագործները աշխարհի վրայ անտարակոյս գերազանցութիւն մը ունին: Անոնք իրենց անզբ-թութիւնները գործադրելու մօլեգնութեան մէջ ամէն կարգի բարեկամական կապեր ալ ոտքի տակ կ'առնեն ու առնելու միշտ պատրաստ են:

Սլօ պէյ քիչ առաջ կ'ապահովցնէր իմ կեանքս, «զըլ-խուս և երեսիս վրայ տեղ ունիս» կ'ըսէր, ու հիմա ալ կըր-նայ ետ դառնալ իր ըսածէն, կրնայ դրժել իր խստումը, կրնայ արհամարհել հանրմիտ հանդէպ իր ունեցած բարեկամութիւնը, կրնայ պաշտպանել զայն վերաւորդ սեւէ տեսութիւն զիս սպաննելու գործին մէջ:

Աս ալ հաճոյք մըն էր: Հաճոյք մը պիտի զգար նաեւ վաղը առաւօտ, երբ հանրմտ զիս փնտոէր և ինքն ալ ստիպուէր քանի մը առարկութիւններ ընել:

Նոր ցնցում մը կը զգամ, «կեալուր» կոչուող ծառան կը յիշեմ: Կը վախնամ թէ ան պիտի տանին ջարդի, որուն հետ գոնէ մէկ անգամ խօսելու սուրազը փորս մնաց:

Դող մը կը փակի ոսկորներուս: Կափկափում մը կը բռնէ երեւակայութիւնս: Դէպի մահ կ'երթան:

Նստած սենեակիս պատուհանէն կ'երեւի հարէմնոցի սանդուխին մէկ մասը: Կը նայիմ հոն, մինչեւ որ բակին ճրագը տխոտ կ'անցնի եւ լոյսերը կը քաշուին: Խաւարին մէջ ձայն մը կ'ուզեմ բարձրացնել, բայց չեմ կրնար: Խռչափողիս մէջ իրարանցում մը կայ: Զիղերը կը խլրտին ձայն մը գոյացնելու, բայց հեւքը աւելի զօրաւոր է, կը պլլուի շեշտերուն ու կը խեղդէ զանոնք կոկորդիս մէջ:

Դուք կը ճանչնա՞ք չարչարանքներու խորութեան մէջ մահն իր մօտ տեսնող տղու մը ոգեւորութիւնը: Անոր մէջ ապրելու զգացումները կը թմրին, երեւակայելու կարողութիւնները կը նուազին, տեսութիւնները կը կարճան, սակայն հոգին դեռ ուժ ունի, դեռ կ'ուզէ յանդուգն ըլլալ ու կը մղուի ապրելու քաղցր ցանկութիւնն ունենալ: Այո՛, անոր մէջ մահուան վախը կը սեղմէ ձայնի ջիղերը, կը ջարդէ անոնց շեշտերը, համր կը դարձնէ, բայց մղմուկն ան-

զամ ելելէջ ունի դեռ՝ բողոքի ցոյց մը կատարելու, օգնութեան հաւար մը կանչելու զինք սպաննել ուղող չարագործներուն դէմ:

Գլուխս ամբողջովին դուրս հանած եմ պատուհանէն և կը նայիմ տան բակը՝ պաղ ու անթարթ:

Մութին մէջ լոյս մը կը շողայ: Ծրագով մէկը հասաւ պատուհանիս առջեւ, զիս տեսաւ և հետաքրքրուեցաւ: Զայն չունիմ, բայց նայուածք ունիմ:

Հոն՝ ուր որ ձայնը խեղդուած ու հատած է, նայուածքը չատ բան կը յայտնէ:



Այն որ իր ցեղին արիւնը կը տեսնէ ու անոր սրբութեան
նաւասարիմ կը մնայ, անվեհեր մըն է:

• • • • •

Հայ նահասակութեան ձայնը չի փլչիր եւ ոչ ալ կը յաղ-
թուի, այնքան ասեմ որ զայն նեմարտութեան սեղանին վը-
րայ բարձր պահող անվեհերներ կան:

ՀԱՅՈՒ ԽՕՍԳ

(Նահասակութեան նամբուն վրայ)

Դ. ԳԼՈՒԽ

ԶԱՐՀՈՒՐԱԾ ՄԱՐԴՈՒՆ ՊԱՏՄՈՒԹԻՒՆԸ

Զիս տեսնողը Գիւրտ ծառան էր:

Անիկա նայեցաւ ինծի և ծիծաղեցաւ թեթեւ կերպով:
Զեռքի ճրագը մղտեց, անոր լոյսը բարձրացուց ու նորէն
նայեցաւ ինծի, նորէն ծիծաղեցաւ, եւ այս անգամ քիչ մը
աւելի ուժով, քիչ մը աւելի երկար:

Ի՞նչ իմաստ ունէր տգէտ Գիւրտի այս ծիծաղը, բան
մը չհասկցայ բնաւ, բայց ըմբռնեցի որ անիկա վերջապէս
զգածուեցաւ շուարուսներէս, ու տրամութիւնս դիմաւորե-
լու ձգտում մը ըրաւ:

— Ոեւէ բանի պէտք ունի՞ս՝ լո՛ւ:

Իր թուրքերէն լեզուն կոշտ խառնակում մըն էր
քիւրտերէնի հետ, սակայն թուեցաւ թէ հարցումին եղա-
նակը մեղմ էր, սրտագին էր, որուն պատասխանելու տեղ
յոզնութեան գլուխ մը երեքցուցի, կախուած աչքերու ետեւ
խոչափող գալարող ու կոկորդ քերող նոր հառաչանք մը ար-
ձակեցի:

— Մի նակութեանէ՞ն կը նեղուիս, թէ ոչ մասնաւոր
ցաւ մը ունիս:

Անհամբերութեան տագնապ մը ունիմ, պաշարման նոր
վիճակ մը: Հանրմս կ'ուզեմ տեսնել: Կ'ուզեմ լսել զայն ա-
ռանց հարցումի, կ'ուզեմ իմանալ անոր մտածման եղանակը
իմ մասին, կ'ուզեմ որ յայտնութիւնը գայ, իմաց սայ տի-

ըող բաղձանքի մասին: Կ'ուզեմ գիտնալ թէ զիս պաշտպանող քաջութիւնը կը պահուի՞ դեռ, հանրմիտ քով ան անձով ունի, թէ ոչ անճրկումին կ'երթայ դեւերու այս անցքին վրայ, անոնց չունչէն ծանրացած այս չար տան մէջ:

Մտածում մը ունիմ որ ուժէս վեր է, եւ որուն անաւորութիւնը չի չափուիր: Ներքնաշխարհս տեսք չունի, անոր հաւատքի մտայլ հրապարակին վրայ սրտակոչ աղաղակ մը կը չարչարուի, դուրս գալ կ'ուզէ, բայց իր փորձին մէջ չի յաջողիր, քիմքերուս կը զարնուի, կ'իյնայ թանձրացած լորձուքներուս մէջ ու կը խեղդուի: Կ'ուզեմ աղատիլ, բայց ինչով, լեզու մը ունիմ, աւա՛ղ, կը ծալլուի ու կը մեռնի ինքն իր վրայ:

— Լօ՛, լօ՛, ինչո՞ւ չես խօսիր, ինչո՞ւ չես պատասխաներ: Կը վախնա՞ս, թէ ոչ ձայն չունիս:

Ան որ մահուան սարսափէն պաշարուեր է, վախը չի հասկնար:

Ծառան ա՛լ նոր հարցում չըրաւ: Անիկա ետ դարձաւ, արագ քայլերով գնաց, բարձրացաւ հարէմնոցի սանդուխներէն վեր, իսկ ես աղաչանքի կոչ մը գալարեցի ներսիդէս, ու ինկայ մաշած աղօթքի մը ստուերին տակ:

— Տո՛ւր, Աստուած, որ վաղուան լուսաբացն ալ տեսնեմ այս դժոխքի դրան առջեւ:

* * *

Ծառան հարէմնոց մտաւ: Միջոցը կը խորհիմ թէ շատ ժամանակ չանցաւ, հանրմտ դուրս եկաւ տան տիրուհիին եւ անոր սպասուհիին հետ: Անոնք սանդուխէն վար իջան փութով, պատուհանիս առջեւ եկան, ուրկէ հանրմտ հարցուց:

- Ի՞նչ ունիս, ճեմալ:
- Հանրմ էֆէնտի՞... .
- Ի՞նչ կ'ուզես:
- Այս գիշեր... .

— Ի՞նչ կայ, զաւակս, հիւա՞նդ ես, տե՞ղ մը ունիս որ կը ցաւի:

— Այս գիշեր հո՞ս պիտի մնանք:

— Անչուշտ հոս պիտի մնանք, հարցնելու ի՞նչ հարկ կայ:

— Ուրեմն... .

— Ուրեմն գնա պռոկիր, քնացիր:

Այսքանը ի՞նչպէս կարողացայ խօսիլ, ի՞նչպէս կարողացայ ուղիղ դարձնել, չեմ գիտեր: Սակայն գիտեմ որ հանրմս նոր հարցումներ ըրաւ, որոնց պատասխանելու տեղ այլեւս չկրցի զսպուել ու անարցունք հեծկլտուք մը փըրցուցի:

Նոյն պահուն, տան տիրուհին նախ հանրմիտ հետ փսփուք մը փոխանակեց, յետոյ դարձաւ ինձի:

— Կը վախնա՞ս այստեղ:

Ոչինչ:

— Զաւակս, վախնալու պէտք մը չունիս: Այս տունը հանրմիդ տանը պէս ապահով է, ատոր վստահ եղիք ու գնա հանգիստ քնացիր:

— Քու՛ն չունիմ... .

Դարձեալ փսփուքի տուն տուին, յետոյ վերջինը նորէն շարունակեց:

— Եթէ քունդ չես կրնար բերել, ծառայ մը ունինք, որ ան ալ քեզի պէս ծննդով ֆլա է, թող գայ, քիչ մը միասին ժամանակ անցուցէք, բայց միայն թէ չըլլայ որ վերադառնաք ֆլայի լեզուին ու պղծէք մեր տունը:

— Ատոր համար վստահ եմ, — ընդմիջեց հանրմս, ու նորէն գլուխ գլխի փսփոացին:

Հանրմս ո՛չ նրբատես էր, ո՛չ ալ խորատես: Ան, հարէմնոցի կեանքի մը քնքշութիւններուն մէկ պատկերը ներկայացնելու փորձին մէջ իսկ տափակ էր, վարուելակերպի իր եղանակներէն միշտ անպակաս կ'ընէր լիոնային տեսակ մը բրտութիւնը, որ աւելի հրամայողի շեշտ ունէր քան համաձայնողի, բայց և այնպէս լաւ էր ճանչցած իմ ներքին

էութիւնս, գիտէր որ հայ եմ, և ինչ որ ալ ըլլայ՝ դժուար է մարել ազգային սէրս: Իրեն ծառայ կոչուելէս ի վեր, ան շատ հեղ տեսած էր իմ յայտնի յուզումներս: Ես անոնք ցոյց տուած էի անգուսպօրէն ամէն անգամին, երբ յափշտակութեան կամ աւերումի նոր պատմութիւն մը լսած էի, երբ տեսածս կոտորածներէն ուէ մէկը վերջիչելու պարագայ մը ներկայացած էր, երբ իրեն հետ ճամբորդելու ժամանակներուն հայ նահատակի մը ոսկօրը, հայ աւերակի մը թումբը, հայ ջարդարարի մը ստուերը տեսած էի, երբ հայ զոհի մը բղբկկոտած երգին մէկ վանկը մօտէս անցած էր: Ան դիւրաւ չէր կրնար մոռնալ այն օրը՝ ուր, բախտակիցի մը հետ հայերէն խօսք մը փոխանակելուս համար զիս յանդիմանեց ծաղրանքով, ստիպեց որ թքնեմ և այսպէսով մաքրեմ այն բերանս, զոր սեպած էր թէ հայերէն խօսելով աղտոտած էի: Չէր կրնար մոռնալ որ ես ոչ միայն չթքի, այլ և սրտմտեցայ, ընդզեցայ, չդիմացայ, ներս անցայ, արցունքով թրջեցի ախոռին անկիւնները և մահը կանչեցի: Այս բոլորին տեղեակ եղաւ, և թէեւ ինք լռեց, սակայն դէմ չկեցաւ երբեք իր չափահաս աղջկան ընթացքին, որ հեղ ու գորովոտ հետաքրքրութեամբ, անձնական ու անկեղծ սիրով մօտեցաւ ինծի, տրտմութիւնս փարատելու բացառիկ ժեսթ մը բանեցուց, և այդ ժեսթը հիանալի քաղցրութեամբ մը ապրեցուց մինչեւ վերջի օրը, մինչեւ իմ բաժանումի ժամը, երբ ստորագրեց զայն խորունկ ցաւի մը արցունքներով:

Այս ամէնը գիտնալով մէկտեղ, հանրմս կը ցանկար նորէն որպէսզի ապրիմ, որովհետեւ տարիքի որոշ յարմարութիւն ունէի այս մարդէ բոլորովին զրկուած իր նախնեքեմ տան մէջ ծառայելու, որովհետեւ օրական 15 ժամ անընդհատ աշխատելու իր հրամաններուն միշտ կը ցուցնէի թէ հնազանդելու սէր ունիմ, որովհետեւ գործերուս մէջ ալ տան զաւակի մը հաւատարմութիւնը ներկայացնելով՝ կատարեալ վստահութիւն ներշնչած էի: Դեռ աւելին կար: Հանրմս կ'ուզէր որ ես ապրիմ, և այդ ուզելը բարիք մը

կը սեպէր, որովհետեւ իր Հաֆիզ - Նուրի պէկ կոչուող ամուսինը, մահուան անկողինին մէջ անգամ մը եւս զղջացած էր հայերու փճացման համար նախապէս կատարած իր անգութ յանձարարութիւններու սխալին, կիսակոյր աչքերով անձնապէս ջարդերուն ներկայանալու իր դազանալին հաճօքին: Ծանր տագնապներու մէջ հոգին աւանդած էր անդադար կրկնելով: «Ան, որ Հայերու այս կոտորածին մասնակցեցաւ կամ անոնց այդ կերպ անգութ փճացման քաջալերողը եղաւ, հանգիստ չի մեռնիր»: Ամուսնոյն այդ ձայնի սարսափին տակ խեղդուած էին իր երեք որդիներն ալ իրարու ետեւէ, քառասուն օրուան ընթացքին և որոնց ամէնէն մեծը և ամէնէն վատը, վատագոյն կերպով տապալկած էր: Ամբողջ օր մը իր կատարած սխալները հապալկած էր: «Ով որ կ'ուզէ շատ ապրիլ, հանդարտ ապրիլ, հանգիստ մեռնիլ, թող Հայու մը բարիք...» ու առանց այս վերջին խօսքը աւարտել կարողանալու մեռած էր: Եւ քանի որ կ'ուզէր ապրիմ գոնէ այնքան տեսն որքան կրնամ իր անէծքէ զարնուած տանը ծառայել, կ'ուզէր որ կեղծէր, կ'ուզէր որ ցոյց տար թէ իրապէս կը սիրէ զիս: Կ'ուզէր որ չարչարուիմ, բայց չէր ուզեր որ հիւանդանամ: Կ'ուզէր որ տանջուիմ, բայց չէր ուզեր որ գործելու անկարող դառնամ, փոփոտքներու մէջ քիւրա տիրուհին ո'վ գիտէ ի՞նչ ըսաւ, ի՞նչ լեզուով հանրմիս հասկցուց թէ իրենց հայ ծառան կրնար միթարանք մը ըլլալ ինծի: Ատիկա հանրմիս կրօնամուրթեան դէմ էր, սակայն ամէն ինչ կը խոնարհէր իր ցուցամուրթեան առջեւ:

Տիրուհիին հրամանով սպասուհին ախոռ անցաւ, փութով դուրս եկաւ, անոր ետեւ երեւցաւ կեալուր կոչուող ծառան, որ ուղղակի հանրմիս ներկայացաւ: Ի՞նչ յանձնարարութիւններ եղան այս վերջինին, այժմ չեմ յիշեր նոյնիսկ լսելս, բայց կը յիշեմ որ հանրմս նորէն աշխատեցաւ սըրլստապնդումի քանի մը խօսք ընել ինծի: Ու երբ յիշեալ տապնդումի քանի մը խօսք ընել ինծի, Ու երբ յիշեալ ծառան կ'արտորար սանդուխներէն վեր դէպի իմ սենեակս, անոնք կը վերագառնային մութին մէջ, նման այն հար-

սերուն, որ ըստ հին աւանդութեան մը, աղջամուղջին կը ծառայէին աշխարհը ստեղծուելէն առաջ:

* *

Հայ ծառան, որ նոր անունով վելլօ կը կոչուէր, սենեակիս դուռը չծեծեց, համարձակ բացաւ, ներս անցաւ, փախտ մը արձակեց ու կեցաւ մէկէն: Իր դադարին մէջ նոր երեւոյթի մը մտաւ ան, նայած քը խորացուց, դողացող նոր քայլ մը առաւ, նոր փախտ մը խեղդեց, նոր հեւք մը երկարեց. աջ թեւը վեր բարձրացուց, բայց ձեռքը տակաւին ճակատին չհասցուցած՝ ա՛խ մը սուրացուց: Յետոյ, աչքերը փակեց, գլուխը խոնարհեցուց: Կը մարէ՞ր, կը յուզուէ՞ր թէ կը մտածէր: Չեմ գիտեր:

Իմ վարանուծիս առջեւ իր այդ ցաւազին եղանակը չերկարեցաւ, ինքզինքը ան նորէն գտաւ, նորէն նայեցաւ, անկիւնի մը ջերմեանդ աղօթողը դարձաւ և հարցուց.

— Հայերէն կը հասկնա՞ս, կրնա՞ս խօսիլ:

— Այո՛, ըսի աւելի ցած ծայնով:

Ես որ խօսելու երբեք տրամադիր չէի, ուժ չունէի, պապանձումի մէկ անորոջ տագնապին մատնուած էի, երեւակայութիւնս ամէն կողմի վրայ կը ջախջախուէր, անհամբերութեան ճառագայթ մը զգացի: Անմեկնելի աշխարհէն հծծուն մը եկաւ, սահեցաւ կռւածքիս տակ, կարեց լեզուիս կապանքները և ճամբայ տուաւ որ լսելու անհուն փափաք մը տեղաւորուի սրտիս մէջ: Կ'ուզեմ որ անուանափոխուած հայ մարդ խօսի, խօսի անդադար, պատմէ ինծի ինչ որ գիտէ, ինչ որ կարող է: Կ'ուզեմ որ հայ լեզուով, հայ ձայնով ու հնչումով ներշնչէ ինծի ապրելու գիտակցութիւնը, զայն վարելու խանդավառութիւնը: Կ'ուզեմ որ հայ հօր մը, կարօտցած հօր մը գուրգուրանքի թեւերով թաղէ հողեկան դառնութիւններս և արի մարդու մը աչքերով ինծի սիրտ տայ, որ իմ երեւակայութիւնս զերգմաններու և մեռելներու անաւորութենէն անցնիլ կարենայ:

Կ'ուզեմ... Եւ ո՛րքան միամիտ ցանկութեամբ կը կարծեմ թէ կրնայ ընել այդ ամէնը: Սակայն անիկա, իր հարցումները շարունակելու տեղ՝ ուրիշ տեսարանի մը սկիզբ դրաւ: Ծոնցաւ, ծունկի եկաւ, դէմքիս վրայ բան մը փնտրուեց, չգտաւ, աչքերուս անցաւ, քիտոյ ճակատիս հասաւ, երկու ձեռքերով մերձաւոր գուրգուրանքի յուզումը ցոյց տուաւ ու կանչեց.

— Թող որ համբուրեմ, որդի՛ս:

Իր ձայնի վերջին ալիքները զարնուեցան ճակատիս և մարեցան համբուրող շրթունքներու սրբութեան առջեւ:

Ոչ ինք լացաւ և ոչ զիս լացուց, ընդհակառակը, ան ինծի անհասկնալի լռութիւն մը ունեցաւ, իսկ ես սղոյալան պարզամտութեամբ զգուանքի վայրկեանական քաղցրութիւն մը զգացի, առանց գիտնալու թէ այդ համբոյրը սրբազան համբոյր մըն էր, որ զիս վկայութեան մը ուխտին կը տանէր:

* *

Նայեցայ իրեն խորունկ ծարաւով: Ուզեցի որ Սինայի սրբաբոցին բանալիով բացուի իր բերանը, ուզեցի որ նոր ու դորաւոր, անծանօթ ու արդար երկիրքէ մը իջնող հրեղէն լեզուն դառնայ, շարունակէ տենչանքս յագեցնել:

— Կ'աղաչեմ, հա՛յր իմ, նախ յայտնեցէք ինքզինքնիդ ինծի, ըսէք թէ ո՞ր տեղացի էք, ի՞նչ է ձեր անունը, հայ անունը, և խօսեցէք ինծի հետ այն սրտով, որով զիս «որդի» կոչեցիք:

— Զարհուրելի է, զարհուրելի, և զարհուրանքն անգամ լրիւ զգալու արհաւիրքը չխնայուեցաւ մեզի: Գտայ, որ ինչպէս իր մտածումը շատ խոր էր, այնպէս իր բացազանչութեան ոճը շատ բարձր էր: Իմ գիւղի ուսուցիչներէն շատ աւելի գիտուն մըն էր հայերէն լեզուի մէջ:

— Քանի որ իմ քով եկաք, քանի որ տեսակցութեան

այս մեծ շնորհը նուէր եղաւ ինծի, կ'ուզեմ որ չտատամ-
սիք, կ'ուզեմ որ պարզ խօսիք, ազատ խօսիք, լայն խօսիք:

— Իսլամ եղա՞ծ ես դուն:

— Ի՞նչ ըսել է իսլամ ըլլալ:

— Այսինքն կուզե՞ս որ թուրք ըլլաս և թուրք մեռ-
նիս:

Տրամեցայ:

Չեմ գիտեր իմ արամութիւնէ՞ս շուարեցաւ, թէ ոչ
իրեն ծանօթ նոր խորհուրդի մը ցաւին մէջ մտաւ ու լռեց:

— Կուզէ՞ք որ մոռնամ ծնունդս, մոռնամ ծնողքս,
մոռնամ յաւիտենական բարիքը իմ արդար ցեղիս, և այլեւս
թուրք ըլլամ, թուրք ապրիմ ու թուրք մեռնիմ:

Բռնազբօսիկ ժպիտ մը արթնցուց, նորէն գրկեց ճա-
կասս եւ անայլայլ շունչի մը մէջ, շատ յստակ, խորա-
պէս հոգեկան շեշտով մը արտասանեց.

— Իսլամ ըլլալ կը նշանակէ մոռնալ տիեզերական
բարիքը: Թուրք ըլլալ կը նշանակէ ուրանալ աշխարհը,
ուրանալ կեանքը, ուրանալ ճշմարտութիւնը, ուրանալ ար-
դար Արեւն ու վսեմ Լոյսը, վրէժխնդրութեան նախանձա-
ւոր Աստուածը:

Ընդմիջում մը կատարեցի և չթողուցի որ շարունա-
կէ:

— Որպէսզի թուրք ըլլամ, իսլամ դառնամ, նախ
պէտք է զօրութիւն մը գոյանայ, կարենայ մոռցնել տալ
ինծի այն ամէնը, ի՞նչ որ տեսայ, ի՞նչ որ ապրեցայ:

— Ի՞նչ իրողութիւններ տեսար, ի՞նչ կերպ կեանք
ապրեցար, որ կը կարծես թէ պիտի չկրնաս մոռնալ:

Հալած նայուածքի առջեւ՝ ճեղքուած լոռութիւն մը
կախուեցաւ:

— Կոտորած ալ տեսա՞ր:

— Այո՛, ևւ ոչ թէ մէկ անգամ միայն:

— Ե՞րբ պիտի մոռնաս զանոնք:

— Չեմ գիտեր: Բայց գիտեմ որ պիտի չմոռնամ բը-
նաւ:

նաւ:

Հայրս իր մեծերէն ժառանգութիւն մը ունէր, և յա-
ճախ կը կրկնէր. «Լաւ է մոխիր դառնալ, քան սրբութիւնը
մոռնալ»:

Ինծի կու գայ թէ իմ հոգւոյս համար չկայ աւելի սըր-
բազան բան մը, քան պատմութիւնը այս արհաւիրքին:
Թերեւս այս իսկ պատճառով է որ խորունկ հետաքրքրու-
թիւն մը ունիմ լսել, տեսնել, տեղեկ դառնալ բոլոր ման-
րամասնութեանց այն խժդժութիւններուն, որոնք ի գործ
բամասնութեանց այն խժդժութիւններուն, որոնք ի գործ
ուին դեռ: Այդ հետաքրքրութիւնը չեմ գիտեր թէ ո՞վ
դրաւ իմ մէջ, ե՞րբ, և ի՞նչպէս, բնաւ չի յագենար, այ-
սինքն չի ճանչնար նոյն իսկ յուզումներուն ամէնէն խոռ-
վեցուցիչը, լացերուն ամէնէն դառնը:

— Ծովեցի՞ ես:

— Այո:

— Զիս չե՞ս ճանչնար:

— Կ'աղաչեմ ձեր ինքնութեան յայտնութեանը համար:
Ու անձայն ժպիտ մը սահեցուց:

— Ապրի՛ս, դաւակա:

— Բայց ինչո՞ւ չէք յայտներ ձեր ո՞վ ըլլալը:

— Մի՛ աճապարեր, դեռ ժամանակ շատ ունինք: Սը
պէյը կէս գիշերէն վերջ պիտի վերադառնայ իր սենեակը,
քիւրտ ծառան թերեւս հիմա մեկնեցաւ միւս ախոռը, որ
այս տունէն անջատ է, հանրմները վերջին ցամազնին ընե-
լու վրայ են, և մենք կը մնանք մինչեւ առաւօտ ազատ
շարունակելու մեր խօսակցութիւնը:

Ինծի համար համբերութիւնը մտածումի ջարդ մըն է
հիմա:

— Վստահ եղէք թէ զիս ձեզի ուժգին մտիկ ընող մը
դարձնելու, և ինծի ազատ պատասխանելու կարողութիւն
տալու լաւագոյն կերպը նախ ձեր ինքնութեան յայտնու-
թիւնն է: Յայտնեցէք ձեր անունը, անձը, ձեր ունեցած
երէկի դիրքը, եթէ կ'ուզէք շունչ մը գնել իմ ներսիդիս և
փակել զայն անխորտակելի փականքով մը:

— Բաւ է որ ես քեզ կը ճանչնամ, և իմ զարհուրած հոգին տակաւին ճիգ ունի տենդոտ գուրգուրանքի մը յարութիւն տալու:

— Չեմ հասկնար:

— Սակայն ես կը հասկնամ, ու դուն ալ զիս պիտի հասկնաս, եթէ ուզես ինծի հետ ախոռ իջնել հիմա:

— Ի՞նչ կայ հոն:

— Պատմութիւններուդ վրայ պատմութիւն մը եւս:

— Եթէ բան մը կ'ուզէք պատմել, կը կարծեմ թէ վար, ախոռ իջնելու հարկ չկայ:

— Կ'ուզեմ որ վար իջնես ինծի հետ և անցնինք հոն՝ ուր առանձնութիւնը կը խորունկնայ, վերապատուելու համար սրբութեան զօրութիւնը:

Նորէն չհասկցայ, բայց այս անգամ զրդուած փափաք մը լռեցուց զիս և հպատակեցուց հետեւիլ իրեն:

— Օ՛ն, երթանք, — ըսի:

Ճրագը մարեց փութով, լեզուն սեղմեց, ձայնը նըռաղեցուց, երեւակայութենէ չարչարուողի մը եղանակին մտցուց ու ըսաւ.

— Ձեռքդ ինծի տուր, որդիս, որպէսզի առաջնորդեմ քեզի:

Անիկա կը դողացնէր ձեռքս սրտէն զարնուողի մը տենդով և կ'առաջնորդէր անհամբերի մը ճարպիկութեամբ, առանց աղակուրտելու, առանց խարխափելու:

* * *

Վէլո անունով ծանօթ, բայց իր էութեամբ, իր խորքով դեռ բոլորովին անծանօթ Հայ ծառան առաջնորդեց վար: Մտանք բակը, անցանք ծածքի մը առջեւ, ուր գտաւ ախոռին դուռը, հրեց ներսի վրայ, բացաւ զայն, դարձուց աջ կողմին, հոն ճրագ մը գտաւ, վառեց փութով, փակեց դուռը վերստին, եւ շարունակեց առաջնորդել զիս նորէն:

Հինցած ճրագի նուազկոտ լոյսով մենք տեսանք կեն-

դանիներուն հանգստութիւնը ախոռին մէջ, խաղաղութեան տենչանքը զօրացաւ, կովուն ու եզան նայուածքներուն առջեւ մեր լուսութիւնը կակաղեց, երեւեկ մը կանչեց ու ճամբայ տուաւ, որ նոր մասերի մը հասնինք: Անկէ անկիւն մը բոլորեցինք նեղ անցք մը բռնեցինք, կարճ դարձուածքէ մը անցանք, ու հասանք խորշի մը խորութեան, որ դուռն չուներ և որուն պատերը խորտուրորտ էին:

Կեղտոտած, մգլոտած, հոտած ցեխէ պատերուն ստորուրը կը տարածուէին նախապէս ուրիշ նպատակներու ծառայելէն չափազանց հինցած, գրեթէ կիսովին փտած փայտերու և տախտակներու քանի մը կտորներ, որոնց վրայ մէյնուած էր շատ գէշ կերպով աղտոտած ու մաշած օւնկողին մը առանց բարձի:

— Այս տեղն է որ ինծի տրուած է ննջելու համար: Հոս է որ ես կու գամ կը ճգնիմ, կ'երեւակայիմ, կը տեսնեմ մարտիրոսացած սուրբերս, կը խօսիմ անոնց հետ, կը յուզուիմ, կը չարչարուիմ ու կ'իյնամ խելայեղ՝ երբ գիշերը զօրանայ:

— Որո՞նք են այդ սուրբերը:

— Կ'ուզեմ որ քիչ մը նստիս, հոս, իմ անկողնիս վրայ, ուր մաքրութիւն չկայ, բայց ջախջախուած էութեան մը սրտակոչ խօսքը կայ, որ ուխտաւոր թափորներուն ձայնն աւնի, որ արդար է, որ անաւոր է, որ բզկտուող ճշմարտութեան մը սրբութիւնով կը փնտոէ վրէժի ցատու մը, հատուցման սրամտութիւնը:

Հպատակեցայ շուտով, անձայն տեղ առի գեփնէն հազիւ քանի մը մատ բարձր մահճակալին վրայ, որ խորշին տարածութեան գրեթէ կէսը գրաւեր էր:

Ինքն ալ նստեցաւ սնարիս, ծոցեցաւ, աջ ձեռքով ճակատը շփեց, մրափելու ձեւ մը առաւ, շատ չանցած շտկեց ինքզինքը, նայեցաւ ինծի անորոշ աչքերով և շարունակեց:

— Այս սուներ բերուելէս ի վեր հոս կ'երգեմ դառնութիւնը, հոս կը թափեմ արցունքը, հոս կը կուտակեմ պէտքը:

— Նախապէս ո՞ւր էիք:

— Դժոխքէն փախայ:

— Ձեմ հասկնար:

Պատասխանելու տեղ ձախ ձեռքով բռնած ճրագը դողացուց, դիմացի պատին մէջ մխուած տախտակի մը կտորին վրայ դրաւ զայն և հարցուց.

— Ի՞նչպէս ազատուեցար:

— Շատերուն պէս: Բայց զիս հոս բերիք ո՛չ թէ իմ պատմութիւնս մտիկ ընելու... այլ...:

— Այլ ի՞նչ: Ձէ՞ որ ըսի թէ ես կը ճանչնամ քեզ:

— Դարձեալ կը կրկնեմ թէ կ'աղաչեմ: Կտոր մը սիրտ ունիմ միայն, ան ալ չեմ գիտեր թէ ինչո՞ւ դուք կ'ուզէք մաշեցնել:

Ծիծաղ մը փրցուց և զայն յուզումի հոսանքով մը խեղդեց փութով:

— Որդի՛ս, ներէ ինձի, և ըսէ թէ որո՞նք են այդ աստերը, որոնց պէս ազատուած ես նաեւ դուն:

— Այն ամէնքը, որոնք ինձի բախտակից են այժմ:

— Ուրեմն քեզմէ զատ դեռ ուրիշներ ալ կան որ կոչուած են ազատուելու:

— Այո, կը կարծեմ թէ Խարբերդի բոլոր թուրք գիւղերուն մէջ ալ մէկէն աւելի գերուածներ կան: Սակայն, չեմ գիտեր թէ այդ բոլորէն որո՞նք բախտաւոր պիտի ըլլան նաեւ օր մը գերութենէն ազատուելու:

— Կ'անցնին այս օրերը, ու օր մը, դուն այդ շատերուն հետ կ'ողջագուրուիս փրկուողի եռանդով: Դուն, որպէս մէկը յիշածդ շատերէն, սրտի վէրք մը ունիս, բայց մի՛ վախնար, ատիկա մահացու չէ: Թշնամիին հարուածը վերաւորեր է որպէս զի այդ վէրքին սպիտիլը արհամարհուի օր մը: Այն բոլորը զոր դուն կը տեսնո, կը տեսնես և զիս ալ, համոզուէ որ վկայաբանութեան դրոշմն է, անդառնալի դրօշակը, ուրկէ անդադար պիտի լսես սըրբութիւններու ձայնը, երբ այս անիծակուտ օրերէն ազատուիս, երբ այս բոլորին իմաստը փնտռելու կարողութեան

հասնիս: Մի՛ անդրադառնար բնաւ, թէ դուն տղայ մըն ես և պէտք է լաս: Այն օր իր ցեղին արիւնը կը տեսնէ, ու անոր սրբութեան հաւատարիմ կ'ապրի, ան վեհեր մըն է: Անվեհեր եղիր, որպէսզի հնարաւորութիւն գտնես կատաղութեան և աւերածի մորրիկներուն դէմ ըզձալ, յուսալ ու երազել: Անվեհեր եղիր, որպէսզի յանդգնութիւն ունենաս հատուցման արդար աշխարհը սերտել: Նահատակաց ձայնը չի՛ փլչիր և ո՛չ ալ կը յաղթուի, այնքան ատեն որ զայն ճշարտութեան սեղանին վրայ բարձր պահող անվեհերներ կան: Բարձրացուցէք զայն տաղի մը, ալիւուքի մը, գանձի մը, նուագի մը, մեղեդիի մը կենդանի, խորունկ, զգացողական շեշտերով:

— Իսկ դո՞ւք:

— Ես... ես ոչինչ... Դժոխքին եօթը յարկէն ալ անդին քուեցայ, մարդկային տեսողութեան, լսողութեան, մինչև իսկ երեւակայութեան տակաւին անձանօթ սարսափները տեսայ, ու հոն կորուսի ամէն բան: Թէեւ քիչ առաջ ըսի թէ փախայ, բայց իմ քաջութիւնս չէր որ ատիկա ի գործ դրաւ: Հասկնալի իրողութիւնը այն է, որ դժոխքին վարիչները չփճացուցին անձս, սակայն, երեւակայութիւնս տանջանքի մղող զսպանակը դարձուցին: Օրական հազար անգամ վերադարձ կ'ընեմ, բայց հազիւ ժինչեւ Գեղվանքի խիտոր կը հասնիմ, դժոխքի այս երկրորդ դուռը, ու առաջինը այլեւս տեսնելու նոյն իսկ անկարող վիճակի մէջ՝ կը քշուիմ նորէն քայլ առ քայլ նոյն քստմնելի սարսափներուն, նոյն անաւոր խելագարումներուն աստիճանական յաւելման:

Ինձի համար այլեւս աներկբայ էր, որ հետս խօսողը տարագրութեան եւ կոտորածի ամէնէն անաւոր մէկ ճամբան քալած էր, զարնուած էր, բայց չէր մեռած: Իր պատմութեան այս բարդ արտայայտութիւնը գրաւեց լզիս, մարցուց իմ մէջ նոյնիսկ իր անձն ու անունը իր բնակավայրով գիտնալու թախանձանքիս ուժը, բայց այդքանով անիկա իմ ցանկութիւնս չէր կրնար պարտկել: Կ'ուզէի որ

պատմէր ինծի պարզ, հասկնալի և մանրամասն այն բոլոր դէպքերը, որոնցմէ անցած էր ու կը յիշէր: Կ'ուզէի որ իմ և ինծի պէս ԵՍԵՐՈՒՆ ազատուելու մասին իր ըրած յայտնութիւնը մեկնէր, ըստ այնմ թելադրանքները շատցնէր, լայնցնէր:

Բռնեցի իր դողացող ձեռքը, նայեցայ իր մարմնելու չափ յոգնած աչքերուն, պաղատանքի եղանակ մը փրցուցի, յայտնեցի բոլոր ցանկութիւններս ու ինկայ հայցելու իր գթութիւնը:

Լուռ մնաց և երազողի մը վիճակով դարձաւ ինծի, վերստին գրկեց գլուխս, համբուրեց ու ցնցուեցաւ: Յետոյ, ձեռքի շարժում մը կատարեց, ճակատն ու կուրծքը չափեց: Ինչ հանեց թէ ուրիշ անձանօթ նշանով մը կնքուեցաւ: Բան մը չհասկցայ, սակայն տեսայ որ ան ձեռքս բռնեց ու շարունակեց:

— Սիրած եմ քեզ, խօսած եմ քեզի այն ժամանակ, երբ դուն քու ընկերներուդ հետ կը թռուռայիր ոսկի լիճին եզերքները, երբ հայրդ քեզ զօրացնելու հեք կու տար, մայրդ քեզ շէնցնելու շունչ կու տար, եղբայրդ քու կորովը կը հրահրէր, քոյրդ քու հոգեկան վերելքդ կը փայփայէր, սրտակիցդ ճակատիդ խորհուրդը կը դիմաւորէր, ազգականդ ու բարեկամդ քեզի գովք մը կ'ուզէին հիւսել, տիրացուդ ու վարժապետդ կը ջանային քու թռիչքներդ բարձրացնել: Շատ բան խօսած եմ քեզի, երբ դուն կը սլանայիր դէպի կեանք, դէպի մեծութիւն՝ ընթացող ժամանակի ուժով: Շատ բան խօսած եմ նոյնպէս եղբայրներուդ, որոնք չեմ յիշեր այժմ, որովհետեւ դանոնք յիշելու կարողութիւնս ծուէն ծուէն եղած է: Հիմա, թերևս անձանօթ Աստուած մըն է որ քեզ ինծի ղրկեց, որպէսզի նոր բան խօսիմ . . . Այո՛, որպէսզի նոր բան խօսիմ, նոր ողբերգութիւն մը, երկինք սասանեցնող նոր ողբերգութիւն մը պատմեմ վերջին անգամ իմ այն լեզուով, որ տարիներու յոյսը սերտելէ և կորովը քարոզելէ չդադարեցաւ երբեք:

Իր պատմութեան այս նախաբանին լեզուն որքան սպա

հուն էր, նոյնքան զգալի կը դարձնէր այն տիրական ուժը՝ որ կը ձգտէր իր մէջ խտացնել հետզհետէ կեանքի մթութիւնը: Ուղեցի դէմ կենալ, բայց անիկա կանխեց, աւելի ճիշա՞ր՝ սաստեց որ լռեմ և շարունակեմ ունկնդրել:



1920-ին, նոր ազատուած Կարնեցի, Երզնկացի, Տրապիզոնցի, Բղեցի, Բալուցի, Չարսանճաֆցի, Բաբերդցի եւ Տեղացի որբերու խումբ մը: Լուսանկարուած՝ Խաբերդի Ազգ. Առաջնորդարանին կիսաւեր պասիճն օակ, համբուրուելէ եւ երգմնելէ վերջ:

— Ծովեցի ես, այնպէս չէ՞:

— Այո՛, եւ դուք ըսիք: Դիտե՛ք կը ճանչնաք:

— Կը յիշե՞ս երէկի թողութեան ընկերներուդ հետ, որոնցմով կը փորձէիր օր մը բրոնզ դառնալ:

Կարկամեցայ:

— Մասերէն մէկը, խարանուժի ճառագայթն ունեցողներէն մէկը պիտի ըլլաս, մինչեւ որ կորուստը վերագրանուի: Այնպէս չէ՞:

Լոցի:

— Կը հասկնա՞ս ըսածներս:

— Պէտք է երեւակայէք որ ես աղքատ զիւղացիի մը գւեւակն եմ, և թէ տարիք ու միջոց հնարաւորութիւն չեն տուեր բարձր մտքեր մարտելու չափ մտային կարողութիւն ձեռք բերել: Հետեւաբար, եթէ պարզ լեզուով խօսիք ինձի, անշուշտ պիտի հասկնամ ձեր բոլոր ըսածները:

— Ճիշտ է: Պէտք է պարզ խօսիմ, որպէսզի կարողանաս լաւ հասկնալ, որպէսզի կարենաս հետզ ատենիւ:

Լոցի նորէն, և սպասուժս ճեղքուածք մը դարձաւ այս անգամ, ուր դարհուրանքը բազմակերպ թեւեր ունէր: Մինչ ինքը, կը հասկնայի որ կը չարչարուէր գլխահակ, ու յիշողութեան մը տիրանալու խորհուրդը կը չափէր նշուաղած մրմունջներով:

* * *

Իմ անհամբերութիւնս լարուած աղեղ մը դարձաւ: Բայց անիկա ինձմէ աւելի շուտ ձայն առաւ եւ հարցոց.

— Թլկատինցին կը ճանչնա՞ս:

— Լուսանկարը տեսած եմ. մտիկ ըրած եմ անոր մասին տրուած դասախօսութիւն մըն ալ: Հասկցած եմ թէ ան մեծ ուսուցիչ մըն էր և ունէր բացառիկ գրագէտ մը կոչուելու լաւագոյն կարողութիւնը:

— Աւելին...

— Աւելին այն եղաւ որ, անոր մասին խօսուած գովեստները հետզհետէ շատնալով գրաւեցին իմ մանկական հիացումս: Ատոր համար, օր մը, երբ ըսին թէ Թլկատինցին

Ծովք պիտի գայ, առաւօտ շատ կանուխ տունէն ելայ գաղտուկ, զիւղէն դուրս գացի, բաւական հեռացայ, և հոն, քաղքին ճամբուն վրայ, դուր տեղը սպասեցի անթի ծառաւ մինչեւ երեկոյ: Կը խորհէի թէ երբ Թլկատինցին անցնի մօտէս, ինքնիրմով պիտի ճանչնամ շուտով, պիտի դարմանամ անոր արտաքոյ կարգի երեւոյթին, թո՛ւ չէ մը պիտի ունենամ, պիտի մեծնամ, պիտի ընդարձակուի միտքըս, պիտի զօրանայ սիրտս, և յետոյ, գիւղ դարձիս, զիս տեսնողին զարմանքը պիտի գրաւեմ, ու յաղթականի հպարտութեամբ պիտի յայտարարեմ թէ՛ ես Թլկատինցին հետայ ամենեղ առաջ:

Բայց դժբախտաբար ո՛չ միայն երեւակայածիս պէս մէկը չտեսայ, Թլկատինցին չճանչցայ, այլև, տուն դարձիս, հիասթափուժի այդ ցաւս քանի մը անգամ կրկնուեցաւ հօրս տուած անարգանքին և ձեռն տակ, Սեղճ հայր... կը սիրէր գրել-կարդալը, սակայն յաճախ կը պատմէր թէ թուանշան մը անգամ սովբելու պատեհութիւն չէր ունեցած: Չմեռուան կիրակի առաւօտները կանուխէն կ'արթնոցնէր զիս և կը ստիպէր որ մուլմուլացող ձրագին առջեւ կանոն մը Սաղմոս կարդամ ու յետոյ եկեղեցի երթամ: Ես իմ կարգացածէս ոչինչ կը հասկնայի: Ինքն ալ չէր հասկնար, և ուր որ կը խորհէր թէ քիչ մը լաւ կարգացի, գլուխը կը չարժէր ձայնաւոր հնչուքի մը հետ: Ու երբ կը թողէի ընթերցման շարունակութիւնը, կը հարցնէի իրեն այդ ձեւ չարժուժներուն պատճառն իմանալու, կը դպացնէր որ չէր հասկնար. բայց բարի հօր հեղինակութիւնը բանեցնելու համար կը պատասխանէր. «Կարդա՛, ձագուկս, կարդա՛: Մեր մեղքերուն համար կը խօսի...»: Սեղճ հայր... չէր հասկնար թէ չէի ուզեր կարդալ զայն: Եւ խեղճ հայրս չհասկցաւ այդ օրն ալ տունէն ու ճաշերէն բացակայելուս պատճառը. խորթ մօրս չար գրողներուն տակ անգութ դարձաւ ու անտեղեակ մնաց սրտիս գինովութեանը:

Այս կերպ պատասխանիս վրայ, անիկա ձախ ձեռքով շոյեց գլուխս, աջ ձեռքով սեղմեց իր շրթունքները, և եր-

կարեց շեշտաւոր նայուածք մը ինքն իր դէմ: Հասկցայ թէ ուզեց ժպտիլ՝ բայց չկրցաւ, ուզեց խորհիլ՝ բայց յուզուեցաւ ու նոր հարց ըրաւ.

— Կը ձանչնա՞ս փրոֆ. Յովհ. Պուճիգանեանը:

— Այո՛, Եփրատ Գոլէճի փիլիսոփայութեան դասընթացքի փրոֆէսէօրն էր, կը կարծեմ: Խօսքն ու ձայնը չեմ լսած, բայց տեսած եմ զինքը իր ետեւէն:

— Չեմ հասկնար: Ի՞նչ ըսել է «ետեւէն տեսնել»:

— Պատերազմի նախորդ տարին, Աստուածածնայ վերջի տօնին, ա՛խ, երբեք չեմ կրնար մոռնալ որ դարձեալ չէնցած էր մեր գիւղը հազարաւոր ուխտաւորներով: Երկինքը չող ունէր, լուսախաղ լճակը անոնց գեղածիծաղ ճլուրջութիւններուն կ'արձագանգէր: Եթերէն հոսող գունաւառ բերեղներուն տակ ժպտող պար ունէր, հալած երանգներու վրայ կը թաւալէր, և կը հրահրէր իմ մանկական զիւրազգած հոգին ուժգնօրէն: Մարդկային բազմագեղ շարժումներու, բազմանչիւն ձայներու, բազմախորհուրդ արտայայտութիւններու գեղեցկութեանց առջև երանութեան քաղցրութիւնը կը զգայի, և հոգեկան լեցուն հրճուանքով կը ցատկէի տեսարանէ տեսարան:

Հին գիւղին, լճակին ջուրերուն բարձրացումէն թաղուած Մովք գիւղին աղբիւրը, որ կը կոչուէր Գեղնաղբիւր, ահա յանկարծ կեցուց զիս: Գամուեցայ անոր զխմաց թեւաւորուող ու լայն տարածութիւն մը հաճելի դարձնող ուռնիներէն մէկուն: Քաղքենի երեք աղջիկներ, իրենց նուրբ կեցուածքներով, ճկուն շարժումներով, հեզահամօր յայտնածքներով աղբիւրին հետ կը խաղային ու անոր պայծառութիւնը կը կրկնապատկէին: Նոր ծով մը, ժպտի ծով մը, ուր աչքերս թեւ կ'առնէին, կը լողային: Անոնք սակայն, շուտով տեսան զիս, թողուցին իրենց խաղը, նայեցան ինձի, նայեցան իրենք իրենց, ուշադրութեան առին իմ արտաքին վիճակս, որ կոկիկ չէր, որ աղքատ էր, որ գիւղացի անկարող ծնողքի մը զաւակն ըլլալուս վկայութիւնը կը պարզէր: Նայեցան ինձի, խօսեցան իրենք ի-

րենց, յետոյ ծիծաղեցան, հեգնեցին, թէ ոչ խղճացին: Բան մը չհասկցայ, որովհետեւ հոգևով, սրտով, ամբողջութեամբ ես տարուած էի անոնց երեւոյթներուն սքանչելի գեղեցկութիւնները դիտելով, որովհետև կ'ուզէի զանոնք համարել ծովէն ելած յաւերժահարսեր կամ երկինքէն իջած սրբուհիներ: Ու այն պահուն, երբ անոնք կ'ուզէին ինձի հետ խօսիլ, կ'ուզէին կարկանդակի նմանող փոքրիկ քաղցրեղէն մը տալ, կ'ուզէին զիս ուրախացնել, ահա երկու վայելչօրէն հագնուած մարդիկ եկան, բարեւեցին աղջիկները ու անցան: Վերջինները, պերճացած համեստութեամբ մը ընդունեցին շնորհուած բարեւները, յետոյ լռեցին, նայեցան անցնողներուն, աջ կողմինը փրոֆ. Յովհ. Պուճիգանեանն ըլլալուն վկայութիւնը տուին, և յայտնեցին իրենց ունեցած հիացումը անոր անվիճելի կարողութեան հանդէպ: Մէկզմէկու կատարած աղջիկներուն վկայութիւնը, որ հասաւ ինձի, հին գմայլանքի հաճութեան մէջ դարձուց զիս ալ, դիտելու յիշեալը իր ետեւէն:

Պատմութիւնս ուշադրութեամբ մտիկ ըրաւ: Կարծեցի թէ փոփոխութիւն մը մտցուց իր մտածումի եղանակին մէջ, բայց կարծիքս ի գուր անցաւ, որովհետեւ, անիկա իր գլուխը վեր բարձրացուց, երկար ու լեցուն շունչ մը քաշեց, կուրծքը ուռեցուց և բացազանչեց խելացնորի մը կուշտով. փրոֆէսէօր...:

Իր այս անեղ ու մորմօքիչ բացազանչութեան առջև լռեցի և խոնարհեցայ:

* * *

Լուռութիւնը նորէն ինք խզեց փութով և հարցուց.
— Խարբերդի Առաջնորդ Պսակ Ծ. Վարդապետը տեսա՞՞ծ ես:
— Այո՛, տեսայ զայն օր մը մեր եկեղեցիին մէջ, բայց ոչ մօտէն: Մանկութիւնս պատրուակելով թոյլ չտուին ինձի որ գոնէ անոր պատկառանքի շուքէն անցնիմ: Աւելի ճիշտը,

արժանի չդարձուցին զիս, որովհետեւ կարող ընտանիքի մը զաւակ չէի: Այս արգելքին առջեւ յուզուեցայ, ժամերգութիւնը դեռ չլրացած դուրս ելայ եկեղեցիէն և լացի այն սրտով՝ ինչ որ լացիր էի Արղնիի Բարձրահայեաց վանքի Առաջնորդ Եզրաս Ծ. վարդապետին զգեստաւորման ասեն: Այս վերջի պարագային ալ, երբ իմ ընկերներս բոլորն ալ արարողութեան շապիկ հագած էին ու տիրացուներուն հետ պատրաստուելը էին հետեւելու յիշեալ պատարագիչին, որ դպրոցէն եկեղեցի պիտի անցնէր, զիս ետ հրեցին, չթողուցին որ նայնիսկ հանդիսատես ըլլամ, պատճառաբանելով թէ մաքուր ու կոկիկ չեմ:

— Այո՛, ճիշտ է, կարող ընտանիքի մը զաւակ չէիր: Խորթ մօր մը, կարճամիտ մօր մը անհողութիւնն ալ յաւելուած մըն էր, որ քեզ քու բաղձանքներէդ զրկելու պատճառ կը դառնար: Իրաւ ըսիր, իրաւ ըսիր նաև թէ պատկանելի էր Պսակ վարդապետը, եւ սակայն, ի՞նչպէս պէտք է մոռնալ այն աղտոտ ապսակը, որ զայն թաւալեցուց ախտի աղբերուն մէջ:

Խորհեցայ թէ սկիզբ դրաւ իր պատմութեան, ուր պիտի յայտնուէր նաև իր ինքնութիւնը, թերեւս իմ գիւղիս, իմ ծնողքիս, իմ մանկութեանս ծանօթ ըլլալու պարագաներն ալ: Բայց ո՛չ, Ան, ահա՛, բռունցքի զօրաւոր հարուած մը իջեցուց իր կուրծքին, գլուխը ցնցեց ուժգնօրէն, մարմինը յանձնեց խորունկ դողի մը, և գունափոխուած աչքերու արտասույթը նայուածքի առջեւ վրէժի կանչ մը արձակեց, որուն շեշտերը երկար գալարումներու մէջ նուազեցան իր արտայայտութիւններու միւս երեւոյթներուն հետ («Հէ՛յ վա՛խ, խենթեցաւ») ըսի և նոր շուարումի մը յուզեմին մէջ ինկայ: Ուզեցի շարժում մը ընել, բայց ահա ձեռքս նորէն բռնեց ու նոր անուն մը տուաւ: Չէի ճանչնար: Երկրորդ մը յիշեց, ան ալ չէի ճանչնար: Երրորդ մը, չորրորդ մը, շարունակեց շարքը որ կարծեմ թէ մինչեւ տասնի բարձրացաւ: Անոնց տուած տիտղոսներէն յայտնի էին որ բոլորն ալ ուսուցիչ, փաստաբան, քաղաքական ժողովի անդամ, հասարակական գործիչ եւ այլ երեւելի մարդիկ էին, որոնց և ոչ մէկը ինձի ծանօթ էր դժբախտաբար:



Խմբանկար Խաբըրդի Սփրաս Քոլէնի փրոֆեսորներուն և ուսուցիչներուն, 1914-ին:
 (Ստորեւ՝ յիշեալ Քոլէնին շէնքերը եւ Ս. Յակոբայ բաղէն մաս մը, ուր կ'երեւայ համանուն եկեղեցին եւ անոր կողքին բարձրացող Թլկասիցիին վրձարանը:

— Այդ ամէնը քեզի հետ էին:

— Այո՛, ինձի հետ էին այն օրը, երբ սկսանք այլևս մահուան տրամութիւնը չափելու կարող ուժ մը փնտռել Գեղվանքի ախոռին մէջ:

— Ի՞նչպէս զգացիք այդ տրամութիւնը, — հարցուցի, և տղայական պարզամտութեամբ մը ջանացի ընթացք տալ իրեն, որպէսզի շարունակէ իր պատմութիւնը, ըսէ իր ըսելիքները: Իմ ջանքս ի զուր չանցաւ այս անգամ: Ան, անկիւնաւոր նայուածքի մը մէջ գլուխը երեքցուց ու այսպէս պատմեց.

«Գեղվանքի ախոռին մէջ, երեկոյ մը, երբ սովորական խօսակցութեան զառնութիւնը կ'ուռնար վերստին, ու բոլոր բանտարկեալներս մէկզմէկու աչքերուն մէջ անձանօթ ուժ մը փնտռելու ձեւեր կ'առնէինք, փրոֆ. Յ. Պուճիգանեան խորասուզող նայուածքի դարձ մը ըրաւ եւ ըսաւ. «Այլևս պարզ է որ մենք ջարդուած պիտի ըլլանք մէկ երկու օրէն: Մեզի հետ կը փճանայ նաեւ մեր չափահաս սերունդը ամբողջովին: Իսկ մնացեալներն ալ եթէ չընաշնջուին, Աստուած գիտէ որ մեռնելու աստիճան պիտի չարչարուին ու գերեզման մտնել պիտի ուզեն: Ասոր պատճառներուն վրայ խօսելու ատենը անցած է զժբախտաբար: Ամէն հարց պարապին կը կրթնի այսօր, եթէ ուզենք ծեծել: Միակ բան մը կայ որ չենք կրնար չխոստովանիլ, ան ալ այն է որ լազալին ինքնապաշտպանութեան զաղափարը սիրեցինք, փարեցանք անոր աշխուժօրէն, բայց չկրցինք զայն իրագործելու եղանակները սորվիլ հարկ եղած կերպով»: Թըլկատինցին չժխտեց ու աւելցուց. «...Անոր համար որ յեղափոխութեան ուսումը իւրացնելու ժամանակ չունեցանք, Այսինքն ընդհանուր պատերազմը շատ շուտ սկսաւ և խեղդեց մեր ազգային շարժումը իր նախաքայլերուն մէջ»: Մեզմէ մէկը, որ ըսիք թէ չես ճանչնար, հարց ըրաւ. «Քանի որ յեղափոխութիւնը չէինք կրցեր սովորիլ դեռ հարկաւոր կերպով, ապա ուրեմն ինչո՞ւ թոյլ կու տայինք մենք մեզի շատ անգամ բարձրադասակ արտայայտելու մեր դժ-

գոնութեան խորունկութիւնը թուրքին դէմ, ըլլայ դպրոցական հանդէսներու ատեն, ըլլայ ազգային աարբեր ցոյցերու ժամանակ, ինչո՞ւ շատ յաճախ նկատի չէր առնուեր նոյնիսկ հեղինակաւոր թուրք անձերու ներկայութիւնը»...

«Այդքանը դիւրին չէր չյայտնել, քանի որ տեսչավառ սրտով կ'աշխատէինք նոր սերունդ մը, իր պատիւը, իր արժանիքը պաշտպանելու կորովի նոր սերունդ մը պատրաստել: Իայց, ես ալ կը համոզուիմ թէ ինչ որ ալ ըլլար, դիմադրելու մեր որոշումը պէտք էր վճռական դարձնէինք ճիշտ այն օրերուն, երբ զինահաւաքութեան յայտարարութիւններ կատարուեցան: Ազատատենչ կեանքի ոգեւորութիւնը խլրտացնող յանդուգն կտրիճի մը արտասովոր արիութիւնը կը յիշեցնէ ինձի այն երիտասարդը, որ իր ձայնը բարձրացուց Ազգ. Առաջնորդարանի մէջ գումարուած մեծ ժողովին: Կ'ուզէր սպաննել Առաջնորդը, երբ այս վերջինը Պատրիարքարանէն եկած հրահանգներուն եւ կուսակալին տուած խարէական խոստումներուն վրայ հիմնուելով, կը թելադրէր որ զէնքերը յանձնելու որոշումներուն ընթացք արուի խաղաղօրէն: Անարձագանգ մնաց նոյնպէս ընկեր կարոյի կանչը բանտին խորէն», վրայ բերաւ ուրիշ մը, որ նոյնպէս չես ճանչնար» (*).

(*) Վերապրողներ վերջեւ կը պատմէին քէ Հիւսեյնիկցի յիշեալ երիտասարդին հետ նաեւ ուրիշ երիտասարդներ բարձրադասակ կը բողոքէին գեները յանձնելու համազգային ժողովին որոշումներուն դէմ, բացառելով զայն իբրեւ մահը հայ ժողովուրդին: Նոյնպէս կը պատմէին քէ բնկեր Կարօ, այլ եւ այլ պատեհութիւններով շարունակ բանեկ գրաւոր հրահանգներ կ'ընէր, որպէսզի հալ կազմակերպութիւնները դիմադրեն, յեղափոխութիւն յարուցանեն, քապանեմ դէմ կեցողները, գրաւեմ բանք, ինքն ու իրեն հետ բանտարկուած բնկերները գործի տեղ դարձնելու համար:

«Հէնց այդ կէտն էր ամէնէն էականը, որ պէտք է ուսումնասիրուէր մեր կողմէ լաւ կերպով, և այդ ուսման աէր դառնային շատեր, որպէսզի, երբ մէկը ծուղակն իյնար, միւսը շուարումի ճամբայ չունենար ու գործի անցնէր առանց ստատմանիւ: Յեղափոխութիւնը նպատակ է, ոչ թէ վարմունքի գործ: Այդ ուղղութեամբ, դժբախտաբար չիւրոզացանք մեր գագսոււմները մարգել բոււարար չնփով, չկարողացանք նոյնիսկ անոր գաղանքի գիտութեանը ընտանենալ, և մինչև իսկ թուրք ժողովուրդի անգթութեան հոգեբանութիւնը հիմնապէս սերտելու զանցառութիւնն ունկոյնք: Թուրքը թուրք է, կեդրոնական Ասիայի դաշտագետիններէն ծնունդ առնող ցեղերուն ամէնէն բարբարոսը թերեւս, որ վայրենի հորդայի պէս մէջտեղ ելած ու ջալադներն ու քաղաքները, ուրկէ անցած է: Բազմաթիւ ծաղկեալ ոստաններ և երկրագործական մեծ աղագանակչութիւն ունեցող նահանգներ գիտենք, որոնք փճացած են թուրք ժողովուրդի խուժումէն և կատարած անգթութիւններէն: Իրենց ուժին, արշաւանքին, հարստահարութեան բովանդակ պատմութիւնը պայծառ կերպով կը յայտնէ, թէ թուրքը բնաւ չէ կրցած ըմբռնել որ յազթուած ժողովուրդ մը կենդանի է եւ զերիէ տարբեր բան է»: Ըսաւ Թլկատինցին:

«Կը կարծէք թէ այլևս յոյս չկայ մեր ազատութեան»:
հարցուց երրորդ մը:


«Յոյսը Աստուած է, բայց պէտք է համոզուիլ թէ մահէն զատ ուրիշ բան չկայ մեր առջև, եւ երանի թէ այդ մահն ալ անմիջական կոտորումի արդիւնքն ըլլայ»: պատասխանց փրոֆէսէօրը:

«Ու անա սոյն պարագային զինուոր մը դուռը բացաւ և ձայնեց:

«— Ուսուցիչ Թլկատին էֆէնտի:

«Յուզումը մոլեգնորէն բարձրացաւ մեր մէջ նորէն: Թլկատինցին շուարումի անորոշ մղմուկ մը արձակեց:

փրոֆէսէօրը աչքերը վեր առաւ, բայց չկրցաւ նայիլ ու կախեց զանոնք լացի մէջ: Խուլ շիւան մը ախոռին մէջ ուռեցաւ: Թլկատինցին մնաք բարիի թեւ մը լերկարեց:



ՅՈՎՀԱՆՆԷՍ ՅԱՐՈՒԹԻՒՆԵԱՆ
(ԹԼԿԱՏԻՆՅԻ)

աջ ձեռքը կուրծքին տարաւ ու դռնէն դուրս ելաւ: Տասը վայրկեան չանցաւ, անիծեալ զինուորը նորէն ստուերեց ախոռին շէմքին վրայ և կանչեց:

«— Պուճիգանեան փրոֆ. էֆէնտի:

«Լուս-թիւնը կարծրացաւ, աչքեր վարանեցան ու քամուեցան մղմղուկի բազմաձեւ արտայայտութիւններ: Փրոֆէսէօրը ինկած նայուածքի մը տակ գնաց: Անոնց հտեւէն ղրկած մեր աղօթքը դուռը չհասած չնչահեղձ եղաւ ախոռին տրտմութենէն:

Մեր աչքերը չէին բացուած տակաւին, մինչ չարաշուք ձայնը նորէն մոլտաց դրան մէջ և զիս կանչեց այս անգամ:

«Բա՛ջ ըլլանք, հաւատալով թէ մեր մահը մեր որդիներուն կատարելիք դատաստանին վճռական զօրութիւնը պիտի ըլլայ: Բա՛ջ ըլլանք գալող աշխարհին համար, ուր հարկաւ մեր ձայնը իր գեղեցիկ տեսիլքը պիտի իրականացնէ: Չէ՞ որ իրաւունքի հերոսները վախ չունին», ըսի ու բանուեցայ:

* * *

Դրան առջև, երկու ուրիշ զինուորներ զիս սուիններու մէջ առին և տարին սպասման սրահ մը: Զինուորներէն մէկը քովի ս նեակը մտաւ, շուտով դուրս եկաւ, հրամայեց ինձ որ ներս անցնիմ, Հպատակեցայ: Ներսը վարի մէկ անկիւնը, Թլկատինցիին կապած ու նետած էին գետին: Անոր մօտ, հակառակ կողմի վրայ կապած էին փրոֆէսէօրը, որ չգիտցայ թէ ինչո՞ւ շուրջն անգամ չէր նայեր: Երբ ներս մտայ, երբ տեսայ զանոնք յիշեալ վիճակով, երբ տեսայ զիմացի դահիճներուն կարգը, աչքերս մէկ անգամէն լեցուեցան սոսկումներով: Վախի՞ թէ յուզումի, տանջանքի՞ թէ մոռացումի: Չեմ գիտեր: Սակայն, գիտեմ որ սենեակ մտցնող զինուորը զիս յանձնեց երկու գորշագոյն հագուած ուրիշ զինուորներու, որոնք թեւերէս բռնելով ցնցեցին, ապտակեցին, քաշկոտեցին ու տարին հոն, ուր բոլորուած նստած էին մէկ քանի աղաներ և ոստիկաններ: Անոնց մէջ էր տեղուոյն գարշելի միւսիւրը, որուն կողքին՝ հրամանատար

րի տեղ առած էր ինձի ծանօթ աստիկանապետ մը: Այս վերջինը զիս տեսնելուն պէս, դե դարձաւ, ծիծաղեցաւ, լըջացաւ, շիջեցաւ, պոստեց յօնքերը, աչքերուն սարօրինակ ձև մը տուաւ, մտերմութեան շարժումը խեղդեց: Նայեցաւ վարի զոյգ զոհերուն, ծուղակ լարողի խորամանկութիւնը կատողեցուց, սրիկայ բարեկամ դարձաւ ու հարցուց:

«— Գուք զիս կը ճանչնաք, այնպէս չէ՞:

«— Այո՛:

«— Հետեւաբար, մենք բարեկամներ ենք: Ու կ'ուզեմ որ բարեկամաբար ձեզի հարցնեմ թէ չէ՞ք ուզեր որ ձեր ընտանիքին մօտ վերադառնաք:

«— Մեր կամքով չէ որ հոս եկած ենք, էֆէնտի:

«— Գիտեմ որ ձեր կամքով չէ: Եւ ես քաղաքէն հոս իջած եմ, որպէսզի եթէ կարելի է հնարաւոր դարձնեմ չերկարելու ձեր այս ճանապարհը: Բայց պէտք է համոզուիք թէ ասոր համար մէկ միջոց կայ միայն: Ան ալ ձեր անկեղծութիւնն է: Մենք գիտենք որ ամէն բարեկամ սխալներ կ'ունենայ իր բարեկամին հանդէպ: Ասիկա մարդկային է և շատ լաւ հասկնալի: Բայց ճշմարիտ ու մեծ բարեկամներ ճանչցուած են միայն անոնք, որոնք հարկաւոր պարագային գնահատած են դիմացիին վեհանձնութիւնը և իրենց սխալները խոստովանած են հեշտիւ: Հետեւաբար, կը սպասեմ որ դուք ձեր բարեկամութեան անկեղծութեան մէջ պատմէք ձեզի ծանօթ ճշմարտութիւնը այն հայ յեղափոխականներու մասին, որոնք ծրագրած էին ազատամբութիւն մը պայթեցնել ու քսանկոտ ժամուան մէջ նահանգին բոլոր պետական շէնքերուն մէկ մասը այրել, իսկ միւս մասը ձեռքի տակ առնել:

«— Գոնէ ինձի համար, կը խորհիմ որ ատիկա երբեք չի կրնար ճշմարտութիւն մը ըլլալ:

«Միծաղեցաւ ու հեգնեց:

«— Որովհետեւ բարեկամութեան դիմակի տակ չարութիւն պարտկած էք ձեզի դէմ: Որովհետեւ ապերախտութիւնով ձայնքան լեցուած էք որ...»

«Ու կեցաւ, ու դադրեցուց նախատինքի այս եղանակը: Դարձաւ, նայեցաւ միւսիւր ին, նայեցաւ անոր ժիր ու սեւեռուն, շարժուն ու տարօրինակ: Ի՞նչ կարդաց ոստիկանապետը միւսիւր ին աչքերուն մէջ: Չարագործը կը հասկնայ չարագործի նայուածքներուն ձեւերը: Անիկա յետոյ իր շուրջիններուն վրայ տարբեր աչքի դարձ մը կատարեց ու նորէն հարցուց:

«— Կը կրկնեմ. պէտք է գիտնաք որ քողաքէն մինչև հոս գալու մեր յոգնութիւնը՝ ձեզի բարիք ընելու սրտով է որ յանձն առինք: Մենք եկած ենք փրկելու ձեր կեանքը ամէն տնտապանքէ և նեղութենէ: Մենք որքան ալ յուզուինք, սրդողինք, բարկանանք, ճշմարիտ է որ չենք ուզեր մոռնալ մեր և ձեր տարիներու բարեկամութիւնը, և ըստ այնմ, կը խորհիմ թէ սխալ չէ եթէ փոխադարձ վայելուչ վերաբերում մը սպասենք այսօր ձեզմէ: Պատմեցէք մեզի, թէ ի՞նչ համարումներու տակ որոճացիք ու կազմակերպեցիք վերոյիշեալ փլանը: որ այժմ՝ կառավարութեան ձեռքն է, և զայն գործնականացնելու համար ձեր պատրաստած թնդանութիւնը, ուսմբերն ու գէնքերը ո՞ւր պահած էք:

«— Ինձի բոլորովին անձանօթ բաներ է որ կը հարցնէք, պէյ էֆէնտի: Կ'աղաչեմ որ ձեր բարեկամական ըզգացումներուն դիմէք և չստիպէք զիս որ սուտ բաներ խօսիմ:

«Իմ պատասխանէս կատղեցաւ, ոտքի ելաւ, և վայելչութիւն փնտոող շունը այնպիսի զօրաւօր ապաակ մը իջեցուց դէմքիս, որ անոր տեղը կը ցաւի դեռ: Ապտակին վերայ աւելցուց նաև կրունկի երկու հարուածներ, ու հրամայեց զոյգ զինուորներուն, որոնք բրտօրէն կապեցին զիս, կապեցին ոտքերս և քաշեցին կռնակի վրայ, տարին ձգեցին Թ՛լկատինցիին մօտ:

«— Եթէ ձայն մը հանես կամ ընկերներուդ սեւէ մէկուն ակնարկ նետես, կը վերջացնենք կեանքդ ամիջապէս, — պոռաց ինձի կատղած ժանիքով, կրճաող ակոսներով, ու զուրս ելաւ, նոր հրահանգ տուաւ, նորէն ներս անցաւ:

«Ժամանակը շատ չ'երկարեց, ուրիշ մը բերին, ներս անցուցին, ճիշտ ինձի պէս: Միեւնոյն շար դեւը, ինձի ըրած միեւնոյն հարցումները կրկնեց նորեկին և աւելցուց:

«— Մեր կառավարութիւնը գտած է որ, Մալաթիայի մէջ հայ յեղափոխականները կարել տուած են 15 հազար զինուորի հագուստներ, որոնց տասը հազարը Խարբերդի կը վերաբերին: Ձեր հոգեւոր առաջնորդ Պսակ էֆէնտի Տէր Խորէնեանը, իր շուրջիններով յանձն առած էր այդ հագուստներուն թիւը Խարբերդի համար բարձրացնել 20, 000ի, որպէսզի յեղափոխութեան օրը, յանկարծ սոյն համազգեստով 20 հազար յեղափոխականներ, իբրև երկինքէն իջած բանակներ հրապարակ ելին և սարսափեցնեն թուրք կառավարութիւնն ու թուրք ժողովուրդը: Ձեր Մարտիրոս էֆէնտին ի՞նչքան ծանօթ կը պահէր ձեզ այս խեղդոյն:

«— Այդ կերպ պատմութիւն մը նոր կը լսեմ:
«— Այո՛, որովհետեւ ուխտած էք, և համաձայն այդ ուխտին, գերեզմանին դրան առջեւ անգամ յայտնի կ'ընէք թէ թուրքերուն հետ հաշտ չէք, և անոնց բարիքներն ու զոհողութիւնները կ'ուզէք ոտքի տակ առնել:

«— Կ'ուզեմ արդար մնալ:
«— Այո՛, կ'ուզէք արդար մնալ... Բայց մենք ճշտած ենք որ յիշեալ 20, 000նոց յեղափոխական բանակին մէջ հրամանատարի պաշտօն մըն ալ դուք ստանձնելու հաճութիւնը ցոյց տուած էք: Մենք այս բոլորը գիտնալով մէկտեղ դեռ կ'ուզենք որ մեր զլուխներուն վրայ պահենք ձեզ: Սակայն, քանի որ այդ բարձրութեան վրայ փոխանակ ազդուելու, փոխանակ երախտագիտութեան վերադառնալու, կը շարունակէք նորէն ուրանալ ու մեզ խաբել, վար կը նետենք ձեզ այդ բարձրութենէն, մեր ոտքերուն տակ կ'առնենք և կը բզկտենք», գոռաց, և հրամայեց որ զայն ալ մեր վիճակին դարձնեն: Ու երբ ան ալ կապեցին, անկիւն մը նստեցին, նոր հրաման եղաւ: Թ՛լկատինցիին քաշկոտեցին, ատեան տարին, մերկացուցին, հրեցին, հրմըշկակեցին, աջ կողմի վրայ թաւալեցուցին: Ոստիկանապետը

խարազան մը առաւ, ոտքի ելաւ, անոր հետեւեցաւ միւսիւր կոչուող երկրորդ սեւաւորը, որոնք ինկած զոնը առջև առին, նախ մղտեցին, յետոյ անպատկառ աչքեր ունեցան, խաթարուած սրիկայ դարձան, հեղնեցին, վաւաչոտ ծիծաղ մը բռնեցին և հարցուցին.

«— Դա՞րձեալ չես ուզեր խոստովանիլ, չե՞ս ուզեր երբեմնի էֆէնտիւթեանդ վերադառնալ:

«— Եթէ սպաննելու ալ ըլլաք, ճշմարիտ է որ չեմ կրնար ձեզ գոհացնելու չափ պատասխան տալու սուտեր հընարել: Ձեր հարցումները, ինչպէս ըսի առաջ, իմ կեանքի, իմ գործունէութեան ուղղութեանս երբեք չեն մօտենար: Ես իմ կեանքս մաշեցուցեր եմ սերունդի մը կրթութեան գործին մէջ: Իբրեւ թրքահայ, իբրեւ օսմանեան կառավարութեան հպատակ, ես աշխատած եմ քրքան հայ՝ նոյնքան թուրք սերունդի դաստիարակութեան: Ես կը սպասեմ որ դուք իբրեւ մարդ, իբրեւ պետական պաշտօնեայ, իբրեւ տարիներու մեր բարեկամները, իբրեւ յաճախ մեզ ծափահարող, մեր գործունէութեան հանդէպ խոր շնորհակալութիւններ յայտնող, ստորագրող ու յայտարարող, այսօր իմ վերջիչումին ամէնէն թեթեւ խիղճը ունենաք զոնէ:

«— Թուրքին խիղճը թուրք է, և ամէն ինչ որ անկէ կը բխի նախ թուրքինն է: Դուք ձեր հայրենասիրութեան մէջ կատղեցաք, ու նոյն կատաղութեամբ կ'ուզէք տակաւին որ մենք մոռնանք թէ թուրք ենք: Շատ բան ուզեցիք կատարել մեզի դէմ, և այդ ամէնուն փոխարէն, մենք, իբրեւ թուրք, իբրեւ պետութիւն ու կառավարութիւն, ստիպուած ենք անողոք ըլլալ այսօր, մինչև որ դուք խոստովանիք ձեր դաւադրութեան բոլոր գաղտնիքները: Մեր հարցումներուն կը պատասխանէք միշտ վարժապետական ճկունութեամբ, որոնցմով կը հաստատէք թէ իրապէս դուք մեզ սպաննել աշխատեցաք մեր ցոյց տուած գնահատանքներուն փոխարէն, ու հիմա ալ բնաւ համամիտ չէք զղջալու: Կը մնայ մեզի, ուրեմն, այրել ձեր այն լեզուն՝ որ տարինե-

րով մեր ազգին ու ժողովուրդին դէմ խօսեցաւ, և հիմա ալ դեռ կը յամառի իրողութիւնը ծածկել:

«Գաւառի սրբազան նահապետը գետինն էր, խարազանի և դաւազանի չարատանջ հարուածներուն տակ կը տապալակէր, կը պրկտուէր, կը կծկտուէր: Իր ազգաչանքները՝ իր ռոնգանքներն էին, որ անդամները կը ցնցէին, ու մեր ակռաները կափկափել կու տային...»

«Ներսը զիւլային արհաւիրք մը կար որ իր ժանիքները կը զօրացնէր, դուրսը զժոխային կրակ մը կար որ իր երկաթը կը կարմրցնէր...»



“... ու երբ ազատուի՛ր այս մահուան հնոցէն, ու երբ գրկնդ խառնուի՛ր ձեր եղբայրներուն հետ, իրարու աչքերուն նայի՛ր, իրարու արձագանգ դառնա՛լ, մի՛ մոռնա՛լ թէ դու՛ր գաղափարէ մը ծնա՛լ, որուն համար ձեր հայրերը երբեք չեն խնայած իրենց արիւնը, թէ այդ գաղափարի պաշտպանութեան համար միևնչեւ դժոխք իջա՛լ, անոր կրակներուն վրայէն քայլեցի՛ր, ու այդ անասելի տառապանքէն նոր կեանքի մտա՛լ: Ինչու՞նքի եւ նեւարտութեան համար ոչ մի ժողովուրդ այնքան բարձր ոգեւորութիւն ցոյց տուած է, այնքան նուիրական զոհեր ունեցած է, որքան ձեր հայրերը: Անոնց պայտարը եղած է պայտար մը մարդկային մեծ նուիրումին: Սերտեցէ՛ր զայն, եւ այդ միակ մեծ ու անփոխարինելի ժառանգութեան դիմեցէ՛ր շարունակ, անոր խորհուրդներովը շէնցէ՛ր, զօրացէ՛ր անդադար, միևնչեւ որ կ. բե՛նա՛լ Հայ ժողովուրդի գոյութեան սպառնացող Մեծ Իժը ջախջախել: ”

Այս ամէնը չմոռնալու համար լայնցէ՛ր, տարածուեցէ՛ր. Ձեր խօսքերը թող դառնան այն արդար հովերը, որոնց ձայներուն առջեւ ովկիանոսներն անգամ կը դողան: ”

ՀԱՅ ԶՈՂԻ ՊԱՏԳԱՄ. ՆԱՀԱՏԱԿՈՒԹԵԱՆ ԴՐԱՆ ԱՌՋԵՒ

Ե. ԳԼՈՒԽ

ԷՋԻ ՄԸ ԱՀԱԿՈՐՈՒԹԻՒՆԸ

Անձանօթ վէլօն այստեղ ընդհատեց իր պատմութիւնը. Իր նայուածքին ուղղութիւնը փոխեց, հոգեվարքի ցընորական շարժում մը կատարեց, սրտիս մէջ սարսուռ և ոսկորներուս մէջ ցուրտ մը սահեցնող նոր հառաչանք մը դուրս տուաւ, ակօսանքու սեղմումով աչքերը խօլթրնեց և գլուխը կախելով ճակատը սեղմեց, քիչ մը ատեն ինքն իր մէջ սուղուելու ձեւ պահեց ու դարձեալ շարունակեց.

«Այո՛, որդիս, ուժ չունի՛մ, դիմացող սիրտս ալ պակասած է ինձի, բայց հասկացողութեան գերակայութիւն մը, որ դեռ գոյութիւն ունի, կը ստիպէ որպէսզի շարունակեմ պատմութիւնս, ջանամ աւարտել դայն, քեզ յանձնել, ու դուն, երբ օր մը ազատութեան ձայնը լսես, լեզուդ բացուի, խօսելու և պատմելու կարող ըլլաս, չմոռնաս որ երբ դուրսի գինուորները, կրակին վրայ կարմրած բարակ երկաթը ներս բերին, Թլկատինցիին լեզուն այրելու գործին սկսան, փրօֆէսէօրը չդիմացաւ և բացադանչեց անկիւնէն. «Եթէ դուք մարդ էք, որպէս մարդ զգացէք և մեզ մի՛ տանջէք, եթէ որոշած էք մեզ մեռցնել, անդրադարձէք օր մը ձեզի հասնելիք մահուան երկիւղին և մեզ խաղաղութեամբ սպաննելու եղանակէն մի՛ հեռանաք: Ամէնէն ստորին սիրտը և խաթարուած բանականութիւնն անգամ չի կրնար դիմանալ ձեր այս բարբարոսութիւններուն: Հայերը դա-

րերով տքնած են ի խնդիր թուրք ժողովուրդին զարգացման, բարգաւաճման: Դո՛ւք, պարոն ոստիկանապետ, պարոն պաշտօնեաներ և աղաներ, դո՛ւք, իբրև ազնիւ թուրքեր, ո՛չ միայն պէտք չէ ուրանաք ձեր պատմութիւնը, ուրկէ վար իջած է ձեր էութիւնն ու գոյութիւնը, այլև մարդկօրէն պէտք է յիշէք մեր տարած ուղղակի և անուղղակի աշխատանքերը ձեր սերունդին կրթութեան և վերելքին: Աշխարհի վրայ ո՛չ մէկ նայուածք, ո՛չ մէկ զգացում, ո՛չ մէկ շարժում պիտի ներէ ձեզի՝ երբ դուք ձեր մտքի բարերարները այսօր կ'ուզէք բռնկել այնպիսի չարչարանքներով, որոնց առջև մարդկային պատմութեան մէջ սոսկումներով արձանագրուած հին Հռոմի անգթութիւնները կ'իյնան և Ներոնի հաճոյքները կը պապանձին:

«— Ասիկա լաւ ճառախօս մըն է, հարկաւոր է փութով ղրկել էնդի աշխարհ, իրեն սպասողներուն բանախօսութիւններ կատարելու համար, — ձայն առաւ միւսիւրը:

«— Ո՛չ, ան Եփրատ քոլէճի ամպիոնը կը կարծէ հոս, — վրայ բերաւ ոստիկանապետը, ծիծաղի միեւնոյն կոպիտ եղանակով:

«— Պէտք է նախ անոր լեզուն այրել, — մէջ ինկաւ աղա մը:

«Կ'ուզէք ան այրեցէք առաջ, կ'ուզէք զիս: Բայց գիտցէք թէ պիտի չմոռցուի այս ողբերգութիւնը, — պատասխանեց թլկատինցին նուազած ճիչերու մէջ:

«Ոստիկանապետը աչք ըրաւ, ոտքի ելաւ: Միւսիւրը առաջ անցաւ, կրակարանին մէջէն կարմրած բարակ երկաթը դուրս քաշեց ու պոռաց:

«— Խաբ կեանք, կամ լեզուն կամ աչքերը: Պիտի այրենք ձեզ ու այնպէս պիտի փճացնենք, հասկցնելու համար աշխարհի, թէ ի՞նչ ըսել է թուրքին դէմ մտածել, անոր դէմ գործել, անորմէ դաղտնիք պահելու յամառութիւն ունենալ: Ի՞նչ ըսել է մեզի դէմ դաւադիր ըլլալ, մեր հօր աչքերուն առջև արհամարհել մեր սրամտութիւնը, մեր կամքին դէմ անսասան գլուխ պահել, ծածկելու համար ծրարագրուած գործողութիւններու իրողութիւնը:


«— Այրեցէ՛ք ինչպէս որ կ'ուզէք: Հողը բողբ ունի և երկինքը ձայն: Անոնք պիտի չթերանան այս դատը մեր սերունդին յանձնելու: Եւ մեր սերունդը... թող ինք կարգայ մեր արդար դատաստանը, կատարելու համար հարկաւոր իրողութիւնը, — կանչեց զո՛ր:

«— Ձեզի համար ո՛չ հող կայ, ո՛չ երկինք և ոչ ալ սերունդ: Մենք աւերեցինք ձեր հողը, փլցուցինք ձեր երկինքը, ու անոնց փլատակներուն մէջ կը թաղենք նաև ձեր սերունդը», — պատասխանեց միւսիւրը:

«— Ահա այդ ժամուն ես տեսայ, ամէնքը ոտքի ելան: Ձոնը բոլորուած էր ստորին չարագործներով: — Նախ առնանդամը այրենք, ըսաւ մէկը: — Ո՛չ, առաջ սիրտը ծակենք, ըսաւ ուրիշ մը: — Կարեւոր է մտածող գլուխը նշանել ու յետոյ ուրիշ տեղերուն նայիլ, ըսաւ երրորդ մը: Փրօֆէսէօրը անձայն շրջեցաւ երեսի վրայ, նոյնը ըրաւ միւսը, ես ալ ինկայ վար, չեմ գիտեր ո՛ր կողմի վրայ, երբ դահիճներու զուարճազին ձայներուն մէջ լսեցի երկաթին այրումի պծրտուքը ու թլկատինցին, ա՛խ, այդ սուրբերուն սուրբը, սարսափելի ճիչ մը արձակեց:

«— Կը բաւէ ասոր, ճառախօսը բերէք, ձայնեց մէկը: Ու ի՛նչպէս քաշեցին, ի՛նչպէս մերկացուցին զայն, ի՛նչպէս նայեցան անոր ալ մերկութեան, մըղըրտեցին, ծիծաղեցան, ես չեմ գիտեր: Որովհետև աչք չունեցայ որ կարենար նայիլ, և հիմա, լեզուն չունիմ որ կարող ըլլայ զայն արտայայտել:

«— Ասոր ալ ամորձիքները այրենք, կ'ըսէր մէկը: — Ո՛չ, աչքերը փորենք, կ'ըսէր ուրիշ մը: Երրորդ մը կ'ուզէր որ մատները այրեն, չորրորդ մը սարսափելի չարութեան, խենչչային անգթութեան ուրիշ կերպ բաղձանք կը յայտնէր: Փրօֆէսէօրին ո՞ր տեղը այրեցին, ես չգիտեցայ: Սոսկումի ամէնէն անաւոր թանձրութեան մէջ՝ անոր ալ միայն այրումի պծրտուքը հազիւ լսեցի: Կարգը մե՛րն էր: Անտարակոյս: Կամքս հալած էր վազուց, հոգիս խուլացած էր զգայազուրկ: Կենդանի դիակ մըն էի պարզ, որ կը շնչէի դեռ,



Հայկական որբերու խումբ մը, որ Խարբերդի կիսաւեր Ազգ. Առաջնորդարանին մէջ երկուփուկեալ սարի ապաստանելէ յետոյ, 1922 - ին, իրենց վկայութիւնները տալիկելով անցան Սուրիա եւ ցրուեցան աշխարհի ամեն կողմերը:

և սակայն կը զգայի թէ այդ շնչատութիւնը անգոր կմ դառնար քակելու թռքերուս կծկաումը: Մեռան անոնք երկուքն ալ, ինծի կը թուէր թէ այո՛, ու ես ալ արդէն կիտուլին լրացած էի մահուան մէջ:

«Ոստիկանապետը կատաղութեան նոր կանչ մը արձակեց: Լսեցի զայն, բայց չհասկցայ: Հասկնալու կարողութիւնս թմրած էր արդէն, և մահուան մերձաւորի մը բնագրական զգացումովը ճակատի զօրաւոր շարժում մը կատարեցի ու կարգիս պատասխանը փութացուցի. «Այո՛, ես ալ պատրաստ եմ, տարէ՛ք, այրեցէ՛ք, սպաննեցէ՛ք այնպէս ինչպէս որ հաճելի կը գտնեն ձեր շար հոգիները: Չար հոգիները, այո՛, կը փլցնեն, կը քանդեն, կ'աւերեն, կը յոշոտեն, կը բզկտեն, բայց չեն կրնար մահացնել հատուցման լոյսը: Ես հաւատք ունիմ թէ մեր լոյսը չի մեռնիր, ու օր մը ձեր թաղած կարծած մեր սերունդը, այդ լոյսը յաւերժացնող ճակատներով պիտի մոնչէ»:

«Իմ պատասխանս լսեցի՞ն անոնք: Չեմ գիտեր: Որովհետեւ, չեմ յիշեր թէ կրցա՞յ ձայնաւորել զայն, և այդ ձայնը լսելի դարձնելու ո՞ր աստիճան ուժ ունեցայ»:

Անէծքի ամէնէն հզօր երգը կը ծնի այն արդար խօսքէն, զոր զո՞ր կ'արտասանէ վերջին անգամ իբրեւ բողոք ոճրագործներուն դէմ:

* * *

«Ժամանակը ի՞նչքան անցաւ, չեմ գիտեր: Դահլիճները ի՞նչ կընէին, ան ալ չեմ գիտեր, բայց գիտեմ, կը յիշեմ որ յանկարծ ոստիկանապետը ոտքերը գետին զարկաւ, խոր սրտատութեան մը արտայայտութիւնը կատարեց, ապա հրաման արձակեց Տիգրանակերտի պատերազմական ատեանը ղրկել մեզ:

«Անոր այս նոր հրամանը նոր անաւորութիւն մըն էր, բայց ես լսեցի զայն որպէս մեղմ հնչիւն մը, որ կը թեթեւցնէր ծանրացած ականջներս, շունչ կու տար, կը կենդանացնէր մահացած զգացումներս ու քանի մը ժամ դեռ եւս ապրելու հնարաւորութիւնը կը պարգեւէր»:

«Նոյն պահուն, երբ ես կ'աշխատէի աչքերս լոյսին բանալ, տեսայ մէկը որ սրունքներու կապը քակեց, զօրաւոր ապտակ մը իջեցուց աջ երեսիս, ցնցեց գլուխս, նոյնքան ուժեղ ապտակ մըն ալ միւս երեսիս զարնելով մրմռացուց զիս: Քիչ յետոյ, ուրիշի մը հետ թեւերէս քաշեցին, ոտքի հանեցին զիս, տարին դէպի դուռը, հրեցին դուրս, իջեցուցին բակը, քշեցին ախոռին դրան առջեւ, խառնեցին հոն կապուած ու կարգի կեցած բոլոր բանտարկեալներուն:»

«— Ո՛ւր կը տանին մեզ», գոչեց մէկը: Անոր ձայնին պատասխանը քոտտ ոտիկան մը տուաւ մութին մէջ, շառաչող փայտի քանի մը հարուածներով: Խօսիլը, ձայն հանելը, մինչեւ իսկ իրարու կողմ դռնալու և իրարու նայելու փորձն անգամ արգելուեցաւ:

«Գիշերուան ծանրութեան մէջ, ուր տառապանքի շունչը գերեզմաններէն դուրս կը մխար, մեր թեւերը կապեցին իրարու նոր պարաններով:»

«Բշեւու համար հրամանի կը սպասեն: Հոգիս անդրադարձի ճիգ կ'ընէ զգացնելու թէ ինքզինքիս տէրն եմ, թէ ինչ որ կատրուեցաւ և կը շարունակուի, երազ մը չէ՛, այլ իրողութիւն մըն է այս աշխարհի վրայ: Կ'ուզեմ թլկաթինցիին վիճակն իմանալ, կ'ուզեմ փրոֆէսէօրը տեսնել, կ'ուզեմ առջեւ կեցող ընկերոջս հպիլ, կ'ուզեմ խօսք մը ըսել կամ լսել, կ'ուզե՛մ... կ'ուզե՛մ... բայց ի՛նչ հնար: Սուինաւոր զինուոր մը քովս է կեցեր և սաստելու համար սպառնազին մուտուք մը կ'երկարէ շարունակ: Յանկարծ խեղդուկ ձայն մը լսեցի: Մէկը կ'աղաղակէր հսուի կողմս: «Ա՛խ, տէ՛ր Աստուած, ո՛ւր կը տանին մեզ...»: Անոր պատասխանն ալ յուզումի ալիքները եղան: որ զարնուեցան, փշրուեցան խաւարին առջեւ:»

«Ամէնքս ալ կարգի էինք, կը մղմղայինք անձայն ու ձայնաւոր, երբ, մէկէն տեսայ ոտիկանապետը իր խումբով մեր առջեւ ելաւ, մեզ համբեց, ու ճամբու զննելու համար հետեւեալ խօսքերը արտասանեց:»

«Անմե՛ղ բարեկամներ,

«Ինձի եղած հրամանին համաձայն, ձեզ քննելու իմ գործս ես կատարեցի այս երեկոյ, Կատարած քննութեանս ընթացքին, եթէ խստութիւնը քիչ մը ծանրացուցի, պատճառը այն էր որ ես ուզեցի ձեր մասին իմ ունեցած վստահութիւնս հաստատել տամ նաեւ իմ պաշտօնակիցներէս: Ես ուրախ եմ ձեզի ըսելու որ միւտիւր պէյը, սիրելի ոտիկանները և ձեր բոլորին ծանօթ այս յարգելի աղաները ինձի հետ, որոշապէս ճշտեցին թէ դուք անմեղ էք ու ամբաստանուեր էք յանիրաւի: Մեր կառավարութեան կեդրոնին հրամանն է սակայն, որ ձեր վերջին քննութիւնը Տիրքանակերտի պատերազմական ատեանը կատարէ: Այդ առթիւ, կը վստահացնեմ ձեզ բոլորդ ալ, որ մեր այսօրու և ան քննութեան արդիւնքը իբրեւ գրաւոր վկայութիւն պիտի ներկայանայ հոն, ձեր դատը կարճ կապելու համար: Ծանապարհին, երթ ու դարձի ձեր հանգստութիւններու մասին հարկաւոր ամէն յանձնարարութիւններ կատարուած են: Ուրեմն, երթա՛ք բարսվ):»

* *

Ես յափշտակուած էի իր պատմութենէն ամբողջապէս: Անհունօրէն զարնուրելի տեսիլներու առաջնորդող ճակատագրին մէկ մասնիկն էի, որ անշարժ, անթարթ կը խոնարհէի և լռիկ պաղատանք մը կ'երկարէի ամէն անգամ որ անծանօթ հայ վէլօն կ'ընդհատէր իր պատմութիւնը, ու տանջանքներու արտասովոր հառաչանք մը կ'արձակէր: Այս անգամ սակայն, ոտիկանապետին ճառը աւարտելուն պէս՝ անշարժ լռեց, թմրութեան մատնուող հիւանդի՞մը պէս աչքերը գոցեց, մարողի ձեւ առաւ, և անա ճակատէն դուրս եկան քրտինքի քանի մը կայլակներ, որմէ յետոյ ան վերագտաւ ինքզինքը, բացազանչութիւն մը թոցուց, որ ես չհասկցայ, խորունկ շունչ մը քաշեց ու դարձեալ շարունակեց:

«Այո՛, որդիս, շատ պատճառներ կան հաւատարմութէ դուն պիտի ապրիս, թէ եղբայրներ ունիս, որոնք նոյնպէս

պիտի ապրին: Ու երբ ազատուիս, ու երբ գիրկընդխառնուիս անոնց հետ, իրարու աչքին նայիք, մի՛ մոռնաք թէ դուք գաղափարէ մը ծնաք, որուն համար ձեր հայրերը երբեք չեն խնայած իրենց արիւնը դարերէ ի վեր, թէ այդ գաղափարին պաշտպանութեան համար մինչեւ դժոխք իջաք, անոր կրակներուն վրայէն քալեցիք, լացիք, հեծկտացիք, մրմռացիք, ու այդ անասանելի տառապանքէն նոր կեանքի մտաք: Իրաւունքի և ճշմարտութեան համար ոչ մէկ ժողովուրդ այնքան բարձր ոգեւորութիւն ցոյց տուած է, այնքան նուիրական զոհեր ունեցած է, որքան ձեր հայրերը: Հայ ժողովուրդի պայքարը, պայքարն է մարդկային մեծ նուիրումին: Սիրեցէք զայն: Սերտեցէք ձեր հայրերը: Եւ այդ միակ մեծ ու անփոխարինելի ժառանգութեան դիմեցէք շարունակ, անոր սրբազան խորհուրդներովը չէնցէք, զօրացէք անդադար, մինչեւ որ նպատակը վերածաղկի աւելի պայծառ եւ անոր հմայքին առջեւ կարենաք վեր առնել ձեր անխորտակելի կրօնկը ու ջախջախել մեր գոյութեան սպառնալ ջանացող Մեծ Իծը: Այս ամէնը չմոռնալու համար լայնցէք, տարածուեցէք: Ձեր խօսքերը թող դառնան այն պրզար հովերը, որոնց ձայներուն առջեւ ովկիանոսներն անգամ կը դողան»:

— Բայց դուք, հա՛յր իմ, արդար հայր իմ, կ'աղաչեմ, շարունակեցէք ձեր պատմութիւնը, և ըսէք ինծի թէ ի՞նչ եղաք Գեղ-վանքէն վերջ մինչեւ ո՞ւր գացիք, ի՞նչպէս եղաւ որ դուք ողջ մնացիք. — հարցուցի սղայական աղապատանքով, երբ նշմարեցի որ ան վերտախն, տրամութիւն մը կ'ամբարէր իր ծանրացած գանկին մէջ:

— «Մեզ քչեցին կատաղի մոլորութներով: Երկինքը աներեւոյթ եղած էր մեր աչքերէն և երկիրը իր խաւարը կը դառնայնէր: Կը քալենք առանց զգացումի, կը յառաջանանք առանց գիտակցութեան: Մեր մեկնումէն կէս ժամ անցե՞ր էր, չեմ գիտեր, բայց կը յիշեմ որ անա Տէվէ Պոյնիի ստորոտը, հոգեկան փլուզում մը իր աւերը կը սկսէր: Մեզմէ երկու հոգի գետին կը թաւալէին: Կ'իյնար թլկա-



Խարբերդի կիսաւեր Ազգ. Առաջնորդարանին մէջ պատկարարած ուրիշ խումբ մը որքե: Ե. Կար-
գի վրայ մեջտեղը նստած է հեղինակը, մասկարաւ որք քոզ մը հետ:

տինցին, կը շրջուէր փրօֆէսէօրը: Ուրիշ մը անոնց կը յաօջորդէր: Գեանին համար, հողին համար աղօթք կար, որ բացուէր, որ թաղէր զիրենք, քանի որ քալելու, մտածելու և ապրելու ուժը, կեանքի ուժը հրաժեշտ կու տար այլեւս: Մեզ քչոզ դահիճները կատաղի կանչեր արձակեցին, յետոյ հարուածեցին զանոնք որ ոտքի ելլեն: Սակայն, ո՛վ երկինք... անոնք ձայն չունին, չեն զգար հարուածներու սաստկութիւնը: Մեզմէ չորրորդ մը միայն մահուան ձանապարհի թմրութենէն դեռ չէր խորտակուեր և կը բողբոջէր. «Քանի որ մեզ ջարդելու կը տանիք, ուրիմն ինչո՞ւ մեր ձամբան կ'երկարէք այլեւս: Մարդկային կատաղութեան սահմանին մէջ թուրքի երկինքը այսքա՞ն ալ գթութիւն չի կրնար ունենալ»: «Թուրքի երկինքը այս լերան ետեւն է, Տիգրանակերտի ձամբուն վրայ, ուր թուրքի ճակատը իր գթութիւնը պիտի բաշխէ ձեզի, պատասխանեց սուսերազէն դահիճ մը:

Ուրիշ դահիճ մը արձագանգ եղաւ անոր շնական ձայնին. «Մի՛ վախնաք, քիչ մըն ալ համբերեցէք, մինչեւ որ այս լեռը անցնինք: Երբ կէօլճիկը (Ծովք) տեսնէք, պիտի տեսնէք թուրքին փրկարար դատաստանն ալ, որ ձեզի արժանի իր հատուցման պարտքը կը կատարէ»: Պիտի սպաննեն մեզ, կը լսենք բայց չենք զգար: Զիաւոր մը մոնչեց, իբրեւ թէ սաստեց մեզ ջարդելու իրողութեան երեւակայութենէն զուարճացող ու անհամբեր մեզ նախատող դահիճները:

«Մեր թափօրը, կենդանի մահուան թափօրը կեցաւ, և լուսութիւն...»

«Գեղ-Վանքի միւտի՛ր՝ Ծիլ-Հասանը մեզ հետ էր: հրամանատարն է տասնէ աւելի դահիճներուն և ընկերը՝ երեք ձիաւոր աղաներուն: Այս վերջինին հրամանին վրայ, երկու զինուորներ տասնապետի մը հետ Գեղ-Վանք վերադարձան, շուտով երեք աւանակ բերին, իյնողները կապեցին անոնց վրայ ու սկսան քչել նորէն: Կը քչեն մեզ մեր կապերով, կը քչեն մեզ մեր շարքերով, միշտ իրարու ետեւ, միշտ իրարմէ անջատ:

«Տէվէ-Պոյնի՛... Ու այդ գիշեր, այդ ցած լեռը բարձրացեր էր և գագաթը տանող իր ձամբան չէր հատներ: Զէր հատներ խաւարը լերան, մեր առջեւ այլեւս արեգակ մը չբանալու համար: Զէ՛ր հատներ կատաղութիւնը թուրքին, մեզի այլեւս օր մը չտալու համար: Կը քչեն մեզ անարգելով, կը քչեն մեզ նախատելով, կը քչեն մեզ շարչարելով: Մեզմէ ոչ ոք լեզու ունի: Մեր շարքը խուլ թափօր մըն է, որ կը գալարուի՝ որ կը ծանրանայ, որ չի գիտեր թէ ո՛ւր կ'երթայ:

«Հասցուցին մեզ վերջապէս այդ ցած լերան բարձր գագաթը, ուր հով մը, յիշատակներու զով հով մը չոյեց մեր դէմքերը և մխիթարելու անզօր դարձած՝ լացաւ մեր ծունկերուն վրայ:

«Բնութիւնը լոյս չունի: Անհունին մէջ բազմազան ձայներ կան, որոնք բոլորովին անծանօթ և անհաճոյ եղանակ մը ունին, ու կը թուի թէ մեր վրայ կ'իջնեն, մեր ականջներուն առջեւ կը մարին, մեզմէ զատ ուրիշ մը չըլսելու համար:

«Լերան գագաթը կոծող երգ մը կայ, որ մեր յուզարկաւորութեան ողբը կը կազմէ, առանց ջահի ու առանց թափօրի:

«Ճանապարհէն դատեցին մեզ: Քիչ անդին, դահիճները շրջան կազմեցին մեր շուրջը: Միւտի՛րը կամեցաւ որ հանգիստ առնենք: Ատիկա ջարդին սկսելու պատրաստութեան նշան մըն էր, ինչ որ մենք չէինք գիտեր: Աղայի մը թելադրանքը փոխեց միւտի՛րին կամքը: «Հոս, ճանապարհին մօտիկ, հանգստացնելու յարմարութիւն չկայ: Կէօլճիկը հեռու չէ, լաւ է անոր եզերքն իջեցնել»: Ուրիշ աղա մը անմիջապէս ձայն առաւ և հաստատեց: Ու քչեցին մեզ վար, զառիվար, փութով հասցուցին լճեզր ծո՛վը, ծո՛վը Ծովքի, ծո՛վը Խոռվքի, ծո՛վը Ծնորհալիի խոկուններուն: Հո՛ն, ուր աստղերը ջուր կ'իյնային սարսափահար, ուր ալեւակները ցամաք կը զարնուէին դողահար, հո՛ն, եզրին վրայ, երբ առաւօտը նոր կը սկսէր նշան տալ, մերկացու-

ցին մեզ, վերստին կապեցին, եւ անա մեր ետեւ, վար նե-
տեցին Թլկասինցին, վար նետեցին փրոֆէսէօրը, վար նե-
տեցին միւսը: Գալարում մը անոնց մարմինները կը կծկէր
անձայն:

Աւազին վրայ, աւազներու խշրտութիւնք մը կը բորբոքէր
անոնց տապալտութիւններէն, մինչդեռ հարուածները կը շարու-
նակէին ջախջախել անոնց գանկերը, ծակծակել անոնց լանջ-
քերը: «Թուրքին աշխարհը ձեզի տեղ չկայ, գացէք էնդի
աշխարհ, և հոն մշակեցէք ձեր ծրագիրները, հոն հիմնեցէք
ձեր նոր դպրոցները՝ կատարելու համար ձեր վրէժխնդրու-
թեան պրոպագանդի քարոզներն ու արարողութիւննե-
րը», կը կանչէին զարնողները մոլեգնօրէն: Մնացեալներս,
անմիջապէս ծունկի չոքեցանք աղօթելու: Կ'աղօթենք ա-
ռանց աղօթքի, երբ յանկարծ «Լճին եզերքը, եզերքին վրայ
ջարդեցէք ամէնքը և նետեցէք զանոնք ջուրին մէջ», պո-
ռաց միւտիւրը, որ աղաներուն հետ մէկ կողմ կեցած կը
դիտէր այս անաւոր տեսարանը ու, անշուշտ, կը հրճուէր:

«Լճի եզրին վրայ մեզ ծունկի բերին և սկսան հար-
ուածել դանակներով, սուրերով, սուրիններով: Ջարդարար
մը հրացան պարպեց քովինիս գանկին, ուրիշ մը իր սուրը
նետեց, կտարեց անոր մէկ թեւը: Երրորդ սուր մը ինձի
իջև, բայց ցնցում մը, զոր կատարեցի բնազդաբար, պատ-
ճառ դարձաւ որ պարապին անցնի հարուածը ու կտրէ զիս
ընկերոջս կապող պարանը: Նոր հարուած մը պիտի իջնէր
ինձի, սակայն, անա այս անգամ հրացան մը պայթե-
ցաւ գանկիս ետեւ, զգացի թէ փշուռեցաւ զլուխս, տար-
տղնուռեցաւ ուղեզս, ինկայ ծովը, ինկայ ջուրերուն մէջ:
Փռութիւնք ուրիշ մը զարնուեցաւ և շրջուեցաւ իմ վը-
րայ, երկրորդ մը, երրորդ մը, ու կը շարունակէին իյ-
նալ, գլորուել շուրջս, զիս ծածկել իրենց դիակներով, եւ
ատոնք, ջուրին մէջ իյնալէն յետոյ, դեռ անդադար կը
բղկտուէին սուրերու, դանակներու և սուրիններու հարուած-
ներուն տակ:

«Ու ծո՛վը, առաւօտեան մութ չողերու ծո՛վը, կա-

պոյտին մէջ բիւրեղացած ծո՛վը, կարմրեցաւ, արիւնի ծով
դարձաւ:

«Ես սուգուեցայ ծովուն մէջ, ես թաղուեցայ արիւնին
մէջ»:

* * *

Եւ անա յանկարծ, այս զարհուրելի մարդը, այս աղե-
խարչ պատմիչը սոսկում մը ունեցաւ, մոլտութիւնք մը արձա-
կեց ու գոչեց «Ծո՛վը, ծո՛վը, որ երէկ լոյսի ծով էր, յոյսի
ծով էր, առաւօտեան ցողերու համբոյրը կը ծաղկեցնէր Շը-
նորնալիին ձայնը կ'երկարէր, Ապիրատի յաղթական կան-
չը կ'արձագանգէր, ցեղիս բամբը կը հնչէր, մեղեդին կ'օրօ-
րէր, այսօր... այսօր... ա՛հ որդիս, այսօր արեան ճապա-
ղիքներու...»: Ու կեցաւ, աչքերը բացաւ ուժգին, ցնցուե-
ցաւ ու լոռութիւն...: Դուրսէն ձայն մը փրթաւ որ կը
կանչէր. «Օլան վէլօ՛, օլան վէլօ՛, կեալուրուն կեալուրը,
ո՛ւր ես, կը քնանա՞ս, կ'երագե՞ս, կ'աղօթե՞ս, թէ ոչ մեզի
նախատինք կը կարդաս...»

Ոչինչի սպասեց. դիւանարի փոթորիկով մը բացուեցաւ,
մրբկած աչքերը դէպի դուռը դարձուց, ակռաները սեղմեց
ու պատասխանեց. «Հո՛ս եմ, հոս, գիշերուան ծովուն մէջ,
անդունդին մէջ, ուր դուք ձեր շան ճանկերով բղկտեցիք
ու կը բղկտէք դեռ իմ արդար, իմ լուսաւոր ցեղս: Հո՛ս
եմ, հո՛ս, պատմութեան անյեղլի կոչին առջեւ, ուր անաւոր
խօսքը կայ, ուր հատուցման հողին կը քանդակուի, ան-
շուշտ այս աշխարհի վրայ ապրող սեւաւոր հրէշները անի-
ծելու համար»:

Յետոյ, փութով դարձաւ ինձի, գլուխս գրկելու ձեւեր
ըրաւ, բայց անկատար, ետ քաշուեցաւ շուարողի պէս, նա-
յեցաւ աչքերուս վախցնելու աստիճան, նորէն դարձաւ դէ-
պի դրան կողմը, խոժոռեցաւ, ոտքի ելաւ. «Գիշերուան
այս խոր պահուն ի՞նչ կ'ուզէ շան զաւակ Սլօն: Տակաւին
երկար ատեն կայ առաւօտը ծայր տալու, ատեն կայ ախօ-

որ ծառայութեան սկսելու: Եւ ինչո՞ւ այս անգամ աւելի կատրած ձայն ունի»:

«Դուրսի կանչը, իրեն ծանօթ կանչը հետզհետէ կը լեւնար ախորը և իր սաստկութեամբ աւելի կը մօտենար:

«Հոս սպասէ դուն...», ըսաւ ու տակաւին խօսքը չըլրացուցած՝ Սլօ պէյը ներս մտաւ երկու հսկայ քիւրտերով, որոնցմէ մէկը տեսած էի նախորդ երեկոյ:

Իմ ներկայութեանս ոչինչ ըսին անոնք: Չայն առին ու իրենց ճրագի լոյսին տակ ախոռ անցան փութով: Դողացի մինակ, սեղմուեցայ ինքս իմ մէջս անգամ մըն ալ, վերօյիչեցի կրօնի դաս մը: Գեթսեմանի կալանաւորման խորհուրդը. «...Եկին անդր ջահիւք, լապտերօք և զինուք, արկին ի նա ձեռս և կալան զնա», զարհուրեցայ ու ինքնաբերաբար ծուռնկի եկայ աղօթելու:

Աղօթքը բողբոն է անձարին:

Երկու վայրկեանի չափ հազիւ անցաւ, Սլօ պէյը վերըստին ներս մտաւ, զիս տեսաւ ծուռնկի վրայ ու հարցուց.

— Կ'աղօթե՞ս: Ի՞նչ բանի համար:

Չայն չտուի:

— Այդ կերպ աղօթքը իսլամի՞ է թէ կեալուրի:

Նորէն ձայն չհանեցի:

— Չայն չես հաներ, որովհետեւ կեալուրէ ծնած ես և միամտաբար դեռ կը հաւատաս թէ կեալուրը Աստուած ունի, ինչպէս որ յիմարօրէն ալ, մեր տան շնորհքը փախցնող կեալուրին խօսքերուն հետեւելով եկեր ես հոս ու մինչ չեւ հիշա արթուն կեցեր ես:

Աչքերս խոնարհեցուցի: Սակայն ան, կարեկցելու տեղ սպառնալիք մը կարդաց ինծի.

— Ի՞նչ քարոզեց քեզի:

— Գէշ բան մը չըսաւ:

— Եթէ չբացատրես, այստեղէն դուրս պիտի չկարողանաս ելլել: Կը ստակեցնեմ քեզ մէկ հարուածով:

Ուղեցի անվախ մնալ, բայց չկրցայ ու դողացի:

Ան, իմ չուարուս տեսնելով, փոխեց իր վարմունքին

եղանակը ինձ հանդէպ: Իր արհամարհող դէմքին տուաւ հեգնող ժպիտ մը և հարցուց.

— Կը վախնա՞ս: Խորհեցար թէ իրօք պիտի սպաննե՞մ քեզ:

— Ու իր դանակին երկարած իր ձեռքը ետ քաշեց:

— Ո՛հ, ո՛հ, ընաւ մի՛ վախնար ինձմէ, մի՛ խռովիր երբեք: Ես բարկացայ, որովհետեւ չեմ գիտեր թէ վաղը հանրմիդ ի՞նչ կերպ պիտի պատասխանեմ երբ լսէ որ դուն փոխանակ հանդիստ ընելու, փոխանակ քնանալու, անքուն ու անհանդիստ անցուցեր ես ամբողջ գիշերը, մեր տունը հարամ դարձնող կեալուրի մը երեսէն:

Ինքզինքիս ճիգ մը տուի անոր այս ձեւ գուարձանքին առջեւ, խորհելով թէ մի գուցէ դեր մը կրնամ կատարել:

— Կ'աղաչեմ, պէ՛յ, որ այս մասին չմտածէք ընաւ: Հանրմ էֆէնտիներու կամքովն ու հաճութեամբն էր որ ձեր ծառան մօտեցաւ ինծի: Անոնք զայն կանչեցին: Անոնք հրաման ըրին որ ան իմ մօտս գայ, որ ջանայ իմ տրտմութիւնս փարօտել: Յետոյ, ես էի որ խնդրեցի իրեն ընկերանալ հոս գալու, քանի որ քուն չունէի, ու վերը անքուն աւ մինակ պիտի նեղուէի:

— Անցնող երեկոյին ձայն չունէիր, սակայն, կը տեսնեմ որ հիմա լեզուանի ես դարձեր: Ի՞նչ շուտ սովրեցար այդ ճարպիկութիւնը:

Ճարպիկութիւն... ա՛հ, ո՞ւր տեղ, ի՞նչ յոյսով...

— Եկուր ետեւէս, քեզ առաջնորդեմ սենեակդ: Ես գիտեմ որ կեալուրը շուտով և դիւրաւ կրնայ լեզու դընել իր զաւկի բերնին մէջ, մանաւանդ մեր կեալուրը, որ աշխարհի լեզուն ունի: Մենք գիտենք անոր հօգին, մենք լաւ ճանչցած ենք անոր սիրտը, անոր խոր նայուածքներուն վատ իմաստը մեզ հանդէպ: Անիկա մէկն է այն խառք կոչուածներէն, որոնք վերջին ծայր ատելի յամառութիւններ ունին: Բազմաթիւ անգամներ նշմարած եմ անոր թըշնամական մտածումներուն անզսպելի արտայայտութիւններ:

րը, և նոյնիսկ, եղած են պաբագաներ, որ ցցուած է ինծի դէմ խոժոռ աչքերով: Հակառակ հօրս ցոյց տուած լայն հետաքրքրութեան, հակառակ իմ կատարած այնքան շատ պնդումներուս, գրեթէ բանեցուցած ստիպումի միջոցներուս, իր կեավուր անունն ու ծննդավայրը տակաւին անձանօթ կը մնան մեզի: Անշուշտ քեզի յայտնեց այս բոլորը, այնպէս չէ՞, քանի որ կեավուրը կեավուրէն դադտանիք չի պահեր, և կըսեն թէ, պահելը իրեն համար մեղք մը կը սեպէ:

— Այդ մասին ես ոչինչ հարցուցի իրեն, և ինքն ալ բան մը չպատմեց ինծի:

Նորէն անզգամի քմծիծաղով մը հեգնեց և զիս սպաննելու ախորժակ մը ցոյց տուաւ:

— Ապա ի՞նչպէս ան անմիջապէս ամբողջ գիշեր մը ուշադրութիւնդ գրաւելու չափ հաճոյք պատճառող սիրելի մը դարձաւ քեզի: Ապա ի՞նչ կարգի խօսքեր էին որ գրեթէ ամբողջ գիշեր մը գրգռութիւնդ արթուն պահել կարողացան: Չէ՞ որ դուն, երէկ, ամբողջ ցերեկը քալելէն յոգնած էիր և պէտք ունէիր փութով պառկիլ ու ննջելու:

— Ես, իմ հանրմիտ ու անոր ամբողջ ընտանիքին ունեցած գութն ու գորովը բացատրեցի, ան ալ, իր հանդէպ ձեր ունեցած բարեացակամութեան մասին պատմեց ինծի երկար: Յետոյ թիլադրանքներ ըրաւ ինծի, որպէսզի երախտագիտական զգացումով շարունակեմ միշտ լաւ ծառայել, որտանց ծառայել հանրմիտ տանը:

— Մինչեւ ե՞րբ:

— Մինչեւ... — կրկնեցի ու կարկամեցայ:

— Այո՛, այո՛, կը հասկնամ շատ լաւ թէ սխալած չեմ: Որքան որ տարիքդ փոքր է, բախտ ու ճկունութիւն ունեցեր ես իսլամի անունի մը տիրանալ, բայց գլուխդ միշտ միեւնոյն քեֆիլի գլուխը կը մնայ: Կը հասկնամ նաեւ թէ զայն աւելի պնդացուցեր ես, այս գիշեր մտիկ ընելով վարպետ կեավուրի մը: Այնպէս չէ՞:

— Կը խնդրեմ, տէր իմ:

— Գիտեմ որ կը խնդրես, բայց դժբախտաբար իմ ծառաս չես...:

Անմիջապէս նորէն ինքզինքին կեղծաւորի կերպարանք տուաւ, բարեկամ դարձաւ:

— Է՛հ, չե՞ս ուզեր որ բարի ճանապարհ մը մաղթես կեավուրի պարագլուխ մեր ծառային:

— Ո՞ւր պիտի երթայ:

— Կը տանիմ մեր տունէն հեռու, փոկելու անոր հաշիւը այս առաւօտ:

— Պիտի սպաննէ՞ք զայն, տէր իմ:

— Ո՛չ, Հայրս ուզած է զայն, կը տանիմ անոր, որպէսզի հոն աշխատող քեզի պէս տղաներուն քարոզ կարողայ:

Սրտայայտութեան նման ձեւեր ու եղանակներ, այդ ատեններուն այնքան գործածական էին ժժագործներուն մօտ, որ շատ հեշտ էր այլեւս հասկնալ թէ զայն կը տանէին անգամ մըն ալ չվերադարձնելու համար: Ալ շատ պարզ էր որ անցեալ երկուսից, Սլօ պէյ, հսկայ քիւրտին հետ անոր սպանման մասին կը խօսէր ու թերեւս զիս ալ ըսպաննելու բաղձանք մը կը թագցնէր:

Սլօ պէյ ձեռքէս բռնեց, ախոռէն անցուց բակը, բակէն ալ ուղղակի հիւրանոցին սենեակը առաջնորդեց:

— Առաւօտը մօտ է քակուելու, ու մինչեւ արեւի ծագումը բաւական ատեն կայ, քնացիր քիչ մը, — ըսաւ ու փութով փակեց դուռը, իջաւ բակ, բակէն ալ անցաւ դուրս, միացաւ դրան առջեւ սպասող երկու քիւրտներուն ու հայուն: Չտեսայ որ կողմը գացին, կորսուեցան մութին մէջ:

Սենեակին դուռը կը պեցի ետեւէն, անկիւն մը ծունկի հկայ, սակայն աղօթքի խօսք մը գտնելու անգորութեան մէջ թմրեցայ, ինկայ բազմոցին վրայ ու լացի, լացի արցունքներս կուլ տալով: Կեծկտուքներուս անաւորութեան մէջ ստգտանքներս կը կծկուէին, մարմինս կը ճզմուէր, ոսկորներս իրար կ'անցէին՝ մզմզցնելով մինչեւ եղունգներս:

Քիչ յետոյ թմրութիւնը զօրացուցեր և թողեր էր զիս ինկած տեղս:

Հրաժեշտ կայ դաժան ուժերու դէմ,
• • • • •

Մեռելներն են որ կր խօսին:
• • •

Չ. Գ Լ Ո Ւ Խ

ՉԱԿԵՐՏՈՒԱԾ ԱՐԱՐԷՆ ՅԵՏՈՅ

Կէս օրուան մօտ է, Գիւրտ Եմլիկէն բաւական հեռու
զառիվեր մը բռնած ենք ու կը քալենք,

Լերան կուրծքն ի վեր ոլորուող և բարձրացող մեր
ճամբան բանուկ չէ, ձեռն չունի, բայց չի դժուարացներ մեր
գնացքը: Բաց, լայն, քիչ անգամ խարխուլ ճանապարհը
ցած լեռան կողերուն վրայ կը դառնայ անդադար, մինչեւ
որ ուսերուն հասնի, մինչեւ որ ճամբորդը, լերանց մէջ,
կապոյտին վրայ ճառագայթուող Ծովքի լիճը տեսնէ ու
անոր բիւրեղեայ օդին շարժումներուն շոյանքը զգայ իր
դէմքին վրայ:

Շատ կը սիրեմ լեռը, կը սիրեմ անոր սլացքը, բար-
ձրութիւնը, վեհութիւնը: Լեռը ինձի համար ներշնչում ի յա-
տուկ շնորհք ունի, սգեւորումի մասնաւոր զօրութիւն կը պա-
հէ: Հասարակաց է արդեօք այս վարկածը: Չեմ գիտեր: Սա-
կայն, գիտեմ որ լերան այդ անբացատրելի ուժը իմ հոգին կա-
խարդող գմայլելի մէկ գիծն է եղեր շատ կանուխէն, եւ ո-
րուն առջեւ, բազմաթիւ անգամներ յաջողեր էի տրամու-
թիւնս փարատել ու ճակատս արիացնել:

Եւ այդ անգամին ալ, երբ բաժնուեցանք դաշտային
ամոյն ու ծանր մթնոլորտէն, ճամբաներուն վրայ թեւ
առնող ու գործող ոճիրներէն, երբ բաժնուեցանք աւերակ
ու զոհերու սեղան դարձած գիւղերէն, դժոխային սարսուռ

տուուղ այդ տեսարաններէն, երբ բաժնուեցանք նաև Քիւրա եմլիկէն, Սլօ պէյ կոչուող չարագործին տունէն, ու երբ տեսայ առաւ օտեան ցողէն լուացուած, լերան արեւէն պայծառացած քարերը, անոնց միջոցներուն, անոնց եղերքներուն աճող, չէնցող, լայնցող, տարածուող թուփերու թարմ բողբոջները, խոտերու մատղաշ ծիւրերը, ծաղիկներու բազմագոյն ձևերը, զգացի թէ միեւնոյն սէրն է որ ծայր կու տայ, կ'աճի ու կը ձգտի զիս մխիթարել:

Առտուն, երբ արթնցուցին զիս, արեւը բաւական բարձրացեր էր, ուրեմն մօտաւորապէս երեք ժամ քնացեր էի: Չեմ գիտեր ինչպէս եղաւ նախաճաշ լաւ ըրի, ու բախտ ունեցայ զիս մինչեւ տուն հասցնող հին կօշիկի շնորհքն ալ գտնել, այնպէս որ Ֆիզիքական տրամադրութիւնս շատ գէշ չէր: Գիշերուան մարդը, կեղտոտ ցնցոտիներու մէջ թաղուած զարհուրելի պատմիչը, տժգոյն դէմքով և չարչարուած աչքերով կմախքացած հին ճգնաւոր մը յիշեցնող հայր միայն կ'երեւակայէի, բայց լերան հմայքը՝ կը թուէր թէ չէր թողուր որ այդ երեւակայութիւնը զիս տանջելու չափ բորբոքիչ դառնար:

Հանդարտ գնացքով, կէս ժամի չափ բարձրացանք գրեթէ: Յանկարծ չորցած գանկ մը նշմարեցի ճանապարհէն քիչ հեռու՝ բուռ մը խոտերու մէջ: Նայեցայ, բայց ոչինչ ըսի: Ուզեցի որ հանդարտութիւնս խեղդող յիշողութիւն մը չարթննայ: Սակայն, հազիւ նայուածքս փոխեցի յառաջացող քանի մը քայլերուս հետ, ահա, խորտակուած կմախքի մը լանջքը տեսայ: Թեւերովը միասին:

Սլ չկրցի համբերել: Յած ձայնով հարցուցի Պէքոշին, որ իմ կողքիս անձայն կը քչէր իր էջը:

— Այս ի՞նչ ոսկորներ են:

— Զամբաղ քալէ, գաւակս:

Ան զիս սաստեց, իր ձայնին մէջ մտցնելով բարեկամական եղանակ մը:

Լոկեցի անկերպարան մտածումի մը շարժումին առջեւ: Մինչ քանի մը քայլ անդին ուրիշ գանկ մը տեսայ, որ

տակաւին չէր բաժնուած երխտասարդ ու փայլուն ակռաներէն:

Նայեցայ այս վերջինին, նորէն նայեցայ, հանրմիա ձիուն ասնձը թողելու և աւելի մօտէն դիտելու չափ իրար անցայ: Իմ այս երեւոյթիս հանդէպ, արուհիս ինձի բան մը ըսելու տեղ, դիտեցի որ սկսած է արամողի ձեւ առնել և աղօթք մը մրմնջել:

Պէքոշն էր դարձեալ, որ փորձեց հետաքրքրութիւնս թմրեցնել, ցոյց տալով ինձի մեր ճամբան: Մինչ ես, այս վերջի անգամ, յիշեցի անոր ըրած մէկ պատմութիւնը քանի մը շաբաթ առաջ՝ իր չարագործ ընկերներուն, թէ «Քիւրա եմլիկի լերան մէկ ձորամէջին ես տեսայ սրունքնին կոտրտած քանի մը կեանավորներ, որոնք անօթութենէն իրենց կողքին ինկած ու արեւէն խաչած դիակները կը կրծէին, եւ ծարաւէն իրենք իրենց լանջքերուն վրայ կը սողային քիչ անդին գոյացող քանի մը պուտ ջուրին հասնելու համար:» Զիս ցաւցնելու նպատակաւ Պէքոշին ըրած այս պատմութիւնը զուարճացուցած էր իր ունկնդիր ընկերները, և այդ գարշելի զուարճանքին առջեւ հաճոյքի տուն մը ստորագրող գազանի պէս ուրախացած էր պատմողը: Իսկ այդ ժամուն, արդեօք պիտի ուզէ՞ր անգամ մըն ալ հաստատել իր կատաղութեան զարնուիլը Սիւլեմանին արտայայտած հարուածներէն:

Քաղաքներէ և գիւղերէ հեռու, ինձի ծանօթ վայրերու սեմը համբուրող ազատ լերան կուրծքին՝ բռնուելու վախ չունիմ, աչքերս չեն յոգնիր, լիզուս չի կապուիր, ու ասոր հետ մէկտեղ թեթեւ յուզում մը հետաքրքրութիւնս կը գրգռէ: Մեզմէ քիչ անդին երկարող ձորը կը ցուցնեմ Պէքոշին ու կը հարցնեմ ցած ձայնով:

— Հո՞ն էր որ տեսած էիք դիակներ կրծող և պուտ մը ջուրի համար գետնէն սողացող կիսամեռ գտները:

— Ոչ:

— Ապա ո՞ւր էր:

— Այստեղէն հեռու է:

— Չէ՞ք կրնար ցոյց տալ ինձի:

— Շատ հեռու է:

— Բայց կը խորհիմ թէ կրնանք տեսնել յիշխալ ձորը՝ եթէ ուղէք մատնանիչ ընել:

— Ինչո՞ւ այդքան կը հետաքրքուիս, եւ յետոյ, տեղը տեսնելով ի՞նչ պիտի հասկնաս, քանի որ այնտեղ ջարդը՝ ւողները արդէն հիմա փտած ու հող դարձած են:

— Երէկ հաճոյքով կը պատմէիք այդ զոհերուն անաւոր վիճակը իբրեւ ձեր մէկ լաւագոյն յաղթութիւնը, իսկ այսօր տեղն անդամ ինձի ցոյց տալ չէք ուզեր: Զարմանալի է:

Մենք կը քաշենք ճակատնիս հարաւին տուած: Ու Պէքոշ, իրեն ուղղած իմ վերջի խօսքիս առջեւ կարծես չը դիմացաւ, աչքերը դէպի արեւելք դարձուց, այն կողմը երկարող մեծ ձորի մը նայեցաւ գլուխը երեքցուց, նայուածքը ես քաշեց եւ թեթեւակի ձայնով մը արտասանեց.

— Խեղճե՛ր...

Ես սիրտ առի, համոզուելով թէ անոր զղջումը, գոնէ այդ ժամուն, բացարձակապէս տիրական էր եւ կատղելու, կամ նոյնիսկ պարզ բարկութեան համար ուժ չունէր:

— Ուրեմն մեր ճանապարհը յիշխալ զոհերուն բաց գերեզմաննոցին մօտէն պիտի չանցնի՞:

— Բնա՛ւ:

— Ուրեմն ես պիտի չկարողանամ ճանչնալ գոնէ ձորը միայն:

— Ըսի թէ ճամբադ քալէ, դաւակս, եւ թող որ մոռնանք այդ դէպքերը:

Այս վերջին պատասխանը ուրիշ կերպ ապացոյց մըն էր թէ Պէքոշ զարկած էր իր գագառը, եւ եթէ զայն բորրովին չէ մեռցուցած ալ, վտանգաւոր դառնալէ դադրած էր այդ ատեն:

Հանրմիտ կը դառնամ, ան ինք իր մէջ զբաղուած է դեռ, եւ իմ համարձակութիւնս նոր թեւ կ'առնէ, նոր հարցում կ'ընեմ.

— Մեր ճանապարհին եղերքներուն ինկած է այս ոսկորները կը ցուցնեն թէ այս տեղերն ալ ջարդ մը կատարուած է: Այնպէս չէ՞:

— Չեմ գիտեր:

— Արդեօք ջարդուածները խարբերոցինե՞ր են:

— Ոչ:

— Ուրեմն գիտէ՞ք:

— Կեալուր օղլու կեալուր ես:

— Կը խնդրեմ:

— Երբ տուն հասնինք, այս մասին հարցուր Ֆիքիրին եւ Փափոյին:

Հանրմտ այս երկու անունները լսելուն պէս ճիշ մը արձակեց եւ սպառնաց որ ալ չխօսինք:

Անիկա կու լար նորէն, եւ այս անգամ աւելի խոր յուզուած կը սրբէր իր արցունքները:

Քաղաքէն գիւղ վերադառնալու այս ճամբորդութենէն քանի մը ամիսներ առաջ էր, երբ ես, վերջապէս չդիմանալով ինձի տրուած չարչարանքներուն՝ փախեր էի: Կէս օր մը լեռը անցուցած էի: Յաջորդող գիշերին իջած էի վար, թաղնուած էի անկիւն մը ու առաւօտուն կանուխ ինքզինքս նետած էի ճամբայ՝ նոր գիւղ մը երթալու, նոր թուրք աղայի մը քմահաճոյքին յանձնուելու համար:

Գիւղին առջեւ, լճակը կը կծէր մեռելներու յարուցած ցաւէն, նորածագ արեւին ճառագայթները կու լային ալիքներու կտրտած թեւերուն մէջ: Լճի եզրին, աւազին մէջ ու աւազէն դուրս բարձրացող թաւ ուռնիները աշնանային ստուերներու տրամութիւն մը կը խտացնէին, եւ ես, հոն, գոհի մը ոսկորին մօտ հողին վրայ կեցած՝ կեանքիս ճակատագիրը կը կախէի անձանօթ բախտի աշտարակին: Յանկարծ երկու մարդիկ անսայ, որոնք վար իջանք եկան ինձ մօտ, զիս տեսան ու խնդացին: Մէկը Օսման ա-

— Չէ՞ք կրնար ցոյց տալ ինձի:

— Շատ հեռու է:

— Բայց կը խորհիմ թէ կրնանք տեսնել յիշեալ ձորը՝ եթէ ուզէք մատնանիչ ընել:

— Ինչո՞ւ այդքան կը հետաքրքուիս, եւ յետոյ, տեղը տեսնելով ի՞նչ պիտի հասկնաս, քանի որ այնտեղ ջարդը՝ ւողները արդէն հիմա փտտած ու հող դարձած են:

— Երէկ հաճոյքով կը պատմէիք այդ գոհերուն ահաւոր վիճակը իբրեւ ձեր մէկ լաւագոյն յաղթութիւնը, իսկ այսօր տեղն անգամ ինձի ցոյց տալ չէք ուզեր: Զարմանալի է:

Մենք կը քալենք ճակատնիս հարաւին տուած: Ու Պէքոշ, իրեն ուղղած իմ վերջի խօսքիս առջեւ կարծես չը դիմացաւ, աչքերը դէպի արեւելք դարձուց, այն կողմը երկարող մեծ ձորի մը նայեցաւ գլուխը երեքցուց, նայուածքը ես քաշեց եւ թեթեւակի ձայնով մը արտասանեց.

— Խեղ ճե՛ր...

Ես սիրտ առի, համոզուելով թէ անոր զղջումը, գոնէ այդ ժամուն, բացարձակապէս տիրական էր և կատարու, կամ նոյնիսկ պարզ բարկութեան համար ուժ չունէր:

— Ուրեմն մեր ճանապարհը յիշեալ գոհերուն բաց գերեզմաննոցին մօտէն պիտի չանցնի՞:

— Բնա՛ւ:

— Ուրեմն ես պիտի չկարողանամ ճանչնալ գոնէ ձորը միայն:

— Ըսի թէ ճամբադ քալէ, գաւակս, և թող որ մոռնանք այդ դէպքերը:

Այս վերջին պատասխանը ուրիշ կերպ ապացոյց մըն էր թէ Պէքոշ զարկած էր իր գազանը, և եթէ դայն բուրրովին չէ մեղուցած ալ, վտանգաւոր դառնալէ դադրած էր այդ ատեն:

Հանրմիս կը դառնամ, ան ինք իր մէջ զբաղուած է դեռ, և իմ համարձակութիւնս նոր թեւ կ'առնէ, նոր հարցում կ'ընեմ.

— Մեր ճանապարհին եղերքներուն ինկած է այս ուկորները կը ցուցնեն թէ այս տեղերն ալ ջարդ մը կատարուած է: Այնպէս չէ՞:

— Չեմ գիտեր:

— Արդեօք ջարդուածները խարբերոցինե՞ր են:

— Ոչ:

— Ուրեմն գիտէ՞ք:

— Կեալուր օղլու կեալուր ես:

— Կը խնդրեմ:

— Երբ տուն հասնինք, այս մասին հարցուր Ֆիքիրին և Փափոյին:

Հանրմս այս երկու անունները լսելուն պէս ճիշ մը արձակեց և սպառնաց որ ալ չխօսինք:

Անիկա կու լար նորէն, և այս անգամ աւելի խոր յուզուած կը սրբէր իր արցունքները:

Քաղաքէն գիւղ վերադառնալու այս ճամբորդութենէն քանի մը ամիսներ առաջ էր, երբ ես, վերջապէս չդիմանալով ինձի արուած չարչարանքներուն՝ փախեր էի: Կէս օր մը լեռը անցուցած էի: Յաջորդող գիշերին իջած էի վար, թագնուած էի անկիւն մը ու առաւօտուն կանուխ ինքզինքս նետած էի ճամբայ՝ նոր գիւղ մը երթալու, նոր թուրք աղայի մը քմահաճոյքին յանձնուելու համար:

Գիւղին առջեւ, լճակը կը կոծէր մեռելներու յարուցած ցաւէն, նորածագ արեւին ճառագայթները կու լային ալիքներու կտրտած թեւերուն մէջ: Լճի եզրին, աւազին մէջ ու աւազէն դուրս բարձրացող թաւ ուռնիները աչնանային ստուերներու տրտմութիւն մը կը խտացնէին, և ես, հոն, զոհի մը ոսկորին մօտ հողին վրայ կեցած՝ կեանքիս ճակատագիրը կը կախէի անձանօթ բախտի աշտարակին: Յանկարծ երկու մարդիկ տեսայ, որոնք վար իջանք եկան ինձ մօտ, զիս տեսան ու խնդացին: Մէկը Օսման ա-

դան էր, իսկ միւսը հասարակ գիւղացի մը: Անոնք, «ասիկա կեավուրի ձագ է» ըսին, նայեցան իմ տխուր վիճակիս, նորէն խնդացին ցոյց տալով արջի ու գայլի շարժումներուն նմանող յարափոփոխ ձեւեր:

— Կեավուրի ձագ չե՞ս դուն, հարցուց աղան բլրղցնելով իր աչքերը, որոնք միանալով միւսին ակռաներու կճրտոցին, կարծեցի թէ ճեղքեցին իմ աղու յոգնած ճակատս: Կատաղի ցոյցին առջեւ կարկամեցայ, ահաւոր դողի մը կպայ ու սոսկացի:

— Թուրքերէն խօսիլ գիտե՞ս:

Անորոշ պատասխանի մը մէջ դուրսս խոնարհեցուցի մահուան պատրաստողի մը պէս:

— Ո՞ր տեղացի ես:

Գարձեալ ոչինչ կարողացայ ըսել: Լեզուս շարժելու համար անգօր մնացին ճիգերս: Անոնք իրարու ետեւ ինկան, մարեցան աչքերուս բիբերու յոգնութեան առջեւ:

— Տրապիզոնի և Կիրասոնի կողմերէն բերուած ու ամիս մը առաջ քիչ անդին ջարդուած կեավուրներու թափօրին կը պատկանի այս խրնգրը, որ անպատճառ կոտորածի ատեն չէ սատկած, վրայ բերաւ գիւղացին:

— Վիրաւո՞ր ես, հարցուց նորէն Օսման աղան, ու գարչելի քրքիջով մը հրամայեց գիւղացիին որ թեւէս բըռնէ:

Շփոթութիւնը մառախուղ մը քաշեց աչքերուս, ծունկերս թուլցան, ինքզինքս բոլորովին մոռնալու և գեաին իշնալու վիճակի մը հասայ: Օսման աղան տեսնելով, իմ զարհուրանքս, փոխեց իր հարցումներուն եղանակը:

— Կը կարծեմ թէ դուն Ծովեցի ես, և ես քեզ տեսած եմ օր մը, այս լիճին վրայ նստակով ձամբորդած ատենս: Այնպէս չէ՞:

— . . .

— Եթէ ճիշտ է, վախնալու պատճառ չունիս այլեւս:

— Այո: — Եւ ձայնը կոկորդիս մէջ կը խեղդուէր տեղի տալով նուազած հառաչանքի մը:

— Աշխատանքի լաւ սիրտ ունի՞ս, լուծք վարել գիտե՞ս:

— Այո՛:

— Ուրեմն քու կեանքիդ տէրն եմ ու պիտի պաշտպանեմ զայն, — ըսաւ, ու յուզումներու փոթորիկներուն մէջ կիսամեռ դարձած իմ հոգիիս համար ռեւէ վստահութիւն չընեցնչող քաջալերանքի խօսքերով զիս գործի առաջնորդել ուղեց: Մինչ ակռաներու կճրտոցը դիւային ժանիքներու տակ եւս առաւել զօրացնող գիւղացին նոր ջանքի մը մտաւ համոզելու համար Օսման աղան:

— Ծովեցի չէ այս լակոտը: Ասիկա բացարձակ տխրոյթ մըն է, որ ո՛չ պիտի կարողանայ լուծք վարել և ոչ ալ պիտի կարողանայ իր հացը ճարելու չափ արժանի ուրիշ գործ մը ընել, թող որ սատկեցնեմ զայն:

— Աճապարելու պէտք չկայ, կեցիր նայինք: Հայերը միշտ աշխատասէր կը ծնին և եթէ ասիկա հակառակը ներկայանայ, այն ատեն դիւրին է իր հաշիւը փակելու հաճոյքով մը շէնցնել:

Աղային որոշման դիմադրելու անկարող դարձած գիւղացին զեռ կը փայլեցնէր իր ակռաներն ու աչքերը, կատաղի գայլի մը պէս:



Աղա և գիւղացի, երկուքն ալ գիւղէն լճեզր իջած էին այդ օրը ձմեռուան փայտ կտրելու համար:

Քիչ յետոյ, երբ մահուան սարսուռը ինծի կը թուէր թէ գինովութենէն դուրս կ'ելլէ ու հետզհետէ կը նուազի անձանօթ յոյսի մը գոսացած շաւիղներուն տակ, տեսայ որ վար եկան եւ մեզի միացան ուրիշ աշխատաւորներ:

Այս վերջիններուն հետ աշխատանքի լծուելու համար ինծի տրուեցաւ կացին մը որ ծանր էր, որ աքնութենէն ու անօթութենէն տկարացած իմ կարողութիւնս չէր տաներ, հետեւաբար անոր շարժումի փորձերս կը ջլատէին ջիգերս,

կը բարձրացնէին հեւքս, կը հոսեցնէին պաղ քրտինք մը ճակատէս վար: Բանի մը անօգուտ փորձերէ յետոյ, դիմանալու հնար մը չգտնելով՝ կացինը ձեքէս վար ձգեցի:

Գիւղացին մոլտաց, բայց բախտ մը ունեցայ որ աղան գործելու ստիպում չըրաւ ինձի, մինչև որ բոլորս միասին նախաձայ մը ըրինք: Ու անկէ յետոյ ա՛լ իմ մասնակցութիւնս գործին մէջ շատ թեթեւ անցաւ:

Եւ այն ժամանակ վերագտայ ինքզինքս զգալու թէ տակաւին պիտի ապրի՞մ վկայութեան մը համար, երբ արեւը տրտում հորիզոնին կը կախուէր, անոր դիմաց, ծնընդավայրիս աւերակները լճին միւս կողմը մոխիրներու սուգ մը կը բարձրացնէին ու իմ խռոված հոգին կ'առաջնորդուէր դէպի նոր սուռն, դէպի նոր գերութիւն:

* *

Արեւը մար մտած էր: Երեկոն կը սկսէր թանձրանալ:

Աղային տան արտաքին դրան վրայ բարձրացող հիւրանոցին կցուած էր լայն ծածք մը, որ կը նայէր բնակարանին մէկ տարածութեանը: Հոն էի ես, և սիոփանքի խօսքեր կը հայցէի ինձմէ տարելից բախտակիցէ մը, որ Օսման աղային կը ծառայէր: Յանկարծ ներքին դուռը բացուեցաւ և փոքրիկ աղջիկ մը ուժեղ ձայնով կանչեց միջանցքի մութին մէջ:

— Արի՛Ֆ, Արի՛Ֆ, չուտ մեր ծառան վար բեր:

— Որո՞ւն աղջիկն է այս, ո՞վ կուզէ:

— Աղային քրոջ փոքրիկ աղջիկն է և քեզ կը կանչէ, պատասխանեց ինձի բախտակիցս:

Բարձունքէ մը վար իյնող ապառաժի մը փշուրին պէս զարնուեցաւ սիրտս, մինչ մտրակող ձայնը կը կրկնուէր:

— Արի՛Ֆ, չուտ ըրէ, ես զայն սուռն պիտի տանիմ հիմա:

— Իրա՞ւ ինձի համար է, Յարութիւն:

— Այո՛, ել որ երթաս:

— Գոնէ մինակ այս գիշեր չէ՞ կարելի քեզի հետ մընամ ու մխիթարուիմ: Այսքան գութ չնորհուելու միջոց մը չե՞ս գիտեր:

Ձէր գիտեր անշուշտ, և ատոր համար անիկա ջանաց զիս համոզելու փորձեր կատարել տարբեր ձեւերով, որոնք թերեւս ճիշտ ըլլային, սակայն դեր կատարելու անգոր էին:

— Հոն, ուր որ դուն պիտի երթաս, հետու չէ այս տունէն սու ես վրտա՞ն եմ թէ երբեք պիտի չտառապիս: Մեզի վիճակուած այս կեանքին մէջ բաղդատաբար դուն մըխիթարական չըջան մը պիտի ունենաս, այնպէս որ ես կը խորհիմ թէ կարճ ժամանակէն հասկնալով տարբերութեան այս իրողութիւնը, թերեւս ինձի հետ տեսակցելու ներկայացող պատեհութիւններն իսկ շատ անգամ զանց առնես:

Մխիթարելու համար բախտակիցիս հրամցուցած փորձի այս եղանակը չափազանցութիւն մըն էր լոկ: Բայց գերութեան մէջ, զրկումի դառն օրերուն, բախտակիցի մը ձեռքը սեղմելը անուշ երազ մըն է և անոր կատարած մխիթարութեան խօսքը ապրեցնելու մէկ կորովի ճառագայթն է, որքան ալ որ պատրանք ըլլայ:

* *

Աղջիկը արտաքին դունէն զիս բակ հանեց, յետոյ դարձուց չէնքին ետեւ և կարճ փողոցէ մը առաջնորդեց իրենց սուռնը:

Մթնշաղի այդ ժամուն, տան առջև նշմարեցի երկու չափանաս աղջիկներ, որոնք մէկ մէկ կողով շալկած խիտի աղը կը տանէին թափելու: Անոնք, մեզ տեսնելուն պէս, աճապարեցին, պարպեցին կողովները ու ներս անցան: Անոնց հետեւէն մենք ալ մտանք տան միջանցքը եւ անցանք ուղղակի խիտ, ուր կապուած կենդանիներու միջոցներուն շարժող երեք աղջիկներէն երկուքը աղբի իրենց կողովները կը տեղաւորէին, իսկ միւսը հին ճրագ մը բռնած՝ լոյս կընէր:

Անոնք երբ զիս տեսան, երեքը մէկանց կեցան, նա-
յեցան ինծի և առաջին առթիւ բռնազրօսիկ ժպիտ մը փո-
խանակեցին:

Ես զգացի որ այդ ժպիտը ներդաշնակ չէր անոնց մէջ:

Համաձայն զիս առաջնորդին վկայութեան, ճրագը
բռնողը իր քոյրն էր, տան մեծ աղջիկը՝ որ թուխ դէմքով,
մութ աչքերով, բարձր հասակով, բոլորովին կը տարբերէր
միւսներէն: Ան միայն բարեւեց զիս, ան միայն խօսեցաւ
ինծի հետ միշտ անպակաս դարձնելով անհամարձակ ժպիտը,
որ կը բարձրանար բերանն ու քիթը ծածկող լաշակին տա-
կէն և կը մարէր աչքերուն շուրջ:

— Ծովեցի՞ ես:

— Այո՛:

— Կ'ուզե՞ս որ մեզի եղբայր ըլլաս:

Եղբայր... կարօտացած քաղցր հնչիւն մը, որ սակայն
կը նուազէր յուշերու հառաչանքին տակ դառնացած պտրա-
պութեան մէջ:

Եղբայր... հեզնութիւն մը մեր խորտակուած գոյու-
թեան, թէ ոչ նշոյլ մը մեր սփոփանքի երազին:

— Դուն մեզի եղբայր պիտի ըլլաս այսուհետեւ և մենք
քեզի քոյր: Չորս քոյրեր եղբօր մը հետ պիտի ապրինք
այս տունէն ներս, ուր գթացող մօր մը թեւերը անշուշտ
պիտի հովանաւորէ մեր իրարու հետ քաղցրացուցած սրտե-
րը: Այնպէս չէ՞:

Պատասխանս ժիր նայուածք մը եղաւ միայն, որ
փութով դարձուցի նաեւ միւսներուն, որոնց դէմքերուն
գեղեցկութիւնը կը ծփար ճրագի աղօս լոյսին առջեւ,
դաշտերէն տուն բերուած ու մէկ կողմ ձգուած ծաղիկնե-
րու պէս: Իմ նայուածքիս առջեւ, վերջինները ցուցուցին
թէ պաշարուեցան և անհամբեր դարձան: Անձայն բողբօք
մըն էր արդեօք իրենց գոյութիւնը չարչարող անիրաւու-
թեան դէմ:

Անտարակոյս:

Մինչ ես կը շարունակէի պահել իմ լոռութիւնս, անոնք

երկուքն ալ չկրցան զսպուել երկար և մէկէն զիս զարմա-
ցնող լեզու մը շարժեցին, հայերէն հարցնելով մեկզմէկու.

«Ինչո՞ւ չի խօսիր, ինչո՞ւ չի ուրախացներ»:

— Հա՞յ էք դուք:

— Այո՛:

Ու լոռութիւն նորէն:

Տան աղջկան հրամանով, մէկը ինծի տուաւ երկաթէ
խողանակ մը, ձախ կողմիս եզան կոնակը քերելու համար:

Խողանակը երկու անգամ շարժեցի: Պարզուեցաւ որ վարժ
չէի, կենդանին իր անհանգստութիւնը յայտնեց մտուրէն
դուրս քաշած դունչի շարժումով: Աղջիկը, այս տեսնելով,
փութաց սահեցնել անկարողութիւնս, անշուշտ, որպէսզի
չարտմիմ:

— Կը սորվիս, եղբայրս, կը սորվիս շուտով:

Ձիս տուն առաջնորդող փոքրիկ աղջիկը հեռացած էր
ժամանակին, իսկ մենք չորսերնիս, իրարու աչքերու մէջ
նայեցանք դարձեալ, այս անգամ աւելի լուռ, աւելի եր-
կար, կարդալու համար անաւորին գաղտնիքը, և էջ մը իսկ
չըջած՝ անհանգստութիւնս հետերնիս թափօր կազմեցինք,
թողելով որ կենդանիները հանգստանան ախոռին մէջ:

* *

Տան բակէն կ'երկարէր խարխլած սանդուխ մը, ուր-
կէ առաջնորդուեցանք վեր: Նախ տան աղջիկը ելաւ, անոր
ետեւէն միւսները չբարձրացան, ճամբայ տուին ինծի ազ-
նուականի վարմունքով: Ես բարձրացայ տասը աստիճան
սանդուխը, հասայ վերնայարկի միջանցքին առջեւ, դար-
ձայ ետեւ և տեսայ որ դեռ անոնք վարը կեցած՝ կը նա-
յէին ինծի ակնապիշ աչքերով:

Օր մը զիրենք գերութեանէն ազատող անձանօթ յոյսը
կը փնտռէին անոնք իմ մօտ անպատճառ:

Վերի միջանցքին զիս դիմաւորեց տան հանրմը, մայ-
րը զոյգ աղջիկներուն և քոյրը Օսման աղային: Ան ծաղկի

հիւանդութենէն գուռցած դէմք մը ունէր և աչքերուն մէջ ցաւերու արիք մը կը խաղցնէր կարծես: Իր հասակին ու շարժումներուն երեւոյթը, որ կը բարձրանար օջախի կրակին ընդարձակ լոյսին առջեւ, առնական էր, և սակայն ցնցումներէ շուարած տիրուհիի մը տպաւորութիւնը շուտով կը զգացնէր: Նամեհեամ էր: Ատար համար լաչակը թուշնի վեր, մինչեւ քիթը բարձրացուց և հարցուց.

- Անուսդ ի՞նչ է:
- Ճէմալ:
- Ճէմալ, ի՞նչ աղուոր անուն:

Նոյն պարագային ներս մտան երկու հայ աղջիկները և անցան ուղղակի սենեակ: Եւ հանրմը նոյնպէս, առանց ուրիշ հարցում մը ընելու, ինծի նստելու տեղ ցուցուց վառուող օջախին աջ եզերքը փռուած միւսերի մը վրայ ու անցաւ ներս:

Օջախին կրակը բարկ էր, եւ ես, խոնաւ քարանձաւները բնակող հին ճգնաւորի պէս զողացող իմ հոգին թոյլ տուի որ ծծէ անոր գոլը:

Օջախը կը վառէր միջանցքի այն պատին տակ, որուն զիմացը կախուած էին երկու սենեակներու դռները: Բոլորն ալ առաջի սենեակին մէջն էին, ուրկէ շատ չանցած դուրս եկաւ տան մեծ աղջիկը, մեծ աման մը ապուր լեցուց, մաղ մը հաց դրաւ առջեւ և ժպտելով ըսաւ.—

— Կուշտ մը կեր առանց քաշուելու: Վստահ եղիր թէ քիչ ժամանակէն այս տունը շատ մօտ պիտի խօսի քեզի:

Նորէն ժպտեցաւ, հոգեկան համակրութիւն մը փրշտող աղջկան պէս նայեցաւ աչքերուս խորը ու գնաց սենեակ:

Գրեթէ կէս ժամ առաջ, Յարութիւնին մօտ կերած էի անգամ մը, այնպէս որ, այս անգամ քիչ կերայ, շատ նայեցայ:

Վարր, ե՛կու ախոռ լեցուն կենդանիներ, բակին մէջ շարուած երկրագործի գործիքներ կը վկայէին թէ Օսման աղային քրոջ տունը նուազ չէն չէր, և այր մարդ պէտք

էր այդ շէնութիւնը շարժման մէջ պահելու համար: Մինչդեռ ես հասկցայ որ չորս աղջիկներէ և տիրուհիէ մը զատ մէկը չկար հոն: Ի՞նչ էր եղած որ այդ տունը այր մարդու կարօտ դարձած էր: Յետոյ, երկու հայ աղջիկներ կային, որոնք փութով ինքզինքնին ցուցուցին թէ քաղաքի քընքուչ կեանքովը մեծցած, թեւ առած, նրբացած գեղեցիկներ էին: Ի՞նչպէս այդ տունը ինկած էին: Ո՞վ քաշեր եւ բերեր էր դանոնք: Ո՞ւրկէ ուր: Յարութիւնը ինծի ըսաւ թէ «Բու երթալիք տունդ երկու հայ աղջիկներ կան, և տան մեծ աղջիկն ալ պարագաներս ճնշման տակ կարծես բարեշրջուեր է, այնքան որ քնքուչ ու կարեկից սիրտ մը ունի»: Ո՞ր տեղացի էին հայ աղջիկները, ի՞նչ էր տան մեծ աղջկան ճնշուելու և աւելի բարի, հեղ դառնալու պարագան:

Յարութիւն ժամանակ չունեցաւ այս մասին իր գիտցածը ինծի բացատրելու: Եթէ հայ աղջիկներէն մէկը անգամ մը դուրս գար, կարելի էր շատ բան հասկնալ ու հանգստանալ:

Մեծ աղջիկն էր որ վերստին դուրս եկաւ, և ուզեց կրկին ապուր լեցնել:

- Կը խնդրեմ, Արիֆին հետ անգամ մը կերած ըլլալուս համար, արդէն լեցուցածնիդ իսկ չկրցի հատցնել: Նորէն փայլեցուց աչքերը ծաղկի պէս եւ հարցուց.
- Չե՛ս նեղուիր, այնպէս չէ՞:
- Ո՛չ, շնորհակալ եմ:
- Ես ալ հիմա ուրախ եմ:

Վերջի խօսքերը արտասանուելէն հազիւ քառորդ ժամ անցեր էր, միւս սենեակին մէջ, ինծի հետ նստած էին մեծ աղջիկն ու երկու հայուհիները:

Չեռքերս կուրծքիս խաչելով, վեր առի անհամարձակ գլուխս, շրթայուած նայուածք մը նետեցի մեծ աղջկան, յետոյ, անմիջապէս միւսներուն:

Երկու հայ աղջիկներու ձեռքերուն չարչարուած նրբութիւնն ու տառապած գեղեցկութիւնը միեւնոյն երեւաց ինծի: Պիտի ըսէի թէ մէկ ծնողքի զաւակ էին անոնք, եթէ կազմի ու հասակի տարբերութիւն մը բոլորովին հակառակը չվկայէր: Մէկը ունէր սիրուն կազմ, բարձրահասակի վայելչութիւն և փութով ժպիտ ծնելու ենթակայ պայծառ շրթունքներ ու այտեր: Իսկ միւսը, քիչ մը կարճ հասակի մէջ կը պահէր շէն մարմնի մը յաջողութիւնը, ունէր առատ ու երկար մազեր, սև ու սուր աչքեր և գրաւիչ շարժումներ:

Այս վերջինին համար ըսաւ տան աղջիկը.

— Տիգրանուհի է ասոր հայ անունը, որ հիմա կոչուած է Ֆիքիր: Փայլուն էր միւսին անունը, որ այժմ կ'անուանուի Փափո: Մեծ եղբայրս է ազատեր զիրենք կոտորածի ժամանակ:

Կնճոռա նեղութեան հեւք մը դուրս տուաւ ու շարունակեց.

— Եղբայրս բաւական հեռու տեղէ մը հետեւելով ասոնց կարաւանին, տեսեր է Ֆիքիրին նախ մազերը, յետոյ դէմքը և անմիջապէս համակրեր է: Երկու օր, ամբողջ ճանապարհին հսկեր է անոր, ու վերջի ժամուն. կոտորածի ատեն փրկեր է զայն, և միեւնոյն ատեն Փափոն: Ասոնք եղբայրներուս յիշատակը կ'ապրեցնեն, իսկ դուն պիտի կերպարանաւորես զայն: Մայրս, որուն հոգեկան ցաւին բոցը աւելի ահաւոր է, ապահով եղիր թէ կ'ապրի փրնտեւելով իր միւլթարութիւնը միայն տառապողներու սփոփանքին մէջ: Ան արտօնեց մեզ որ այս երեկոյ իսկ չ'ուշանանք ծանօթանալ իրարու հետ այն յարկին տակ՝ ուր չար սիրտ չկայ բնաւ: Այս տան պատերուն կերպարանքները ղեռ արթուն կը պահեն մրմուռ մեր սրտերուն մէջ: Բայց ես վստահ եմ որ շուտով պիտի անհետանան մեզ ցաւցնող ու լացնող բոլոր տրամութիւնները, եթէ մենք միասնաբար ջանանք ամէն արշալոյսի մէկ ծիծաղ մը վաստկել:

Քիչ մը լռեց: Ծունկերուն դրած իր ձեռքերուն նայեցաւ, հառաչանք մը քաշեց և դարձեալ շարունակեց.

— Պատուական հայրս և երեք կտրիճ եղբայրներս քառասուն օրուան մէջ գալարուեցան անձանօթ ցաւի մը տակ ու անարդար անէծք մը խեղդեց զանոնք իրարու ետեւ: Այս աղէտներուն մէջ երկու քոյր ու մայր մը կարեկցութիւն գտնելու համար ի դուր մեր աղաչանքները բարձրացուցինք: Անոնք ամէնքն ալ անձանօթին խորերը գացին ու թաղուեցան, թողելով որ կսկիծը սեւ օձի պէս սողայ մեր մորմոքացող սրտերուն: Անմիւլթար մնացինք, ու երեսի վրայ ձգուած որբի պէս կարօտ դարձանք: Կարօտողը կու լայ, լացողը խեղճ է և խեղճը տառապող մըն է: Սակայն հաւատանք որ ժամանակի վազքին առջեւ կը հալի թանձրացած ամէն վիշտ, և գիշերուան անէծքը կը մարի երբ ցերեկի օրհնութիւնը հասնի: Երբ հալածուած, քաղցած ու ծարաւի հոգիները օր մը հասնին իրարու, եղբայրանան մէկ յարկի տակ, կ'ըսեն թէ հոն նոր կեանքի մը օրհնութիւնը ծնունդ կ'առնէ: Եւ այդ օրհնութիւնը հետզհետէ այնքան կ'աճի, այնքան կենդանաբար կը դառնայ, որ քան եղբայրացողները հարազատ ապրին իրարու հանդէպ սիրոյ, վաստակի ու բարիքի աշխատանքին մէջ: Այնպէս չէ՞:

— Այո՛, ճշմարիտ է:

Մտովին կը զարմանայի անոր այս արտայայտումի կորողութեանը, և չէի ուզեր որ թուրք աղջիկ մը եղած ըլլար ան:

— Տխուր է, հանրմ, տխուր: Կը հասկնամ որ ձեր ցաւն ալ մերինին պէս զօրաւոր է, բայց իրաւ էք որ ժամանակը զայն կրնայ մեղմացնել օր մը: Զեր անձնական համոզումներուն շատ հիացայ եւ այս օրերուն՝ ինծի համար ամենամեծ շնորհքն է որ Աստուած զիս այս տունը առաջնորդեց: Եւ դարձեալ երբ դուք զիս ձեր եղբայրը կոչելու չափ պատիւ մը կ'ընէք, արդէն միւլթարանքի ճամբու մը բացուելը կը զգացնէք ինծի, իմ հոս հասնելու այս առաջին ժամուն:

Կիսահամարձակ պատասխանէս շատ գոհ եղաւ, և իր ու-

բախութիւնը հարուստ ժպիտով մը յայտնելէ վերջ, դարձաւ միւսներուն:

— Դուք ալ խօսեցէք ձէմալին հետ: Անիկա մեր բուրբիս եղբայրն է այսօրուընէ սկսեալ: Այստեղ մեզմէ զատ միայն Աստուած կայ, ատոր համար կ'ըսեմ, եթէ կը խորհիք թէ ձեր նոր սորված թուրքերէն լեզուով պիտի չկրնաք արտայայտուիլ, խօսեցէք, իրարու հետ ծանօթացէք ձեր մայրենի լեզուով: Մայրս որքան ալ յանձնարարած ըլլայ, ես անձնապէս հակառակ չեմ բնաւ, քանի որ անկեղծօրէն կը ցանկամ ձեր մխիթարութիւնը տեսնել: Հայրս կ'ըսէր թէ՛ այն որ ուրիշը կը մխիթարէ, կը մխիթարէ ինքզինքը: Յետոյ, ինչքան ալ ես շատ բան խօսիմ, ինչքան ալ անկեղծութիւնս ներկայացնելու փորձեր կատարեմ, ձեզի չափ չուտ, ձեզի չափ դիւրին չեմ կրնար համոզել ձէմալը, չեմ կրնար մտերմացնել զայն այս տանը ու անոր անդամներուն հետ: Եւ ատոր պատճառները շատ բացայայտ են:

Չէի հասկնար թէ ինչո՞ւ այսքան ազատամիտ կը խօսէր այդ թուրք աղջիկը: Եւ ինչո՞ւ միւսները կը լռէին դեռ: Սակայն ես անհամբեր դարձայ եւ հարցուցի անոնց թուրքերէն լեզուով.

— Ո՞ր տեղացի էք:

— Երկուքս ալ Շապին-Գարահիսար քաղաքէն ենք, պատասխանեց Տիգրանուհին հայերէն, և միեւնոյն ատեն յայտնեց որ ես ալ հայերէն խօսիմ իրենց հետ: Իրաւ էր թէ թուրքերէնը նոր կը սորվէին:

— Ուրեմն ձեր կարաւանը մինչեւ այս տեղե՞րը բերին:

— Այո՛, մինչեւ այս գիւղին կոնակը բարձրացող լեռան ետեւ:

— Ձեր քաղաքէն մինչեւ հոս քանի՞ օրէն հասաք:

— Մեզի տրուած հալածանքներն ու չարչարանքները այնքան ահաւոր էին, որ մեր կարաւանին մէջ ոչ ոք ի վիճակի մնաց օրն ու ժամը գիտնալ: Ամէն անգամին երբ

կ'անդրադառնանք Փայլունին հետ, մեզի կը թուի թէ տարիներ տեւեց մեր դժոխային ճամբորդութիւնը:

— Ո՞ր ատեն բաժնուեցաք դուք ձեր կարաւանէն:

— Ճիշտ ջարդի ատեն:

— Ո՞րքան իրական ու անկեղծ են այս աղջկան ըսածները, ըլլայ ձեր ազատութեան, ըլլայ տանը հասած անէծքի մասին:

— Ատոր հայրը, որ կրօնական մարդին մէջ գիւղացիներուն ամէնէն հմուտը ճանչցուած էր, նախապէս հրահանգներ կու տայ եղբր որ իր զաւակներն անգամ ջերմեռանդութեամբ մասնակցին հայերու կոտորման, իբրեւ կրօնական սրբազան պարտականութիւն: Հակառակ որ ծերացած էր, աչքերը լաւ չէին տեսներ, քալելու կարողութիւնը շատ թոյլ էր, բայց այդ վիճակով աւանակի վրայ հեծած դացած է ջարդերուն անձամբ իր մասնակցութիւնը բերելու: Ուշ ատեն սակայն, երբ խղճահարուելով զղջումի եկած է, այլեւս չէ կրցած զսպել արիւնի հոտէն կատաղի դարձած իր զաւակները: Վերջի մէկ պարագային, սա դիմացի լերան ետեւի միջոցներուն կոտորուող մեր կարաւանին նշանաւոր ջարդարարն էր իր մեծ աղան, ուրկէ քաշեց, քաշքեց մեզ արիւնոտ սուրի սարսափին տակ ու տուն բերաւ: Մեզ տուն բերելուն երկրորդ օրն իսկ, մենք կռահեցինք որ իրմէ երկու տարի պզտիկ եղբոր հետ նպատակ ըրած են մեզ ծառայեցնել իրենց վայրենի հաճոյքներուն: Եւ այնուհետեւ ինչ պիտի ըլլար մեր վիճակը, Աստուած միայն գիտէ: Յուսահատին յոյսը աղօթքն է միայն, ու մենք աղօթեցինք անձայն, գիշեր ու ցերեկ իր հաւատքին համար շղթայուած վանկասնին պէս: Անոնց առաջին փորձերը կարողացանք ի դերեւ հանել: Երկրորդին դեռ չհասած՝ հայերենին հիւանդացաւ և մէկ շաբաթէն մեռաւ: Արիւնոտ սուրը, որ այժմ կախուած է ներքնասենեակին պատէն վար, ի զուր լուացին: Յաջորդ շաբթուն փոքր եղբայրնին և միւս շաբթուն ալ երկրորդ եղբայրնին մեռան՝ կարճ հիւանդութիւններով: Տասնեւհինգ օր հազիւ անցաւ միջոցը, այս անգամ ալ մեծ եղբայրնին ինկաւ հիւանդ ու հինգ օրէն կատղեցաւ իրենց հօրը պէս: Այս վերջինը, իր կա-

տաղութեան ընթացքին հօրմէն աւելի խոր չարչարանքներու ցաւին տակ կը գոչէր. «Հայերը, հայերը, վերակենդանացեր ու լեցուեր են մեր տունը: Ա՛խ... անոնք կը տանջեն, կը խեղդեն զիս: Ահա՛ մէկը, որ կոկորդոս բռնած կը ցնցէ զիս, միւսը կողերուս սուր կը մխէ, ուրիշներ մազերս կը փետտեն, շնչառութիւնս կ'արգիլեն, կրակէն կարմըրած ճաղերով աչքերս կը հանեն, սուր աքցաններով ձեռքերուս մատները կը քաշեն, ոտքերուս սկոբները կը կոտորտեն: Ա՛խ, ա՛խ, ահա կուրծքս կը պատտտեն անոնք, մեր ձեռքէն խլած փոքրիկ դանակներով: Լեցած են, լեցած են այս տունը հարիւրներով, հազարներով ու իմ չարչարանքներէս կը հրճուին...»: Անոր շուրջը բոլորուող ազգականներն ու բարեկամները ի դուր կը ջանային հասկցնել թէ բոլոր «կեանքները», այսինքն հայերը, դադարած են գոյութիւն ունենալէ այս աշխարհի վրայ: Ան առանց դադարի երկու օր շարունակեց այս աղաղակը ու մեռաւ ճիշտ հօրը մահուան քառասունքին՝ հայու բարիք ընկու յանձնարարութիւն մը բերնին մէջ կիսատ թողուցած:

Աչքերս դարձան, նայուածքս ճեղքեց մուժուլացող ճրագին լոյսը, արդար հարուածէ մը ցնցուող թուրք աղջիկը տեսնելու, կարծես թէ ինքն ըլլար մեռնող չարագործներուն կենդանի էութիւնը: Ան մտիկ կ'ընէր առանց բան մը հասկնալու, մինչ Տիգրանուհին կը շարունակէր.

— Եւ հայու ահաւոր անէծքէն զարնուած այս տան մնացեալ անդամները՝ երկու աղջիկ և մայր մը, հեւացին դողի մէջ, մինչեւ որ խոստովանութիւնը իրենց շրթունքներուն վրայ յայանութեան մը պէս վիրաւորեց:

Որո՞ւ մտքէն պիտի անցնէր այդ տտեն թէ Շապին Գարահիսարցի այդ երկու գեղեցիկ ու նուրբ աղջիկներէն Փայլունը, վերջէն, ուրիշ պարագայի մը տակ, ամուրի դարձած Օսման աղային ճանկը պիտի իյնար, անոր խենհ. շային կիրքերուն զո՞ պիտի դառնար, երկու տարիէն արտասովոր կերպարանք մը առնելու, և յետոյ զայն աւանակի մը բարձած քաղաք պիտի տանէի, երեք ամիս վերջ գերեզման իջնելու համար:

Անողորմ հատուցման լայն գիծին վկայութիւնը ներկայացնող այս երկու բռնափոխուած անուաններն էին Պէքոչին արասասնածը, որոնք սաստկացուցին հանրմիտ յուզումը, և բարձրացուցին անոր ճիշը:

Պարզ էր, ուրեմն, որ մեր վերելքի այդ ճանապարհը, Շապին Գարահիսարցի քաղաքէն և գիւղերէն հասնող ու ջարդուող կաբաւանի մը սկոբները կ'եզրէր: Հանրմիտ գիտէր զայն, անշուշտ յիշեր էր նաեւ իր գաւակներուն կատարած շարութիւնները, ու անոնց կորուստի թարմ ցաւին առջեւ կու լար ու հոգոց կը կարդար:

Հետզհետէ նոր սկոբներ տեսայ, բայց, ա՛լ միայն երեւակայեցի Տիգրանուհին ինձի ըրած պատմութիւնները, մինչեւ որ բարձունքը հասանք, մինչեւ որ Մովքի աղօթքներու լիճը երկինքէն առած գաղտնիքի մը տեսքը ցուցուց:

* * *

Բարձունքին ետեւ կարճ վայրէջք մը ունեցանք, ճանապարհի փոքրիկ դարձ մը կատարեցինք, քանի մը վայրկեան եւս յառաջացանք և բռնեցինք լեռնածոցին մէջ տարածուող շարք մը բարեբեր արտերուն փէշը: Աուկասի Դաւոս կամ վերջէն կեպուր եֆիցլիի կոչուող այս հովիտի գեղեցիկ տեսքը, հոն թեւ առնող գեփիւոին շունչը, անուշ օդին ներգործութիւնը ամէն յուզում մոռցնելու չափ հաճելի հկան հանրմիտ:

— Պէքո՛չ, լեռն ի վեր շատ յոգնեցանք, թէեւ գիւղին մօտեցանք, բայց կ'արժէ հոս, այս արտերու մէկ եզերքին քիչ մը հանգիստ շունչ առնել:

— Այո՛, հանրմ էֆէնտի, իրապէս հաճոյք է քիչ մը ատեն, հոս տեղ մը նստիլը:

Քանի մը արտերէ անցանք, մարգագետնի մը շրջափակին առջեւ կեցանք, հոն, իրարու մօտ հանգիստի տեղ առինք:

Մեր քովէն առուակ մը կ'անցնի, կ'երկարի, որուն մէջ լեցուն ու հեղասահ ջուրը անդադար կը շարժէ միջոցներուն աճող այլազան բոյսերը, անոնց տալով նուրբ ցուքեր, գունաւոր շողեր: Մեր շուրջը վարուած ու անվար, բուսած ու անբոյս արտերը հողին օրհնութեան հէքեաթներն ունին, դիմացի բլրալանջին հովիւ մը կը շարժի, սրինգը կը ձայնէ, և վարը, քիչ հեռուն, լիճն է որ խորունկ իմաստ մը դուրս կու տայ: Ան, մանր ծփանքներով կը փայլփլացնէ իր երեսը, կը սահեցնէ իր ալեակները վարդագոյն երանգներու մէջ, և զանոնք կ'ուռչեցնէ միապաղաղ աւաղին և ժայռասալերուն վրայ, փաղփղուն խորշումներով ու լոյսի հոսումներով:

— Հոս, այլեւս մեր գիւղին ու տունին մօտ, կը խորհիմ թէ բաւական հանգիստ ես հիմա և ուրախ, այնպէս չէ՞, հանրմս կը հարցնէ ինձի:

Ես ոչինչ կը պատասխանեմ, այնքան որ մտածումներու տարօրինակ վիճակ մը ունիմ: Մինչ Պէքոշ կարծես անհամբեր է և խօսելու առիթ մը կը փնտոէ անձկանօք:

— Կը խորհիմ թէ ձէմալը շատ աւելի տրտում ըլլալու է այսօր, հանրմ էֆէնտի:

— Ինչո՞ւ համար:

— Որովհետեւ այն հայ ծառան, որուն հետ երկար ժամանակ անցուց անցեալ երեկոյին, այս առաւօտ սպաննել տուաւ Սլօ պէյը:

— Մե՛ղք, ինչո՞ւ այդ աստիճան անգթութիւն կատարեր է Սլօ պէյը, ծանծառան սպաննելը ան ունի որ կ'անիծէ և տուն կը մըրչեցնէ:

— Այո՛, հանրմ էֆէնտի, կը հաւատամ, անգթութեան չափազանցութիւնը անէծք է և մարդը աւեր կը դարձնէ: Այդ ծառան վիրաւոր ազատուեր էր ջարդէն, ու ինկած էր Հաճի Մամոյի տունը, ուր կը ծառայէր իբրեւ հարստահարուած թուրք գաղթական: Սակայն Հաճի Մամօն չէր կրցեր պարտկել ճշմարտութիւնը օր մը, երբ խումը մը զինուորներ իր տունը իջած ու բռնած էին զայն: Չեմ գի-

տեր ինչպէս եղեր նորէն ազատուեր էր, և այս անգամ ուրիշ քիւրախ մը մօտ ինկած էր ծառայութեան, ուրկէ ալ իր տունն էր տարեր Սլօ պէյի հայրը՝ Ալի աղան:

— Մի՛ պատմեր: Պէքոշ, ըսաւ հանրմս ու լռեց, զգացնելով թէ կը դողար նորէն իր աղեալի յիշողութիւններու ճնշման տակ:

— Պատմելիք ուրիշ բան չունիմ այս մասին, միայն կ'ուզեմ աւելցնել որ այդ ծառան խարբերոցի ու անուանի հայ մըն էր: Սլօ պէյ կռահեր էր այդ ու ատոր համար սպաննել տուաւ: Ըէմալը թերեւս հիմա աւելի լաւ գիտէ յիշեալին իսկութիւնը:

— Լռենք այս հարցին շուրջ՝
Ու լռութիւն...

Եւ ի՛նչ զարմանալի, յանկարծ հով մը իջաւ, մառախուղ մը գոյացաւ ջուրին միւս կողմը, ծննդավայրիս ետեւ բարձրացող մեծ լեռնէն վար սողաց, ծածկեց լիճը, լեցուց շրջակայ ձորերը, հասաւ մեր մօտ, վախցուց մեզ, ետքաչուեցաւ, փէչերը աստ ու անդ սուրացուց, խաղցուց տասը վայրկեան, և անհ հովը թուլցաւ իր ուժէն, մշուշ սկսաւ հալիլ ինքն իր վրայ արագօրէն:

Քիչ յետոյ, տարտամ մէգ մը միայն մնաց, որ լուսաւոր ամպի ձեւ առաւ, իջաւ լճին վրայ և համբուրուեցաւ անոր զսպուած խորհուրդին հետ:

Հրաչք կայ դաժան ուժերու դէմ՝
Ջայրացած սուրբերը շարժումներ ունին:
Մեռելները անհանգիստ են ու խօսքի կը սպասեն:

Տարիներ վերջ, երբ Նախահինամութեան սարսափելի համաճարակը զարկեր էր Բիւրտ Եմլիկին, մրշած էին այնտեղի չարագործները, մրշեր էր Ալի աղան, մրշեր էր իր որդին, քանդուեր էր իրենց տունը, ես նորէն Մովք կ'երթայի, ինծի պէս գերութենէ ազատուող և Վէլօ անուն զարհուրած հայուն ինքնութիւնը հասկնալու համար յարուցած հետաքրքրութիւնս պարտկող ընկերոջ մը հետ: Ու հոն, Մովքի մէջ, առաւօտ մը, մեղմ, ջինջ եւ լայն երկնակամարին տակ, անհամար հծծիւններով շնջուն լճին վրայ, մեր նաւակը կեանքի այլազան չարիքներէն ճողոպրած գեղեցկութեան մը պէս կ'առուանուէր ջուրին անշէջ շողշողումը, և լոյսի յարածուփ ձեւերու մէջ կենդանացած ուժի մը պէս կը բարձրացնէր վարիչի մը անվեհեր ձայնը:

— Թիալարէ, եղբա՛յր, հրաշք կայ, սուրբերը շարժումներ ունին: Հազարաւոր վերապրողներ իրենց ինքնութեանը կը վերադառնան, Վանը յաղթանակեց, կամաւորները Կիլիկիա մտան, և Կովկասը Հայոց ազատութեան կանչէն կը խլրտի: Զօրացիր, եղբայր, անա Արեւը կը ծագի, մեռելներն են որ կը խօսին:

Վ. Ե. Բ. Զ.



ՅԱԻԵԼՈՒԱԾ

Այս գործին հրատարակութեան ընթացքին, ստացայ մէկ քանի նամակներ: որոնց պարունակութիւնը զիս կը պարտաւորէ հոս ըսելու թէ, յառաջաբաններն ու գրախօսականները, որքան ալ որ մտերմօրէն գրուին, ոչինչ կ'աւելցնեն իրենց շօշափած գործին ունեցած հիմնական իմաստին ուղղութեանը և հոգեկան կառուցուածքին զօրութեանը վրայ: Անոնք կը գրուին հանրութեան ցոյց տալու գործին ներքին գիծը, անոր էական արժէքին չափանիշը, և, ըստ այնմ կը ձգտին սուտեցանելու, շնորհաւորելու կամ շնորհակալ ըլլալու նուրբ եղանակով մը հաշուի առնել զայն արտադրող ուժը:

Պ. Ա. Զօպանեանի կողմէ այս հատորին նուիրուած յառաջաբանին — որուն մէջ կը ցաւիմ որ կարգ մը վրիպակներ եղած են, ինչպէս ցոյց կու տայ ցուցակը — ընկերացուցի Պ. Ա. Ահարոնեանի ծանօթ գրախօսականը, աւելի ճիշտը, այս գործին բացումը անով կատարեցի, որովհետեւ, Ահարոնեան զիս բնաւ չձանչնալով մէկտեղ, եղաւ առաջինը որ դիմաւորեց իմ անգրանիկ շարժումներս տաքուկ սրտով, և, թեւերը բացաւ ինծի գուրգուրացող հօր մը ժպտուն աչքերով: Ան էր դարձեալ, որ նախ առանձին նամակներով, ապա, անձնական տեսակցութեամբ, իր գնահատանքներն ու սրտապնդումի խօսքերը կրկնապատկեց ինծի:

Զեմ ըսեր օր եթէ Պ. Ա. Ահարոնեան և «Հայրենիք»-ի 12 Օգոստոս 1927 թիւին մէջ նոյնքան գեղեցիկ գրախօսական մը ստորագրող Հ. Ս. Երեմեանը չըլլային, այս գործը պիտի չկազմուէր, սակայն հաճոյքով կը խոստովանիմ թէ, մասնաւորապէս այս երկուքին շատ բան կը պարտիմ:

Հեղինակ

ՆԻԻԹԵՐՈՒ ՅԱՆԿԸ

	Էջ
ԵՐԿՈՒ ԽՕՄԲ	3
ԾՈՎՔ-ԿԷՕԼՃԻԻԿ	5
ՅԱՌԱՋԱԲԱՆ	11
ՆԱԽԱԲԱՆ	17
ՔԱՂԱՔԻՆ ԴՐԱՆ ԱՌՋԵԻ	23
ԽԻՂՃԷՆ ՋԱՐՆՈՒՄԾ ՈՃՐԱԳՈՐԾԸ	37
ԴԺՈՅՔԻՆ ՄԻԻՍ ԵՐԵՍԸ	57
ՋԱՐՀՈՒՐԱԾ ՄԱՐԴՈՒՆ ՊԱՏՄՈՒԹԻՒՆԸ	85
ԷՋԻ ՄԸ ԱՀԱՒՈՐՈՒԹԻՒՆԸ	117
ՉԱԿԵՐՏՈՒՄԾ ԱՐԱՐԷՆ ՅԵՏՈՅ	135
ՅԱՒԵԼՈՒՄԾ	157

Վ Ր Ի Պ Ա Կ

Էջ	Տող	ՍևԱ.Լ	ՈւՂ.ԻՂ
7	14	ծողալ	ծողայ
7	16	զապուր	զանպուր
12	12	երեւցող	երեւցած
12	30	եղբօրը	եղբօրդ
13	25	ընդունելու	ընդունիլ
14	2-3	երիտասարդներ ու	երիտասարդներու և
14	2-3	երիտասարդուհիներ	երիտասարդուհիներու
14	32	առաջը	առաջինը
16	17-18	դառն սուգը	տառն անգամ
24	32	որ մութ	որ իր մութ
26	1	կը քաշէի	կը քաշեմ
26	8	ծով	հով
26	17	ձիու	տձեւ
65	23	բայ	բայց
88	24	երբ	ուր
130	8	Ջայն	Ջայն
131	5	—	(աւելորդ է)
136	1	այդ	այլ

507. 507
 “ՄԱՍԻՍ” ԳՐԱՏԱՆ ՀՐԱՏԱՐԱԿՈՒԹԻՒՆՆԵՐԸ

		Լէվ
1. Ասուր-Նազիր-Աբալ	Կ. ՄԵՀԵԱՆ	10
2. Մեծապատիւ Մուրացկանները	Յ. ՊԱՐՈՆՆԵԱՆ	30
3. «Մասիս», Տարեգիրք Ա. Տարի	Ա. ՍԵՐԱՆ	100
4. Թանկագին Համբոյր (կտակերգ. 1 արար)		10
5. Գիրուկ Մարդուն Հանոյնները	ՈՒ. ՃՅՆՍԸՆ	15
6. Հռոմի Պապին Զաւակները,	Մ. ԶԷՎԱՔՑ	150
7. Գուլեակը (երգիծավեպ)	ՍԹ. ՔՈՍԹՈՎ	20
8. «Մասիս», Տարեգիրք Բ. Տարի	Ա. ՍԵՐԱՆ	100
9. Հրաշքներու Պալատը	Մ. ԶԷՎԱՔՑ	150
10. Խելագար Հայունին	ՏՈՔԹ. ՃԷԼԱԼԵԱՆ	65
11. Մուսա Լեւան 40 Օրերը Ա. Բ. Հատոր Ֆր. ՎԵՐՖԷԼ		400
12. Ռահասքեհի Ասպետը	Մ. ԶԷՎԱՔՑ	150
13. Հին Հայ Բանաստեղծուքիւնը	Գ. ԳԵՂԱՐՔՈՒՆԻ	30
14. Հայ Եղեռներ	Մ. ՆԵՏԻՄ	20
15. Թարգան	ԷՏԿԱՐ ՌԱՅՍ ՊՈՐՈՒԻ	50
16. Յոյն լեզու. Գործունեութիւնը	Պոլսոյ մէջ	20
17. Վիսօֆ	ԱՐԹԻՒՐ ՊԷՐՆԷՏ	100
18. Վարդան Մամիկոնեան	ՕՆ. ՄԽԻԹԱՐԵԱՆ	20
19. Սիրոյ յը վեպը	ՕՆ. ՄԽԻԹԱՐԵԱՆ	10
20. Նահանջ	ՕՆ. ՄԽԻԹԱՐԵԱՆ	10
21. Արամ Մանարեան	ՕՆ. ՄԽԻԹԱՐԵԱՆ	12
22. Կարմիր Յորձանք	ՕՆ. ՄԽԻԹԱՐԵԱՆ	50
23. Պաղտատար Աղբար (կտակերգ. 3 արար)	Յ. ՊԱՐՈՆՆԵԱՆ	35
24. Ազգային Բարեբաւ	Ե. ՕՏԵԱՆ	15
25. Պէլֆեկոր	ԱՐԹԻՒՐ ՊԷՐՆԷՏ	80
26. Ընկեր Շահագար (երգիծ. վեպ)	Ն. ՊԷՇԻԿՓԱՇԼԵԱՆ	10
27. Արիւնի ձանապարհին	Կ. ԽՐԱՅԵԱՆ	40

507 577 9770
 “ՄԱՍԻՍ,, ԳՐԱՏԱՆ ՀՐԱՏԱՐԱԿՈՒԹԻՒՆՆԵՐԸ

		Լէվ
1. Ասուր-Նազիր-Աբալ	Կ. ՄԵՀԵԱՆ	10
2. Մեծապատիւ Մուրացիացիները	Յ. ՊԱՐՈՆԵԱՆ	30
3. «Մասիս», Տարեգիրք Ա. Տարի	Ա. ՍԵՐԱՆ	100
4. Թանկագին Համբոյր (կտիւրդ. 1 արար)		10
5. Գիւրուկ Մարդուն Հանոյքները	ՈՒ. ՃՅՆՍԸՆ	15
6. Հռոմի Պապին Զուակները,	Մ. ԶԷՎԱՔՅՈ	150
7. Գուլալը (երգիծավեպ)	ՍԹ. ԲՈՍԹՈՎ	20
8. «Մասիս», Տարեգիրք Բ. Տարի	Ա. ՍԵՐԱՆ	100
9. Հրաշքներու Պալատը	Մ. ԶԷՎԱՔՅՈ	150
10. Խելագար Հայունին	ՏՈՔԹ. ՃԷԼԱԼԵԱՆ	65
11. Մուսա Լեւան 40 Օրերը Ա. Բ. Հատոր ՖՐ. ՎԵՐՅԷԼ		400
12. Ռակասքեհի Ասպետը	Մ. ԶԷՎԱՔՅՈ	150
13. Հին Հայ Բանասեղծուքիւնը	Գ. ԳԵՂԱՐՔՈՒՆԻ	30
14. Հայ Եղեռներ	Մ. ՆԵՏԻՄ	20
15. Թարգան	ԷՏԿԱՐ ՌԱՅՍ ՊՈՐՈՒԻ	50
16. Յոյն իրեսա. Գործունեութիւնը Պոլսոյ մէջ		20
17. Վիսօֆ	ԱՐԹԻԻՐ ՊԷՐՆԷՏ	100
18. Վարդան Մամիկոնեան	ՕՆ. ՄԵԻԹԱՐԵԱՆ	20
19. Սիրոյ մը վեպը	ՕՆ. ՄԵԻԹԱՐԵԱՆ	10
20. Նահանջ	ՕՆ. ՄԵԻԹԱՐԵԱՆ	10
21. Արամ Մանարեան	ՕՆ. ՄԵԻԹԱՐԵԱՆ	12
22. Կարմիր Յորձանք	ՕՆ. ՄԵԻԹԱՐԵԱՆ	50
23. Պաղտատար Աղբար (կտիւրդ. 3 արար)	Յ. ՊԱՐՈՆԵԱՆ	35
24. Ազգային Բարերար	Ե. ՕՏԵԱՆ	15
25. Պելիկոս	ԱՐԹԻԻՐ ՊԷՐՆԷՏ	80
26. Ընկեր Շահագար (երգիծ. վեպ)	Ն. ՊԷՇԵԿՅԱՆ	10
27. Արիւնի ձանապարհին	Կ. ԽՐԱՅԵԱՆ	40

« Ազգային գրադարան



NL0419649

